

# Luk

## Ölöwak Buᅇa Luknöᅇ ohoyök.

### Jim-asa-asari

Urumelenᅇ yeᅇön miti dölokᅇi qahö memba kazei, dokta Luknöᅇ mi azi öᅇgöᅇgöᅇi Tiofilusgöra kondelmamgöra aka Ölöwak Buᅇa ki ohoyök. Luk yaᅇön Jisösgö gwarekᅇi 12 yeᅇgöreᅇök kun qahöpmö, Grik azia aka kawöl ambazip mem ölöwak nupnöᅇ malök. Luknöᅇ Jisösgö könaᅇi yahöt kewö kondel neᅇgiza: 1) Anutunöᅇ Amötqeᅇe Tonᅇ melaimamgö keu jöhöiga Israel yeᅇgöra asuhuyök, 2) Yaᅇön mönö kantriᅇi kantriᅇi mem ölöwak neᅇgimamgöra kayök. Kembugö Uᅇaᅇan Jisös oholiga “ambazip etqeᅇeᅇi yeᅇgöra Ölöwak Buᅇa” jim asariyök. Ambazip yuai könaᅇi könaᅇi miangöra osigeri, Jisösnöᅇ yeᅇgöra waimanjat möta bauköm eᅇgiba malök. Luknöᅇ kösohot mewöᅇi sehisehiᅇi areᅇgöba ohom teköyök. Luknöᅇ sösoᅇgaigö kösohotᅇi gwötpuk ohoyök. Jisösnöᅇ mutuk gölmenöᅇ erök aka teteköᅇe miangöreᅇ gölme mosöta Suepnöᅇ öᅇgöyök. Miangöra sösoᅇgai sehisehiᅇi mi boᅇ 1-2 aka boᅇ 24 miangöreᅇ ahöza. Jisösnöᅇ Suepnöᅇ öᅇgöiga Buᅇa nup mem sehigetka mötnariᅇ kambunöᅇ qariba qariba anök. Luknöᅇ miangö kösohotᅇi mi buk qetᅇi “Aposol nup meme” miangöreᅇ ahöi ahöza.

Luknöᅇ Ölöwak Buᅇa ohoyöhi, miangö keu bo-honᅇi mi kewö dop köla ali ahöza: Köuluk nup

megetka ölni asuhuyök, Uña Töröñan ambazip sölölohöm enġii malget, Ambi yeñön Jisösbuk nup gwötpuk nañġoba meget, Anutunöñ sinġisöndokñini mosöta malök.

**Buk kianġö bahöñi bohonñi 8 mi kewö:**

Buk kianġö könañi Luknöñ ohoyök boñ 1.1-4

Jon O-melun azi aka Jisös asuħuba qariyohot 1.5-2.52

Jon O-melun azinöñ Anutugö nup meyök 3.11-20

Jisös o melun mem wañġiiga esapesap mi-wikñaiyök 3.21-4.13

Jisösnöñ qenjarök nupñi Galili prowinsnöñ meyök 4.14-9.50

Galili mosöta köna anda Jerusalem añgorök 9.51-19.27

Jerusalem añgota sonda qöndökñi malök 19.28-23.56

Wahöta asuħum enġiba Suepnöñ öñġöyök 24.1-53

Matyu Mak Jon yeñön kösohot tosatñi qahö ohogeri, mi Luknöñ nanñök ohoi bahöñi 2 aka 6 miangören ahöza. Kösohot tosatñi mi kewö: Garata yeñön liñet kölget, Lama galöm yeñön Jisös asuħuiga kaba eket, Jisösnöñ moröröpñe jöwöwöl jikenöñ öñġöyök, Samaria azinöñ gurusep azi ak kömum wañġiyök aka nanñi imbi-imbi azinöñ sinġisöndoknöñ geba sohoyöhi, miangö dopkeu.

*Luknöñ kimbi Tiofilusgö ohoyök.*

<sup>1</sup> Kezapqetok ambazipnöñ Amötqege Tonj ahumapkö keu jigetka miangö ölni sutnine asuħuyöhi, ambazip gwötpukñan miangö kösohotñi könahiba ohoget. <sup>2</sup> Yuai ölni mi sutnine asuħuiga tosatñan mi könakönahinneyök könahiba kota

nanjine jeñinan eka möt yakögeri, yeñön mianğö dop mianğö buzupñi toroqeba jim sehigetka kezapnine geba nanine buñaya ahök. Ambazip mewöñi yeñön Buña mi könahiba papianöñ ohoba arengöget ahöza.

<sup>3</sup> Nöñön mewöyök yuai pakpak asuhuba koröhi, mi törörök qesim enğibi könaneyök könahiba jigetka möt kutuzal. O Tiofilus nöñön göhöra mötpi öngöngöñi akzan. Nöñön göbuk keu eraum mötpitkö mötpi ölöwahiga Jisösgö kösohotñi mi körekñanök arengöba ohozal. <sup>4</sup> Buña keu ölni kusum gihigetka mötzani, göñön mianğö könani oyoñda körekñanök möt kömuman. Mewö.

*Jon asuhumapkö keuñi Geibrielnöñ jiyök.*

<sup>5</sup> \*Judia prowinsgö kiñ qetñi Herod yangö nalöñe azi kun qetñi Zekaraia malök. Yañön jike nup galöm mala Abaiagö nup areñnöñ kinök. Anömñi qetñi Elisabet yañön mewöyök jike nup galöm Arongö gwölönarökñi kun ahök.

<sup>6</sup> Yekñön Anutugö jeñe malmal diñdiñi mala Kembugö jöjöpañ keu aka jimkutukutuñi pakpak törörök wuatangöba köpösihitkö keuñiri qahö malohot. <sup>7</sup> Malohotmö, Elisabetnöñ köpingöra gwölönarökñiri qahö mala ambazip namñi ahot.

<sup>8</sup> Nalö kunöñ Abaiagö nup areñ nalöñan kaiga Zekaraianöñ jike nup galöm nup memapköra Anutugö jemesoholñe kañgorök. <sup>9</sup> Kañgoriga jike nup galöm yeñön aiakanini wuatangöba sutñine nup mendenñda Zekaraia mekögetka Kembugö al-tanöñ öngöba jiniñ wörönñambuk ohoyök. <sup>10</sup> Jiniñ wanafu ohoho nalöñan kam kuñguiga yañön yuai

---

\* 1:5: 1 Hist 24.10

wörönꞱambuk mi ohoiga ambazip kambu pak-pak yeñön jöwöwöl jike yaigepꞱe mamböta Anutu köuluköba malget.

<sup>11</sup> JiniꞱ ohoiga wörönꝼan pukpuköba miri uruꝼi dop köliga miangöreꝼ Kembugö garata kunöꝼ al-tanöꝼ eu asuhum waꝼgiba böröꝼi öꝼe göröken kinök. <sup>12</sup> Kiniga Zekaraianöꝼ eka auruba keꝼgötꝼi mörök. <sup>13</sup> Keꝼgötꝼi mörökmö, garatanöꝼ kewö jii mörök, “Zekaraia, gi keꝼgötꝼi kude mötnöꝼ. Anu-tunöꝼ köuluki lök mötza. Miangöra anömꝼgan gölöm ala morö nahöna mema. Mi meiga göꝼön qetꝼi Jon qetman.

<sup>14</sup> Nahönꝼi asuhuiga urugan yaꝼgöra ö껌öwahiga söꝼgainöꝼga ambazip gwötpukꝼan sö껌öꝼgai akꝼe. <sup>15</sup> \*I nam körö uruꝼe tariga Uꝼa Töröꝼan miangöreꝼök könahiba uruꝼi kokolak qeiga qariba wain me o köhöikꝼi mi qahö nemba Kembugö qöhöröꝼe azi ö껅göꝼgöꝼi aka malma.

<sup>16</sup> Mewö mala Israel ambazip gwötpuk urumeleꝼ enꝼiiga Kembuꝼini Anutugöreꝼ lilingöme. <sup>17</sup> \*Anutugö Uꝼaꝼan kezapqetok azi Elaija inahöiga kukösum qakꝼe nup meyöhi, yaꝼön mönö miangö dop mutuk qeljiꝼe aniga Kembunöꝼ andöꝼe kama. Yaꝼön anda könagesö uru kuꝼgum enꝼiiga Kembunöꝼ kamapköra jöjöröba kinme. Iwi aka nahönbörat jula deꝼgetka uru ku괁gum en괁iiga kunbuk mindirim a괁gume aka qe괁etal ambazip mi di괁di괁i ye괁gö mötmöt are괁nö괁 a괁gotme.”

<sup>18</sup> Suep garatanö껅 mewö juiga Zekaraianö껅 jiyök, “Anömni netkö껅 ambazip nam껅i akzirangöra keugan mönö dewöwö ö껅껅ambuk akawak?”

---

\* **1:15:** Ja껅 6.3      \* **1:17:** Mal 4.5-6

19 \*Mewö jüiga melenök, “Ni Geibriel. Nöñön Anutugö mesoholne kinbi melaim ningii buzup ölöpnji ki memba kaba jibi mötzan. 20 Nöngören keu jit ölnambuk asuhumawi, göñön mi jibi qahö möt narizanağöra keugan mönö qahöwahiga mötök malman. Mewö malnönga buzup keu kiangö ölnji asuhumapkö nalöñan kam kuñguiga miangören nesilamgan lolohoi keu kunbuk jiman.”

21 Nalö sutne miangören ambazipnön mamböt mala Zekaraianön jöwöwöl jikenön nalö köröp tiñtini kinöhağöra mötkurumkurum aket. 22 Mewö aka tatketka yaigep eta keu jimangö osiiga möt asariba kewö jiget, “Yañön jöwöwöl jikenön kinda jeni meleni Suepnöhök imut kun ekza.” Mewö jigetka böröñanök kaisöpsöp al engiba mötök aka malök.

23 Mewö mala jike nup meme nalöñan teköiga lilingöba mirine anök. 24 Wehön tosatni teköiga Elisabetnön gölöm ala köin 5 miangö dop mire asamböta kewö jiba tata malök, 25 “Moröni qahöpköra ambazipnön memba eta al niñgigetka Kembunön mesohol köl niñgiba miangö lömbötñi memba gila ak kömum niñgiza.” Mewö.

*Jisös asuhumapkö keuñi Geibrielnön jiyök.*

26 Elisabetnön gölöm alöhağö köinji 6 aiga Anutunön garatanji qetñi Geibriel melaiiga Galili prowinsgö mirinji kun qetñi Nazaret miangören erök. 27 \*Eta ambi seram jömukñi qetñi Maria yağören anök. Yañön azi qetñi Josef yağö ambi buñaya malök. Josefnön kin Deiwidkö gwölönarökñi kun ahök. 28 Garatanön

\* 1:19: Dan 8.16; 9.21 \* 1:27: Mat 1.18

Mariagörej anda kewö jiyök, “O Maria, silimgi ölöpnji. Kembunöj kalem möriam gihiba göbuk kinma.”

<sup>29</sup> Mewö jiyökmö, Marianöj jölöj mianğöra gwötpuk auruba könañi jaruba mötkurumkurum ahök. <sup>30</sup> Mötkurumkurum aiga kewö jii mörök, “Maria, Anutunöj kalem möriam gihiiga yanğö jeje dop köljan. Mianğöra keñgötki kude mötnöj.

<sup>31</sup> \*Mötnöj, göjön gölöm ala morö nahöna meman. Memba qetñi Jisös qetman. <sup>32</sup> \*Jisös yanön qariba azi qetbuñambuk aiga qetñi ‘Öngöngöñi ketañangö Nahönñi,’ qetketka malma. Mewö mali Kembu Anutunöj amböñi kiñ Deiwidkö jakömbuak dum wanğiiga salupñe ambazip galöm köl engiba malma. <sup>33</sup> Jeikobkö könagesö yenğö kiña aka teteköñi qahö galöm köl engiba malma. Bemtohoñi mianğön mönö nalö kunöj kude qahöwakña.”

<sup>34</sup> Garatanöj mewö jiiga Marianöj jii mörök, “Yei! Ni azigö könañi qahö mötzal. Mianğöra keu jizani, mianğö ölñi mönö denöwö asuhuma?”

<sup>35</sup> Mewö jii möta meleñnök, “Uña Töröjan mönö aum köl gihiiga Anutu öngöngöñi ketañangö ösumñan dop köla turum gihima. Mianğöra morö memani, yanön töröñi aiga ambazipnöj qetñi ‘Anutugö Nahönñi,’ jiba qerakñe. <sup>36</sup> Mötnöj, Tinigi Elisabet yanön mewöyök ‘Köpin mala morö memangö osiza,’ jigetmö, töndup ambi namñi aka nalö kewöñe morö nahöngö gölömñambuk aiga köiñi 6 akza. <sup>37</sup> \*Anutunöj yuai kun akñamgö jiba mi qahö qaköba osimakza.”

---

\* **1:31:** Mat 1.21      \* **1:32:** 2 Sml 7.12, 13, 16; Ais 9.7      \* **1:37:** Jen 18.14

<sup>38</sup> Mewö jiiga Marianöŋ jiyök, “Mötnöŋ, nöŋön Kembugö welenqeŋe ambia akzal. Mianğöra keu jizani, mianğö dop ölop ahum niŋgima.” Mewö jiiga Suep garatanöŋ mosöta anök. Mewö.

*Marianöŋ Elisabetköreŋ kusuk anda ehök.*

<sup>39</sup> Marianöŋ mi möri nalö köröpŋi qahö aiga wahöta zilaŋ jöjöröba gölme kundunje öŋgöba Judia prowinsgö taon kunöŋ anök. <sup>40</sup> Anda Zekara-iağö mire öŋgöba anömŋi Elisabet eka söŋgaiba jölöŋi jiyök. <sup>41</sup> Jölöŋi jiiga mianğöreŋök möri morö nahönöŋ körö urunje luhuba öŋgöba eri Uŋa Töröŋan Elisabetkö urunji kokolak qeyök.

<sup>42</sup> Kokolak qeiga qet ketanji qeta kewö jiyök, “O alani, Anutunöŋ kötümötuetŋi öŋgöŋgöŋi al gihi-iga ambi sutnine malman aka morö memani, i mewöŋanök kötuetköm waŋgima. <sup>43</sup> Denöwögöra Kembunangö namŋan kaba neiga mewö asuhum niŋgiza? <sup>44</sup> Mötnöŋ, gi jölöŋni jinöŋga keu jölgi kezapne gei morönöŋ urune mewöyök söŋŋgai qakŋe luhuba öŋgöba etza. <sup>45</sup> Kembunöŋ buzup keunji jiiga möta mianğö ölni asuhumawi, mi möt narizanağöra göhö mötpi simbawon akzan.” Mewö.

*Marianöŋ söŋŋgai liŋet kölok.*

<sup>46</sup> \*Marianöŋ keu mi möta kewö jiyök,  
“I-ia! Nöŋgö urukönömnan mönö önöŋi qahö  
Kembu möpöseiza.

<sup>47</sup> Nöŋgö uŋanan Anutu, Amötqeŋe Toni  
yağöra söŋgaiba köiranj kölja.

---

\* **1:46:** 1 Sml 2.1-10

48 \*Nöñön welenqeçe ambi etqeçeni mal-jalmö, Anutunöñ töndup mesohol köla ak kömum niñgiza.

Mötnöñ, ambazip kambuñi kambuñi merak könahiba asuhumei, yeñön mönö nöngöra 'Simbawoñ!' jiba möpöseim niñgiba malme.

49 Kukösum Toñan mönö aņgöletot öñgöñgöñi mem niñgii maljal.

Yaņgö qetñi mi Töröñi.

50 Ambazip merak gölmenöñ maljei aka könaņep ahum sehimei, yeņgö sutñine gwöt isik denike yeñön Anutugö jitñi oņgitpinbukö keñgötñini mötmei, yaņgö ak-kömükömuñan mönö yembuk pöndañ ahöma.

51 Anutunöñ böröñan aņgöletot memba mianñön kukñi

kondel neñgiiga ehin.

Ambazip nanñini miwidimgöba söñgöröqök malgeri, yañön mönö i köndañ eñgiiga simbisembel aka malget.

52 \*Kiñ kembuñi kembuñi jakömbuak dumñine tata ambazip galöm

köl eñgiba malgeri, yañön i mianğöreñök qeköba utal eñgiiga etket.

Etketmö, etqeçeni ia mönö mem wahöta al eñgiyök.

53 Ambazip yuaigö jañkötatañ malgeri, miñgö uruñini mönö

yuai ölöpñi ölöpñi mianñön kokolak qeyökmö,

---

\* 1:48: 1 Sml 1.11 \* 1:52: Job 5.11; 12.19



ambazip pomŋi mi melaim enŋiiga böröŋini börak öne anget.

54-55 \*Yaŋön ambösakonurupnini meköba enŋömeiga Israel aketka nini toroqeba Anutugö welenqeŋeurupŋi maljin.

Anutunöŋ mönöwök jöjöpəŋ keuŋi kewö jim jöhöm nenŋiyök, ‘Nöŋön Abraham aka yaŋgö gwölönarökurupŋi teteköŋi qahö mal öngöba malmei, i ak kömum enŋiba malmam.’

Mewö jiba keuŋi mi qahö ölum qei mala korök. Qahöpmö, yaŋön mönö keu jitŋi mi wuatəŋgöba mala merak bauköm nenŋiməŋgöra kaza.”

Marianöŋ mewö jiyök.

56 Marianöŋ köiŋ karöbut miəŋgö dop Elisabet-puk mala kunbuk miriŋe liliŋöyök. Mewö.

*Jon O-melun azinöŋ asuhuyök.*

57 Elisabetkö morö meme nalöŋan kam kuŋguiga morö nahöna meyök. 58 Morö nahöna meiga miri kösutŋe malgeri aka tinitosolomurupŋi yeŋön Kembunöŋ ak-kömukömu öngöŋgöŋi kondel waŋgiyöhi, mi möt asariba yambuk mohotŋe söstöŋgai aket.

59 \*Söstöŋgai aka wehön 7 teköiga wahöta anda Anutugö aiwesökŋi morö silenŋe yandimegöra tokoget. Tokoba iwiŋəŋgö qetŋi Zekaraia mi wakaŋ mem waŋgibingöra jiget. 60 Jigetmö, namŋan jiyök, “Mí qahöpmahöpmö, qetŋi mönö Jon qetpin.”

61 Jiiga kewö jiget mörök, “Jon qetzanmö, göhö tinitosolomgi yeŋgörenök kunŋəŋgö qetŋi mi qahö

\* 1:54-55: Jen 17.7 \* 1:59: Lew 12.3

ahöza.” <sup>62</sup> Mewö jiget möri kinda iwiñan yangö qetñi qetmapkö qesiba böröñinan kaisöpsöp alget.

<sup>63</sup> Kaisöpsöp algetka tafegöra qesii wanğigetka miangöreñ kulem kewö ohoyök, “Qetñi mi Jon.” Mewö ohoiga miangöra körek aurum tililingöget.

<sup>64</sup> Aurum tililingögetka miangöreñök numbunji amgöiga nesilamñi lolohoiga keu jiba Anutu möpöseiyök. <sup>65</sup> Möpöseiiga miri alaurupñini pakpak yeñön qemsömbunñini gwötpuk mötket. Mötketka yuai asuhuyöhi, miangö buzupñi eraum mötketka sehiba Judia kundunji gölme pakpak dop kölök.

<sup>66</sup> Buzupñi eraum mötketka körekñan mi möta urukönömñine ala angön kölget. Kembunöñ kukösumñi morösepsep qakñe mokoi malöhi, miangö könani möt asariba kewö jiget, “Morö kianön qariba mönö wani yuaia kun denöwö akña?” Mewö.

### *Zekaraiianöñ kezapqetok keu jiyök.*

<sup>67</sup> Mewö jigetka Uña Töröñan iwiñi Zekaraiagö urunji kokolak qeiga kezapqetok keu kewö jiyök,

<sup>68</sup> “Nini Israel nenğöreñ Kembu Anutu möpöseibin. I-ia!

Yañön mönö könagesöurupñi mesohol köl nenğiba sohognini memangöra jöjöröba kama.

<sup>69</sup> Anutunöñ welen aziñi kiñ Deiwidkö könagesö nenğö sutnineyök

azi kukösumñambuk kunğui wahöta Amötqeqe Tonina akña.

<sup>70</sup> Möpñangö möpñeyök kezapqetok ambazipurupñi tök-kutukutuñi

i sölohöm enğii keu jit kewö jiba malget,

- <sup>71</sup> ‘Nöñön mönö kerökurupnini yengö ösumnini qebi eriga bohonnini jöhömam.  
Denike yenjon kazik ak engimei, nöñön mönö körek yengö böröñineyök meköba sel jöhöm engimam.’
- <sup>72</sup> Keu mewö jiba bömönurupnini ak kömum engiba yembuk jöhöjöhö  
aren qainni kun jöhöyöhi, mi mötmöriba wu-  
atañgöiga amötqeqegö ölni asuhuma.
- <sup>73</sup> Jöhöjöhö keu mi bömönini Abrahamgöra jiba jöjöpañ keunon jim köhöii ahöza.
- <sup>74</sup> Jöhöjöhö keu miangö ölni kewö:  
Yañon nini kerökurupnini yengö böröñineyök meköm nenngiiga yengöra kenngötnini qahö möta welenni qem wanngiba malbin.
- <sup>75</sup> Yañon keunini jim teköi solaniba yangö jene sarakni aka malmalnini ölülp mewö mala kömumbin.
- <sup>76</sup> \*O gömokni Jon, göñon qariba mala qeljine mala ambazip urunini mindingöba mewö mianjon Kembangö könanji mesatnönga kama. Miangöra qetki ‘Anutu öngöngöni ketanangö keza-pqetok azia,’ mewö qetketka malman.
- <sup>77</sup> Mewö mala amötqeqegö könanji mi Anutugö könagesöurupni kusum enginönga mi möt kutuba urunini melengetka Anutunönj singisöndoknini sanngonda mosötma.
- <sup>78</sup> Anutuninan urunan jöpaköba ak kömum nenngimakza.  
Mewö aka mesohol köl nenngiba undinji euyangörenök ali gilikbilik akza.

---

\* 1:76: Mal 3.1

Mewögöra neñön mönö waŋgaran surui aukne asaribingö akzin.

79 \*Nini pandamanöñ jipjap taringa kömupkö kondotkondot Toñan aum köl neñgimazapmö, wehön jilinjölañ kota qaknine kuñguba mem asarim neñgima.

Mem asarim neñgiiga luaigö könañi aukne asuhui eka miangöreñ aŋgota tiba kinbin.” Zekaraianöñ mewö jiyök.

80 Morö Jon yañön qariba wahöriga Uña Töröñan inahöm wañgiiga Anutugö kolek azi köhöikñi ahök. Mewö aka gölme qararañkölkölne mala mali nalöñan kam kuñguiga Israel könagesö yeñgö jeñine aukne asuhuba qenjarök nupñi könahiba meyök. Mewö.

## 2

*Jisös Betlehem taonöñ ahuyök.*

*Mat 1.18-25*

<sup>1</sup> Jon O-melun azinöñ ahuiga nalö miangöreñ sisa kiñ Ogastus yañön Rom sitinöñ gölmeñi gölmeñi galöm köl eñgiyök. Galöm köl eñgiba takis könahiba memegöra gawmangö jimkutukutu aliga gölmeñi gölmeñi pakpak yeñön tokogetka kuskus (sensus azi) yeñön qetñini papianöñ ohoba areñgöget.

<sup>2</sup> Areñ nup mi nalö mutukña meget. Megeri, nalö miangöreñ azi qetñi Qirinius yañön Siria prowinsgö premiö mala galöm köl eñgiyök.

<sup>3</sup> Ogastusnöñ jimkutukutu aliga ambazip körek pakpak yeñön öröba anda qetñini areñnöñ

---

\* 1:79: Ais 9.2

ohomegöra nannjini ahuahu miri bohonnjini dop anget.

<sup>4</sup> Galili prowinsgö taon qetnji Nazaret miangören azi qetnji Josef malök. Yangö amböni mi kinj Deiwid. Kinj Deiwidkö taonji qetnji Betlehem mi Judia prowinsnöñ ahöyök. Miangöra Josefnöñ Nazaret mosöta öngöba geba Betlehem anök. <sup>5</sup> Anmam jüiga nalö miangören ambi buñaji qetnji Marianöñ gölömnambuk malök. Maliga i auangita qetnjiri ohomegöra mohotne anohot.

<sup>6</sup> Anda Betlehem angorohotka Mariagö morö meme nalöñan kam kunğuyök. <sup>7</sup> Kam kunğuiğa qenjarök ahöahö mire anğota miangö uruñe tiji qahö miwikñaiyohot. Miangöra bau bulmakau miriñe öngöba tarohot. Tata miangören nahönji mutukñi memba oponöñ esuhuba bulmakau joutñe ali geba ahöyök. Mewö.

*Lama galöm yeñön Suep garata enğeket.*

<sup>8</sup> Betlehem taon gölme miangören azi tosatñan sunğem dop gölme köröñi miangören anda lama kambuñini galöm köl enğiba malget. <sup>9</sup> Mewö malgetka sunğem miangören Kembugö garata kunñan kösutñine asuhum enğiyök. Asuhum enğiiga Kembugö asakmararañan liliköm enğiba asariiga qem sömbuñini möta jönömnjini unduyök. <sup>10</sup> Jönömnjini unduyökmö, Suep garatanöñ jii mötket, “Mönö kezap alget. Nönön sösongai Buña ketani ambazip körek pakpak yeñgöra memba kazal, mi indel enğimam. Miangöra jönömnjini kude unduma. <sup>11</sup> Buña mi kewö: Enğö Amötqeçe Toninan dölki ahuza. Yangön kinj Deiwidkö taonöñ asuhuba Kembu qetnji Kraist akza. <sup>12</sup> Keu miangö aiwesökñi

kewö: Inini anda morö sepsep oponöŋ esuhuba bulmakau joutŋe alget ahözawi, mi miwikŋaime.”

<sup>13</sup> Garatanöŋ mewö jiiga miangöreŋök garata kambu ketanŋan Suepnöhök kaŋgota yambuk aitonŋöba Anutugö möpömöpösei liŋet köla kewö jiget,

<sup>14</sup> “Anutugö qetbuŋaŋi möpöseininga Suepnöŋ euyangöreŋ öngöza.

Yaŋön ambazip nanŋaŋöra meköm enŋiyöhi, yeŋöra körö ölöwak möta gölmenöŋ luai al enŋiza.” Mewö.

*Lama galöm yeŋön anda Jisös eket.*

<sup>15</sup> Garata yeŋön enŋömosöta Suepnöŋ lilingöba öngögetka lama galöm yeŋön naninak kewö jiget, “Ayop, Betlehem miangöreŋ yuai ahuiga Kembunöŋ miangö keuŋi jii mötzini, nini mönö mia anda ekin.”

<sup>16</sup> Mewö jiba ösumŋinan anda Maria Josef aka morösepsep bulmakau joutŋe ahöyöhi, miwikŋaiba eket. <sup>17</sup> Eka kinda garatanöŋ morögöra keu jii möta kageri, mi indela jim asariget. <sup>18</sup> Jim asarigetka mötkeri, yeŋön körek pakpak auruba welipköget.

<sup>19</sup> Welipkögetmö, Marianöŋ keu pakpak mi uru könömŋe ala dumgöba jöhöba könaŋi mötmöriba malök. <sup>20</sup> Welipkögetmö, yuai pakpak Suep garatanöŋ jiyöhaŋgö dop asuhuyöhi, mi lama galöm yeŋön eka möta miangöra Anutugö sösongai liŋet köla möpöseiget. Möpöseiba mosöta lilingöba anget. Mewö.

*Morö qetŋi Jisös qetket.*

<sup>21</sup> \*Jisös ahui Sonda mohot miangö dop teköiga

---

\* **2:21:** Lew 12.3; Luk 1.31

Anutugö aiwesökñi silenje yandibingö nalöñi kaiga qetñi Jisös qetket. Suep garatanöñ qet mi mutuk qeta wañgiigun nalö miangörenjök namñangö gölöm uruñe ahuyök. Mewö.

*Jisös wañgita Anutugö buñaya alget.*

<sup>22</sup> \*Mosesgö Köna keunöñ keu kewö ahöza, “Am-binöñ morö nahönñi mutukñi memba silim 40 kounje mali teköiga sörö gulunji köl könjorat wañgiba inini mönö jöwöwöl jikenöñ öngöba morö mi Anutugö jene algetka yangö buñaya akña.” Miangöra nalö mi kam kuñguiga Josef Maria yetkön keu mi tem köla Jisös wañgita Kembangö buñaya akñapköra Jerusalem öngöyohot.

<sup>23</sup> \*Kembangö Köna keunöñ keu kewö ohoget ahöza, “Morö nahön pakpak sep mutuk mokozei, mi mönö Kembangö buñaya akñapköra qem teköba mem sarahime.” Yetkön keu mi wuatangöyohot.

<sup>24</sup> Mewöyök Kembangö Köna keunöñ jimkutukutu keu ahözawañgö dop kembö me kembö supsup nei yahöt mi jöwöwöl ohomahotköra Jerusalem sitinöñ öngöba anohot.

<sup>25</sup> Nalö miangören azi kun qetñi Simeon Jerusalem malök. Yañön uruñi jömuk Anutugören qekötahöba urumelengö kölguliguli aiga Uña Töröñan yambuk kiniga Amötqege Tonjan Israel uruñe asuhumapköra mamböta malök.

<sup>26</sup> Mamböta maliga Uña Töröñan keu kewö indeli mörök, “Gi Kembangö Amötqege Tonji Kraist ahui mutuk ekagun kömupkö sihimbölöñi mötman.”

<sup>27</sup> Iwinamñan Mosesgö Köna keu wuatangöba Jisös

---

\* 2:22: Lew 12.6-8      \* 2:23: Eks 13.2, 12

wanğita jöwöwöl jikenöŋ öngöyohot. Öngöyohotka Uŋa Töröŋan Simeon sölölohöi nalö mianğoreŋök mewöyök jikenöŋ öngöyök. <sup>28</sup> Öngöba morö mi eka memba dohongöba Anutu möpöseiba kewö jiyök,

*Simeongö sösöŋgai liŋet*

<sup>29</sup> “O Kembu, merak welen azigan ölop anda uru-luainöŋ mala kömuma.

<sup>30</sup> Göhö keugahö dop Amötqeŋe Tonji melainöŋ asuhuiga i nani jenan eka simbawoŋ mötzal.

Mianğöra ölop anda kömumam.

<sup>31</sup> Göŋön amötqeŋegö könani mözözömgöba kantri pakpak yeŋğöra indel eŋginöŋga mi eka möt kutume.

<sup>32</sup> \*Göŋön Amötqeŋe Tonjaŋgö asakŋi indelnöŋga kian kantri yeŋgö

uruŋini kuŋguiga asarime

aka qetbuŋagan nangi könagesögi Israel neŋgö sut-nine mewöyök qarima.”

*Simeongö kezapqetok keu*

<sup>33</sup> Simeonöŋ morögöra keu mewö jiiga iwinamŋan möta köŋkuŋ aka welipköyohot.

<sup>34</sup> Welipköyohotka kötuetköm eŋgiba namŋi Maria kewö jii mörök,

“Mötnöŋ, Anutunöŋ morö ki kuŋguba ali Israel ambazip sehisehiŋan i andö qeba eta eŋgugetka gwötpukŋan uruŋini melenđa ölöwakŋe.

Anutunöŋ nanŋak i ali aiwesök aiga gwötpukŋan i tuaköpek jim wanğime.

---

\* **2:32:** Ais 42.6; 49.6; 52.10



<sup>35</sup> Tuaköpek jim wanğigetka urumötmötnini asa-asambötñan mewö aukñe asuhuma. Nangi urugan mewöyök wösöbirik aiga mianñon sou zuluk alalñi ewö urugi kuñguba qe-siñma.” Mewö.

*Ana ambigö kezapqetok keu*

<sup>36</sup> Jerusalem mianğoreñ kezapqetok ambi namñi kun qetñi Ana malök. Yangö isikñi qetñi Aser, iwiñi qetñi Fanuel. Ambi mianñon seramñe azi memba mali yambu (yara) 7 mohotñe malohot. <sup>37</sup> Malohotka apñi kömui malö aka mala kori nalö mianğoreñ yambuñi 84 ahök. Yañon nalö dop jöwöwöl jikenöñ öngöba mi silim kun qahö mosörökmö, sunğem asak Anutugöra nene siñgi mala köuluköba waikñi memba möpöseiba malök.

<sup>38</sup> Yañon nalö mianğoreñök kañgota morö mi eka Anutu möpöseiyök. Anutunöñ Jerusalem ambazip sohopñini memapköra mamböta malgeri, körek yeñgöra morö mianğö könani jim asarii mötket. Mewö.

*Jisösbuk Nazaret lilingöget.*

<sup>39</sup> \*Josef Maria yetköñ Kembunöñ areñi jim kutuiga Köna keunöñ ahözawi, mi körek ahot teköiga Galili prowinsnöñ lilingöba taonñiri Nazaret mianğoreñ anohot. <sup>40</sup> Morönöñ qariba wahöta köhöiba mötkutukutuñi ahuba kokolak qeiga Anutugö kalem möriamñan qakñe öngöi kinök.

*Jisös yaranji 12 aiga jöwöwöl jikenöñ öngöget.*

---

\* **2:39:** Mat 2.23

41 \*Jisös iwinamñan yambu (yara) dop ak-kömukömu\* kendon nalöñe Jerusalem siti öngöba anjahotma. 42 Mewö mala Jisös yambu (yara)ñi 12 aiga silikñini ahakzeañgö dop nalöñi kam kuñguiga mewöyök öngöba anget. 43 Anda mala kendon nalö mianñon teköiga lilingöba miriñire anohot. Anohotmö, morö gwabö Jisösnöñ Jerusalem tari iwinamñan mi qahö möt kutuyohot. 44 “Yañon ambazip kambu yembuk anja,” jiba silim mohotkö dop köna anda sepkitip aka alaurupñiri yeñgö uruñine qeta jaruyohot. 45 Qeta jaruyohotmö, qahö miwikñaiba kunbuk lilingöba Jerusalem anda jaruyohot.

46 Jaruba malohotka silim karöbut teköiga jöwöwöl jikenöñ öngöba mianñoreñ miwikñaiyohot. Miwikñaiyohotka azi ketañi yeñgö sutñine tarök. Tari kusum wañgigeri, mi möta qesim enjiba tarök. 47 Tata Buña keugö könani törörök möt asariba diñdiñanök melenñiga körek pakpak yeñon mi möta welipköget. 48 Iwinamñan eka auruba namñan jii mörök, “Nahöni, gi denöwögöra mewö ak netkizan? Mötnöñ, niri iwigabuk göhöra waimanjat möta qeta jaruba malit.”

49 Mewö jiiga kewö melen etkiyök, “Inñiri mönö wuanöngöra ni göraim niñgizahot? Ni Iwinangö mire tatpi dop kölja, mi mötzahot me qahö?” 50 Mewö melen etkiyökmö, yetkön keu jiyöhi, mianñgö könani mi qahö möt asariyohot.

---

\* **2:41:** Eks 12.1-27; Dut 16.1-8

\* **2:41:** Anutunöñ Ijipt

mianñoreñ Israel ambazip engehoriña enñongñiröhi, ak-kömukömu kendon mianñgö qetñi kun Pasowa.

<sup>51</sup> Qahö möt asariyohotmö, töndup wahöta yet-puk lilingöba Nazaret taonöŋ anda iwinamŋi tem köl etkiba malök. Jisösnöŋ keu jiyöhi, namŋan mi pakpak möta urukönömŋe ala jöhöba anŋön kölök.

<sup>52</sup> \*Jisösnöŋ mala qarai yambu (yara)ŋi öngöiga mötkutukutuŋi asariba sehiiga Anutunöŋ kalem möriamŋi wanŋii köhöiba ambazip aka Anutu yenŋö jeŋine dop köl enŋiyök. Mewö.

### 3

*Jon O-melun azinöŋ Buŋa keu jiyök.*

*Mat 3.1-12; Mak 1.1-8; Jon 1.19-28*

<sup>1</sup> Zekaraiagö nahönŋi Jon yanöŋ nupŋi könahiyök. Nalö miangöreŋ sisa kiŋ qetŋi Taiberius yanöŋ Rom sitinöŋ mala gölmeŋi gölmeŋi mindiriba yambu (yara) 15 azi kembu aka toroqeba galöm köl enŋii malget. Galöm köl enŋimamgöra gölmeŋi gölmeŋi Israel liliköba ahözei, mi mesinŋetka bahöŋi 4 aiga miengö kiŋini 4 mi kewö kuŋguget:

Pontius Pailöt, Herod, Filip aka Lisantias. Pontius Pailöt mi Judia prowinsgö premiönina malök. Kiŋ Herodnöŋ Galili prowins galöm köl enŋiyök aka datŋi Filipnöŋ Ituria aka Trakonitis prowins yahöt miengö kembuŋina malök aka Lisantias yanöŋ Abilene gölme memba malök.

<sup>2</sup> Jike nup galöm bohonnini yahöt malohot, qetŋiri Anas aka Kaiafas. Nalö miangöreŋ Zekaraiagö nahönŋi Jon yanöŋ gölme qararanölkölŋe maliga Anutugöreŋ Buŋa keu asuhiiga mörök. <sup>3</sup> Anutugö Buŋa möta anda

\* 2:52: 1 Sml 2.26; Qam 3.4

Jordan o töwatɲaŋgö kösutɲe miri dop liliköba malök. Liliköba mala Buɲa keunöŋ uruɲini kuŋguba kewö jiba malök, “Inini mönö uruɲini melengetka nöŋön o melun mem eŋgimam. Mewö aketka Anutunöŋ siŋgisöndokɲini saŋgoŋda mosötma.”

<sup>4</sup> \*Miaŋgö keuɲi mi kezapqetok azi Aisaianöŋ ohoi yaŋgö Buzup Kimbinöŋ kewö ahöza, “Kolek garata kuŋɲan gölme qararaŋkölkölɲe qeta maliga anda qetɲi kewö mötme, ‘Kembunöŋ kamawo! Miaŋgöra mönö jöjöröba könaɲi mesatket. Mönö uruɲini mindiŋgöba könaɲi qölöleiget.

<sup>5</sup> Köna örue pakpak mönö qem tigetka diŋdiɲi akɲa. Kunduɲi wanɲaɲi pakpak mi mönö qeköba köl qölöleigetka köröŋi akɲa. Köna mösökqösökɲambuk mi mönö möhamgögetka diŋgime.

Luhutnöŋ köna misiiga simbiŋsambaɲ tatzawi, mi mönö kutuba mesatketka solanima.

<sup>6</sup> Anutunöŋ oyaenƙoyaen Toŋi melaii kaiga gölmeɲi gölmeɲi pakpak yeŋön mi eka ek kutume.”

<sup>7</sup> \*Jonöŋ miaŋgö dop uruɲini kuŋguiga ambazip kambuɲi kambuɲi yeŋön o melun mem eŋgimapköra yaŋgöreɲ kagetka eŋgeka yeŋgöra kewö jiyök, “O qatö moröŋi, inini uruɲini qahö melengetka Anutugö irimɲan seholiiga likepɲi melen eŋgimamgö akza. Mi ölöŋ kölbingö goro keuɲi mi mönö daŋön jii möta sömbuɲini möta ki kaze?

---

\* **3:4:** Ais 40.3-5      \* **3:7:** Mat 12.34; 23.33

8 \*<sup>8</sup>“Mianğöra mönö ölñanök uruñini melenme. Bölöñamñineyök lilingögetka ölñi asuhui mi mönö ahakmemenjanan aukñe kondela malme. Uruñine möndömöndö keu kewö kude mötmörime, ‘Neñön mönö Abrahamgö gwölöñarökña malinga Anutunöñ qahö ayuhum neñgima.’ Mewö töptöpñine qemakzemö, ölñi mi qahö ahakze. Nöñön mianğöra kewö jibi mötket: Anutunöñ köt ki ölöp jim kutum enğiiga letota Abrahamgö gwölöñarökurupñi aka Anutu möpöseimakñemö, inñini denöwö?”

9 \*<sup>9</sup>“Uruñini qahö melenme ewö, Anutunöñ mönö inñini ip ewö tenğöri etpingö akze. Ip pakpak ölñi ölöpñi qahö kuñgumakzei, mi mönö köli etket könöpñöñ gili geme. Ip mewöñi kölmamgö ke-siñi lök jitrñi sañe ala ip könane ali jöjöröba ahöza. Anutunöñ mönö bölöñamñinanğö likepñi melen enğima.”

10 Mewö jiiga ambazip kambuñi kambuñi yeñön kewö qesiba jiget, “Mewögöra nini mönö denöwö ahinga dop kölma?”

11 Qesiba jigetka kewö melenök, “Kunñan maluku yahöt memba maljawi, yeñön mönö mietköreñök kun mi malukuñi qahö i wañgima aka denike yeñön neneñinambuk maljei, yeñön mönö mewöyök neneñini qahö yeñgöra menden enğime.”

12 \*<sup>12</sup>Takis meme azi tosatñan mewöyök o melun mem enğimapkö kaba qesim wañgiget, “Böhi, neñön mönö denöwö ahinga dop kölma?” <sup>13</sup> Qesim wañgigetka jii mötket, “Gawmanöñ takisgö jim

---

\* 3:8: Jon 8.33 \* 3:9: Mat 7.19 \* 3:12: Luk 7.29

kutum engii ahözawi, dop mi mönö qahö ongita meme.”

<sup>14</sup> Yarö azi tosatnjan mewöyök qesim wanğiget, “Niniato? Neñon denöwö ahinga dop kölma?” Qesim wanğigetka kewö jii mötket, “Kungören monengöra kunguba upetkupet aka kiom kude kölmemö, nanñini töwanjini memakzei, miambuk mönö urumohok aka ösöñ malme.” <sup>15</sup> Ambazip pakpak yeñon “Jonöñ Amötqege Tonj Kraist akapuk,” jiba uruñinan mewö mötmöriget. Mianğö könani mötpingö kezapñini köröpñi aket.

<sup>16</sup> Mewö aketka Jonöñ körek yeñgöra kewö jiyök, “Nöñon o töhönöñ melun mem engizalmö, azi kukösumñi köhöikñi kun kama. Yanğö kukösumñi öngöngöñan mönö nöngören ongitma. Yanñon azi öngöngöñi akñawanğöra nöñon yanğö köna esuñanğö kösöñi bauköba pösatmamgö qötötanğömam. Yanñon mönö Uña Töröñi uruñine ali könöp bölamñan köl könjörat enğiiga mewö mianñon melun mem enğima. <sup>17</sup> Yanñon ölni aka kamböñi mendenj etkimangö sapakñi memba kangota uba qörörenğöba kewötma. Kewöta wit kötni tokoba köweñe almapmö, kamböñi aka gwaugulapñi mi mönö usuñniga könöpnöñ geba teteköñi qahö jema.”

<sup>18</sup> Keu mewöñi mewöñi gwötpuk toroqeba jiba uruñini kuñguba Ölöwak Buña ambazip kambu yeñgöra jim asariba malök. <sup>19</sup> \*Malökmö, gölme bahöñanğö kiñ Herod yanñon datñanğö anömñi qetñi Herodias mi ölöñ meyök aka bölöñi könani könani aka malöhi, mianğö sapñi Jonöñ qeba

---

\* **3:19:** Mat 14.3-4; Mak 6.17-18

munjurariga jim wanġiyök. <sup>20</sup> Jim wanġiba bölöñamñi kun toroqeba aka Jongören nupñi tözöpköba suahö galömñi jii Jon memba kösö mire alget. Mewö.

*Jonöñ Jisös o melun mem wanġiyök.*

*Mat 3.13-17; Mak 1.9-11*

<sup>21</sup> Jonöñ ambazip pakpak o melun mem enġiba Jisös mewöyök o melun mem wanġiyök. Mem wanġii köuluköiga miangörenök Suepnöñ añañiyök. <sup>22</sup> \*Añañiiga Uña Töröñan melenđa kembö nei ewö aka Jisösgö qakñe erök. Mewö eriga Suepnöhök qet kun kewö asuhuyök, “Göñön mönö nani wölböt nahöna aknöñga köröni ölöwahiga geknahöm ak gi-hizal.” Mewö.

*Jisösgö isikurupñi yenġö qet arenjini*

*Mat 1.1-17*

<sup>23</sup> Jonöñ Jisös o melun mem wanġiiga yambu (yara)ñi 30 miangö dop aiga amötqeqe nupñi könahiba memba malök. Memba maliga Josefgö nahönña akzawi, ambazipnöñ mewö mötmöriġet. Jisös iwiñi Josef, asañi qetñi Heli. <sup>24</sup> Jisös amböñi qetñi Matat, sukumñi qetñi Liwai. Liwai iwiñi Melki, asañi Janai, amböñi Josef, <sup>25</sup> sukumñi Matatias. Matatias iwiñi Amos, asañi Nahum, amböñi Esli, sukumñi Nagai. <sup>26</sup> Nagai iwiñi Mat, asañi Matatias, amböñi Semen, sukumñi Josek. Josek iwiñi Joda, <sup>27</sup> asañi Joanan, amböñi Resa, sukumñi Zerubabel. Zerubabel iwiñi Sealtiel, asañi Neri, <sup>28</sup> amböñi Melki, sukumñi Adi. Adi iwiñi Kosam, asañi Elmadam, amböñi Er, <sup>29</sup> sukumñi Josua.

---

\* **3:22:** Jen 22.2; Sum 2.7; Ais 42.1; Mat 3.17; Mak 1.11; Luk 9.35

Josua iwiŋi Eliezer, asaŋi Jorim, amböŋi Matat, sukumŋi Liwai. <sup>30</sup> Liwai iwiŋi Simeon, asaŋi Juda, amböŋi Josef, sukumŋi Jonam. Jonam iwiŋi Eliakim, <sup>31</sup> asaŋi Melea, amböŋi Menna, sukumŋi Matata. Matata iwiŋi Neitan, asaŋi Deiwid, <sup>32</sup> amböŋi Jesi, sukumŋi Obed. Obed iwiŋi Boaz, asaŋi Salmon, amböŋi Nason,

<sup>33</sup> sukumŋi Aminadab. Aminadab iwiŋi Amin, asaŋi Arni, amböŋi Hezron, sukumŋi Perez. Perez iwiŋi Juda, <sup>34</sup> asaŋi Jeikob, amböŋi Aisak, sukumŋi Abraham. Abraham iwiŋi Tera, asaŋi Nahor, <sup>35</sup> amböŋi Serug, sukumŋi Reu. Reu iwiŋi Peleg, asaŋi Eber, amböŋi Sela, <sup>36</sup> sukumŋi Kainan. Kainan iwiŋi Arpaksad, asaŋi Siem, amböŋi Noa, sukumŋi Lamek. <sup>37</sup> Lamek iwiŋi Metusela, asaŋi Enok, amböŋi Set, sukumŋi Adam. Adam mi Anutunöŋ mei ahuyök. Mewö. <sup>38</sup> (-)

## 4

### *Satanöŋ Jisös esapköba malök.*

#### *Mat 4.1-11; Mak 1.12-13*

<sup>1</sup> Jonöŋ Jisös o melun mem waŋgiiga Uŋa Töröŋan uruŋi kokolak qei Jordan onöhök lilingöiga waŋgita gölme qararanökölŋe anök. <sup>2</sup> Anda miangöreŋ mali Bölöŋi Toŋan esapköm waŋgii wehön 40 teköyök. Nalö 40 miangöreŋ nene kun qahö namba mali teköiga nenenangö kömuyök.

<sup>3</sup> Yakanangö kömuiga Bölöŋi Toŋan jii mörök, “Gi Anutugö nahönŋa akzan ewö, mi mönö kondela köt ki jim kutunöŋga letota beret aketka neman.”



<sup>4</sup>\*Jii möta melennök, “Qahö, Buña Kimbinöŋ keu kewö ohoget ahöza, ‘Nenenöhök ambazip malmal qahö nenjimakza.’ ”

<sup>5</sup> Melenniga waŋgita kundunji köröpŋi kunöŋ öngöba gölmegö kantriŋi kantriŋi pakpak mi zilaŋ kondel waŋgiyök. <sup>6</sup> Kondel waŋgiba jii mörök, “Nöŋön kantri pakpak mi galöm köl enjimamgö kukösumŋi aka inap yuainangö aködamunŋi mi nöŋgö böröne alalŋa ahöza. Miangöra mi nani sihimnangö dop niŋia waŋgimam jiba ölop waŋgimam. Miangöra yuai pakpak ki mönö göhö böröge alman. <sup>7</sup> Miangöra gi waikni memba möpöseim niŋgiman ewö, mi pakpak mönö göhö buŋaya ak teköma.”

<sup>8</sup>\*Mewö jii möta kewö melennök, “Qahö, Buña Kimbinöŋ keu kewö ohoget ahöza, ‘Gi mönö Kembugi Anutu waikŋi memba möpöseiba ia mohot welen gem waŋgiba malman.’ ”

<sup>9</sup> Melenniga Jisös waŋgita Jerusalem sitinöŋ anda jöwöwöl jikegö boŋe euyangören öngöba kewö jii mörök, “Gi Anutugö nahönŋa akzan ewö, mönö kiangörenök luhuba emu geman. <sup>10</sup> \*Buña Kimbinöŋ keu kun kewö ohoget ahöza, ‘Anutunöŋ garataurupŋi jim kutum enŋiiga ölopŋanök galöm köla sel jöhöm gihime,’ <sup>11</sup> \*aka keu kun kewö, ‘Yeŋön böröŋine ala nöŋögölim gihigetka geba kötnöŋ könage qahö guhum qizit akŋa.’ ” Miangöra geba kude ayuhuman.

<sup>12</sup> \*Mewö jiyökmö, Jisösnöŋ kewö melen waŋgiyök, “Qahö! Anutunöŋ jiza, ‘Gi mönö

---

\* **4:4:** Dut 8.3   \* **4:8:** Dut 6.13   \* **4:10:** Sum 91.11   \* **4:11:** Sum 91.12   \* **4:12:** Dut 6.16

Kembugi Anutu kude esapköm wanğiman.’ ”

<sup>13</sup> Bölöni Toñan esapesap pakpak mi Jisös ak wanğii teköiga mosöta anök. Mewö.

*Jisösnöñ könahiba amötqege nup meyök*

*Mat 4.12-17; Mak 1.14-15*

<sup>14</sup> Jisösnöñ gölme qararañkölkölñi mosöri Uña Töröñañgö ösumñan yambuk kiniga Galili prowinsnöñ lilingöyök. Lilingöiga keu buzupñan sehiba miri gölme liliköba tat angeri, mi pakpak dop köla anök. <sup>15</sup> Dop köli miriñi miriñi liliköba köuluk miriñine öngöba Buña keu kusum engiyök. Kusum engiiga mötkeri, körek yeñön mönö söñgaiba möpösem wanğiget. Mewö.

*Nazaret yeñön Jisös andö qeget.*

*Mat 13.53-58; Mak 6.1-6*

<sup>16</sup> Jisösnöñ lilingöba malqarip taonñi Nazaret miangöreñ anök. Sonda kendonöñ kaiga ahakzawanğö dop köuluk mire öngöba Buña Kimbi oyon engimangö wahörök. <sup>17</sup> Wahöri kezapqetok azi Aisaiagö Buzup Kimbi wanğigetka kötula keu kembañi kewö ohoget ahözawi, mi miwikñaiyök:

<sup>18</sup> \**“Kembugö Uña Töröñan nöñgö urune geba nup memegö kelök supañi*

*köl niñgiba ambazip etqegeñi yeñgöra Ölöwak Buña jim asarimakzal. Yañön melaim niñgiiga keu kewö jim sehimakzal:*

*Bölöñan gwaröhöm engii maljei, Anutunöñ mönö i pösata meköm engiiga malme.*

*Anutunöñ jegömöl ambazip jeñini mem tohoiga kunbuk uba ekñe.*

---

\* **4:18:** Ais 61.1-2

Taikpaik memba eta alget maljei, Anutunöŋ mönö i meköm enğiiga siyoŋsayoŋi qahö malme.

19 Kembunöŋ amötqeqegö yambu ölopŋi ali kam kuŋgumawi, nöŋön miangö kolekŋa kaba mi jim asarimakzal.”

20 Keu mewö oyoŋda köpöp supap mi köpeiba galömnji waŋgiba eta tarök. Tariga köuluk mire tatkeri, yeŋön körek je qisilmisilŋi qahö dörötköba ehiget. 21 Ehigetka könahiba kewö jii mötket, “Buzup Kimbigö keu ki oyoŋbi kezapŋine gei mötzei, miangö ölnjan mönö merak asuhuza.”

22 Mewö jii mötketka kalem möriam keuŋi keuŋi numbuŋeyök eriga körekŋan mi möta welipköba jim soroköm waŋgiba keu miangö jiji-kilik-kilikŋi mi kewö jiget, “Azi ki Josefö nahönŋa me?”

23 Jigetka kewö jii mötket, “Inini nalöŋi nalöŋi keu kötnji ki jimakze, ‘Mem ölöwak azi gi mönö nangi mem ölöwak aŋguman.’ Inini keu kötnji mi dölki nöŋgöra jibingö mötze, mi mötzal. Mi jiba kewö jibeak, ‘Gi Kaperneam taonöŋ anda aŋgöletot öŋgöŋgöŋi menöŋga buzupŋi mörini, miangö dop mönö nangi miri kiangören mewöyök meman.’”

24 \*Mewö jiba jiyök, “Nöŋön keu ölnji kun kewö jibi mötme: Kezapqetok ambazip kunöŋ mönö nanŋi malqarip taonöŋ qahö dop kölja.

25 \*“Nöŋön keu ölbölŋi kun kewö jibi mötme: Elaijagö (Elia) nalöŋe Anutunöŋ Suep nanŋuŋi köli yambu (yara) karöbut aka köiŋ 6 miangö uruŋe kie qahö yöhöiga bödi ketanji ahuiga gölme pakpak dop kölök. Nalö miangören ambi malö gwötpuk

---

\* 4:24: Jon 4.44      \* 4:25: 1 Kiŋ 17.1

Israel uruŋe malget. <sup>26</sup> \*Gwötpuk malgetmö, Anu-tunöŋ Elaija yeŋgöreŋök kungöreŋ anmapkö qahö melaiyökmö, kian gölme Saidongö miri qetŋi Sarefat miangöreŋ ambi malö mohot-töp yaŋgöreŋ melaiiŋa anök. <sup>27</sup> \*Kezapqetok azi Elisagö nalöŋe uzikukunöŋ Israel azi gwötpuk turum eŋgiiga malgetmö, yeŋgöreŋök kunŋan kun qahö solaniyök. Qahöpmö, kian gölme Siriagö azi qetŋi Naman yaŋön mohot-kun mönö Elisagö keuŋi möt nariba solaniba ölöwahök.”

<sup>28</sup> Jisösnöŋ mewö jiiga köuluk mire tatkeri, yeŋön körek keu mi möta irimŋini seholiiga urupik aket.

<sup>29</sup> Urupik aka wahöta Jisös közöla taon yaigepŋe wuatangöba taon mi kundunangö sem kösutŋe meget kinöhi, miangöreŋ aköget gemapköra anget.

<sup>30</sup> Angetmö, sutŋine qendenŋa eŋgömosöta anök. Mewö.

*Kaperneam taonöŋ öme kun közölök.*

*Mak 1.21-28*

<sup>31</sup> Jisösnöŋ Galili prowins uruŋe Kaperneam sitinöŋ eta aŋgota Sabat kendonöŋ ambazip kambu kusum eŋgiyök. <sup>32</sup> \*Kusum eŋgiiga keuŋan kukösumŋambuk aiga jiyök. Miangöra könagesö yeŋön mi eka auruba welipköget.

<sup>33</sup> Köuluk miri miangöreŋ azi kun ömeŋambuk tarök. Tariga ömeŋan teriŋgöba silata qetŋi kewö qerök, <sup>34</sup> “Aek! Jisös, Nazaret azia! Gi wania ak neŋgimangö akzane? Mönö ayuhum neŋgimangöra kazan me? Ni könaŋamgi möt kutuzal. Gi Anutugöreŋ azi Tök-kutukutuŋi akzan.”

\* **4:26:** 1 Kiŋ 17.8-16    \* **4:27:** 2 Kiŋ 5.1-14    \* **4:32:** Mat 7.28-29

<sup>35</sup> Mewö qeriga Jisösnöñ tembula kewö jim wanjiyök, “Gi mönö keugi bököiga azi ki mosöta kesalnöñ.” Mewö jim wanjiiga ömenöñ azi mi memba gili tala sutñine gölmenöñ geiga miz-iqizikñi qahöpmahöp aka kota mosöta anök.

<sup>36</sup> Aniga körekñan nemböñini teköiga welipköba sutñine eraum möta kewö jiget, “Yei! Keu ki mönö wani keuya? Yanön kuk aka ösum-mumu qakñe ömewöröme jim kutum enjiiga tem köla kota anje.”

<sup>37</sup> Mewö asuhuiga Jisösgö qetbuñan sehiba miri pakpak kösutñe tat angeri, miangören anda gölme mi dop kölok. Mewö.

*Jisösnöñ kawöl ambazip gwötpuk meiga ölöwaket.  
Mat 8.14-17; Mak 1.29-34*

<sup>38</sup> Jisösnöñ wahöta Kaperneam köuluk miri mi mosöta Saimon Pitögö mire öngöyök. Öngöiga Saimongö suhunñan sile könöp öngöngöñi yöhöi ahöyök. Ahöiga yanjöra aka Jisös köuluköm wanjiiget. <sup>39</sup> Köuluköm wanjiigetka anda sipköba geba sile könöp jim kutum wanjiiga mosöriiga miangörenök wahöta nene ohoba gumohom enjiyök.

<sup>40</sup> Wehön jeni teköba geiga miangören ambazip denike yeñon alaurupñini kawöl könöñi könöñi miangön engehöi ahögeri, mi körek enjuangita Jisösgören kaget. Kagetka böröñi körek yeñgö qakñine inannik inannik aliga ölöwak teköget.

<sup>41</sup> Ömewöröme yeñon mewöyök ambazip gwötpuk yeñgö uruñineyök kota silata kewö qetket, “Gi Anutugö nahöñni akzan.”

Jisösnöŋ Amötqeŋe Toŋi Kraist akzawi, yeŋön mi mötkeraŋgöra Jisösnöŋ jim eŋgiba numbuŋini muhungöba eŋguataŋgöyök. Mewö.

*Amötqeŋe nupŋi Galili dop kölök.*

*Mak 1.35-39*

<sup>42</sup> Jisösnöŋ gaun ahöiga miri waŋgaraŋ suruiga wahöta nanŋik tirin (tin) kutuba geba göraŋe kunöŋ anök. Anökmö, ambazip yeŋön göraim waŋgiba anda miwikŋaiba kude eŋgömosöta anmapköra esapköba aŋgön köl waŋgiget. <sup>43</sup> Aŋgön köl waŋgigetmö, kewö jii mötket, “Nöŋön Anutu bemtohonŋaŋgö Ölöwak Buŋaŋi mi taon tosatŋi yeŋgöra mewöyök jim asarim eŋgibi dop kölma. Anutunöŋ mönö miangöra melaim niŋgiyök.”

<sup>44</sup> Mewö jiba anda Galili prowins liliköba köuluk mirinŋine Buŋa keunöŋ uru kuŋgum eŋgiba malök. Mewö.

## 5

*Jisösnöŋ gwarekurupŋi mutukŋi eŋgoholök.*

*Mat 4.18-22; Mak 1.16-20*

<sup>1</sup> \*Nalö kunöŋ Jisösnöŋ Genesaret o aŋgö jitŋe kiniga ambazipnöŋ kambu köla Anutugö Buŋa keu mötpingö ölöqölököba liliköm waŋgiget. <sup>2</sup> Liliköm waŋgigetka kinda waŋge yahöt köwet göraŋe tarohotka etkehök. Söra örörö yeŋön waŋge mi mosöta geba mösakŋini kusahöla saŋgoŋget. <sup>3</sup> Waŋge kun mi Saimongöreŋa. Jisösnöŋ miangöreŋ öngöba toŋi kewö qesim waŋgiyök, “Göŋön mönö naŋgönöŋga borom kun noaŋgita onöŋ göröken anma.” Qesim

\* **5:1:** Mat 13.1-2; Mak 3.9-10; 4.1

wan̄giiga nan̄göiga anda wan̄genöŋ tata ambazip kambu kusum en̄giyök.

<sup>4</sup> Kusum en̄gim teköba Saimongöra jiyök, “Göŋön mönö wan̄ge ki nan̄gönöŋga o an̄gö bibiŋe aniga alaurupki yembuk mösakŋini söragöra gilgetka gema.”

<sup>5</sup> \*Jiiga Saimonöŋ melen̄nök, “Ketan̄amni, nini sun̄gem köröp mösak gil bibihiba öŋi kun qahö mezin. Qahöpmö, göŋön jim kutuzan̄göra mönö töndup anda gilin gema.” <sup>6</sup> \*Mewö melen̄ni jiyöhan̄gö dop aketka söranöŋ awamŋi qahö mösakŋine gegetka buratibingö aket. <sup>7</sup> Mewö aketka alaurupŋini wan̄ge kunöŋ malgeri, yengöra kaba bauköm en̄gimegö börökaek kölgetka kaget. Kagetka wan̄ge yahöt mi söranöŋ kokolak qegetka nemulahöm taköyohot.

<sup>8-9</sup> Söra öŋgöŋgöŋi mewö memba eka miangöra körekŋan welipköget. Welipköba Saimon Pitönöŋ mi eka Jisösgö wösöŋe geba simin köla jiyök, “O Kambu, ni singisöndok azia akzalan̄göra mönö nömosöta anöŋ.” <sup>10</sup> Saimongö alayahötŋi Jeims aka Jon Zebedigö nahönyahötŋi yetkön mewöyök nemböŋiri teköiga welipköyohot. Saimonöŋ keuŋi jiyökmö, Jisösnöŋ kewö melen̄nök, “Mönö keŋgötki kude mötman. Gi kian̄gö andöŋe ambazip mi söra ewö öröba en̄gömemba malman.”

<sup>11</sup> Mewö jiiga wan̄genini öröba kota saknöŋ ala öroyuaiŋini pampak mosöta Jisösgö andöŋe wu-atangöba anget. Mewö.

*Jisösnöŋ uzikuku azi kun mem solaniyök.  
Mat 8.1-4; Mak 1.40-45*

\* 5:5: Jon 21.3      \* 5:6: Jon 21.6

<sup>12</sup> Jisösnöŋ taon kunöŋ maliga miangöreŋ azi kun silenji uzikukunöŋ mem bölim teköiga tarök. Tata Jisös eka kösutŋe simin köla geba kewö köuluköm waŋgiyök, “O Kembu, göŋön sihimgan mem ölöwak niŋgimangö mötzan ewö, mönö ni ölöp mem solanim niŋgiman.”

<sup>13</sup> Mewö jiiga böröŋi böranda silenji misiriba jiyök, “Nöŋön mi akŋangö mötzal. Gi mönö solaniman.” Mewö jiiga uzikukunji mi miangöreŋök solaniyök.

<sup>14</sup> \*Solaniiga kewö jim kutum waŋgiyök, “Mötnöŋ kiangö buzup keunji mi kun kude jinöŋ mötme. Qahöpmö, gi mönö jike nup galömgöreŋ anda silegi kondel waŋgiba Mosesgöreŋ jimkutukutunji wuatangöba solanizanaŋgö saiwap nalukŋi ala jöwöwöl ohoman. Mi ohonöŋ ehiga ambazipnöŋ könaŋamgi möt kutume.”

<sup>15</sup> Mewö jiyökmö, mi töndup Jisösgö qetbuŋani sehiba miri dop asariba anök. Anöhaŋgö dop ambazip kambuŋi kambuŋi yeŋön keunji mötpingö aka kawölŋini mem ölöwakŋapkö yaŋgöreŋ kaba tokoget. <sup>16</sup> Kagetmö, Jisösnöŋ engömosöta gölme qararanökölŋe anda mala köuluköyök. Mewö.

*Jisösnöŋ azi sile likeŋji kömukömuŋi möhamgöyök.  
Mat 9.1-8; Mak 2.1-12*

<sup>17</sup> Jisösnöŋ wehön kunöŋ Buŋa keu kusum eŋgiiga Farisi (Köna keugö kapaŋkölköl) aka Köna keugö böhi tosatŋan Galili aka Judia prowinsgö miriŋi miriŋi aka Jerusalemök kaba ambazip kambu sutŋine tatket. Kembugö kukösumŋan Jisös nam köl waŋgiiga ambazip kawölŋini mei ölöwaket.

\* **5:14:** Lew 14.1-32



18 Nalö miangöreŋ azi tosatŋan alaŋini sile likepŋi kömukömuŋi mi kululunöŋ ala aŋguba kaget. Kaba kutuba Jisösgö kösutŋe miri uruŋe öŋgöba albingö esapköget. 19 Esapkögetmö, ambazip kambunöŋ ölököba kingeraŋgöra paŋpaŋgöba miri uruŋe öŋgöbingö köna kun qahö miwikŋaiba memba miri qakŋe öŋgöget. Öŋgöba bo kötnöŋ memenji mi esim lulungetka kinimŋi ahui kawöl azi kululuŋambuk kösönöŋ jöhöba miangöreŋ algetka ambazip sutŋine Jisösgö wösöŋe geyök. 20 Mewö geiga Anutu möt narim waŋgigeri, Jisösnöŋ yeŋgö tandökŋini mi ehi dop köliga kawöl azigöra kewö jiyök, “Alani, nöŋön siŋgisöndoki mosötzal.”

21 Mewö jiiga Köna keugö böhi aka Farisi yeŋön mi möta könahiba kewö jiba mötmöriŋet, “Azi ki niŋia? Yaŋön mönö Anutu ilita mepaqepaik akza. Anutu mohotŋan siŋgisöndoknini mosörakzapmö, azi kunŋan mi qahö.”

22 Mewö mötmöriŋetmö, Jisösnöŋ uruŋini ek kutuba kewö jii mötket, “Tosatŋi iŋini uruŋinan wuanöŋgöra keu jizali, miangöra gwötpuk mötmörize? Mi qahö dop kölja. 23 ‘Nöŋön siŋgisöndoki mosötzal, jizali, keu miangön mönö awamŋanök jijiŋa. Kunŋan mewö jiiga tosatŋan keu miangö ölni qahö ekŋe. Miangöra mi keu awamŋaŋgö dop. Nöŋön keu kun kewö jimamangö mötzal, ‘Mönö wahöta anöŋ.’ Keu mi mönö lömbötŋambuk jijiŋa akza. Mewö jibiga ölni asuhuma me qahöwi, miangön mönö aukŋe asuhui ekŋe.

24 Mötket, gölmenöŋ siŋgisöndok mosötmosötkö

kukösümüni mi Suep gölmegö azi ölnangören ahözawi, inini miangö kónangöra janjuj malbepuk. Miangöra keu lömbötñi mi azi kiangöra jibi ölni eket.” Mewö jiba azi sile likepñi kömukömuñi yangöra jiyök, “Nöñön göhöra jizal: Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omañi akawak?”

<sup>25</sup> Mewö jüiga miangörenök jeñine wahöta tumbulahöpñi ahöyöhi, mi memba Anutu möpöseiba mosöta miriñe anök. <sup>26</sup> Mewö asuhuiga ambazip körekñan welipköba sömbuñini möta Anutu möpöseiba jiget, “Yei! Merak yuai qetpuk soroha ekzin.” Mewö.

*Jisösnöñ Matyu (Liwai) oholök.*

*Mat 9.9-13; Mak 2.13-17*

<sup>27</sup> Miangö andöñe Jisösnöñ Kaperneam mosöta anda takis ofis ongitmamgö aiga miangören takis meme azi qetñi Liwai tariga eka jii mörök, “Gi mönö nöngö andöne kanöñ.” <sup>28</sup> Mewö jii möta nupñi pakpak mosöta wahöta Jisösgö andöñe anök.

<sup>29</sup> Anda Jisös miriñe köl öröba yangöra közölömbuan ketañi mözözömgöyök. Mözözömgöba takis meme tilipqilipñinambuk aka alaurupñi tosatñi öröm enjiiga kambu ketañi köla yembuk tata nene neget. <sup>30</sup> \*Mewö negetka Farisi (Köna keugö kapankölköl) aka yengören böhi yeñön mi eka jimongot aka Jisösgö gwarekurupñi kewö jim enjiget, “Aek! Inini mönö wuanöngöra takis meme tilipqilipñinambuk aka siñgisöndok ambazip yembuk tata nene aka o neze? Mi qahö dop kölja.”

---

\* **5:30:** Luk 15.1-2

<sup>31</sup> Mewö jim enġigetka Jisösnöŋ likepŋi kewö jii mötket, “Sile unditundit ambazipnöŋ doktagöra qahö ak enġimakzapmö, kawöl ambazipnöŋ mönö doktagöreŋ anakze. <sup>32</sup> Nöŋön siŋgisöndok ambazip uruŋini melenmegö enġoholmamgöra kaba maljalmö, ambazip nanŋinanġö mötketka solanŋi akzei, i qahö.”

*Nene siŋgi malmalgö keuŋi*

*Mat 9.14-17; Mak 2.18-22*

<sup>33</sup> Ambazip tosatŋan Jisösgöreŋ kaba qesiget, “Jon O-melun azigö gwarekurupŋi neŋön nalö gwötpuk Anutugöra nene siŋgi mala köuluk totoko köröpŋi alakzin. Farisi (Köna keugö kapankölköl) yeŋgö gwarekurupŋinan mewöŋanök aka maljemö, nangi gwarekurupkan mönö pöndaŋ nene aka o nemakze.”

<sup>34</sup> Mewö qesigetka kewö melenök, “Ölŋa! Nini wani nalönöŋ nene siŋgi malakzin? Ambi meme nalöŋe azigö andöurupŋan könöpŋi algetka ambigö sep kitipurupŋan yuai mi tökömakze me qahö? Nöŋön nani gwarekurupni yeŋgö azi buŋaya aka yeŋgö sutŋine köisirik tatzal. Tatpiga siŋgi malbingö jigetka yeŋön aijölöŋ söŋgaiba tata siŋgi malbingö osimakze. <sup>35</sup> Osimakzemö, Anutunöŋ noanġiri kömumbiga yeŋön mönö nalö miangöreŋ ölop siŋgi malakŋe.

<sup>36</sup> “Inini malmal walŋi aka sösoŋgai Buŋa dölökŋi mi mindirim etkibingö osime. Miangö dopkeu pasetŋi kun mi kewö jibi mötket: Löŋgölöŋgöt walŋi jurariga kunöŋ löŋgölöŋgöt dölökŋi mitiba opo su jöhanŋi mianöŋ qahö ala uhum göreŋgömakza. Mewö akawak ewö, opo su jöhanŋi

dölökñan mönö walñambuk öröröñ qahö aka mi öröba munjurariga böliqölibapuk.

<sup>37</sup>“Mewöñanök kunöñ wain o dölökñi mi jobö me toru walñi lama silenñan memenji mianğöreñ qahö kusuiga gemakza. Mewö akawak ewö, wain o dölökñan mönö qariba toru qesiñniga jula mokoiga gölmenöñ eta sohoiga toruñan böliqölibepuk.

<sup>38</sup>“Mianğöra wain o dölökñi mi toru dölökñeyök mokoin geiga dop kölma. (Mewöñanök kunöñ o ölopñi mi gina gisagisahöñe qahö umakzin. Mewö ubinak ewö, mianön mönö jula kisipisirik eriga nemba kawöl neñgöhöbapuk. Mewö akapüköra o ölopñi mi gina ölopñe umakzin. Inini mewöyök malmal walñi aka Ölöwak Buña dölökñi mi mindirim etkibingö osime.) <sup>39</sup> Kunñan wain o walñi möpöseiba nemba malakzawi, yañön wain o dölökñi nemamgö sihimñi qahö möta ölan alakza.” Mewö.

## 6

*Jisösnöñ Sabat kendongö Kembuñi akza.*

*Mat 12.1-8; Mak 2.23-28*

<sup>1</sup> \*Mianğö andöñe Sabat kendon kunöñ Jisösnöñ wit padi nup köröñi ketañi kutuba anök. Ani gwarekurupñan wösöñini enğuiga wit ölni mohot mohot böröñinan misiba sömañda neget. <sup>2</sup> Mewö negerañgöra Farisi (Köna keugö kapañkölköl) tosatñan mi eka kewö jiget, “Inini mönö wuanöñgöra Sabat kendongö nup meme sonğöñi onğitze?”

---

\* **6:1:** Dut 23.25

<sup>3</sup> \*Mewö jigetmö, Jisösnöñ kewö melenök, “Kiñ Deiwidnöñ yarö aziurupñi yembuk liliköba wösöñini enğuiga yuai akeri, mi lök oyonget me qahö? <sup>4</sup> \*Yañön mönö Anutugö opo seri jikenöñ öngöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönö meiga neget. Beret kömbukñi mosötmosötñi mi jike nup galöm yeñönök nezema. Yañön aka yañgö sunğurumurupñan mi nembepuköra soñgo ahöyök mi töndup neget.”

<sup>5</sup> Mewö jiba kewö jii mötket, “Suep gölmegö azi ölnan mönö Sabat kendongö Kembuñi akza.” Mewö.

*Jisösnöñ azi böröñi sösröngöñi mem ölöwahök.*

*Mat 12.9-14; Mak 3.1-6*

<sup>6</sup> Jisösnöñ Sabat kendon kunöñ köuluk mire öngöba Buña kusum enğiyök. Mianğoreñ azi kun böröñi ölni soholiiga tarök. <sup>7</sup> Köna keugö böhi aka Farisi (Köna keugö kapañkölköl) yeñön Jisös eka keu jakeñe al wañgibingö könañi jaruba “Azi mi Sabat kendonöñ möhamgöma me qahö?” jiba je galöm memba tatket. <sup>8</sup> Tatketmö, Jisösnöñ mötmötñini mi möt kutuba azi böröñi sosoholiñi mi kewö jii mörök, “Mönö wahöta jenine kinöñ.” Mewö jiiga wahöta kinök.

<sup>9</sup> Kini Jisösnöñ jii mötket, “Köna keu wuatangöba Sabat kendonöñ yuai ölopñi me bölöñi akin? Ölop kungö bohonñi jöhöbin me mosöringa ayuhuma. Wanat kun meinga dop kölma? Mi qesim enğibi jiget.” <sup>10</sup> Mewö jiba körek pakpak lilingöm purik enğeka azi mianğö jiyök, “Gi mönö börögi

\* 6:3: 1 Sml 21.1-6 \* 6:4: Lew 24.9

qötöteinöŋ.” Mewö jiiga böröŋi qötöteiiga kunbuk ölöwahök.

<sup>11</sup> Ölöwahökmö, galöm yeŋön irimŋini gwötpuk seholiiga “Jisös denöwö ak waŋgibin?” jiba nanŋini eraum mötket. Mewö.

*Gwarekurupŋi 12 möwölöhöm enŋiyök.*

*Mat 10.1-4; Mak 3.13-19*

<sup>12</sup> Nalö mianŋöreŋ Jisösnöŋ kundunŋe köulukömamgö öŋgöba sunŋem köröp mi Anutu köuluköm waŋgiba mali miri alök. <sup>13</sup> Miri gianŋiiga gwarekurupŋi enŋohola yeŋgöreŋök 12 möwölöhöm enŋiba melaimelai azi aposol qet mi enŋiyök.

<sup>14</sup> Qetŋini kewö qerök: Saimon, Jisösnöŋ qetŋi Pitö waŋgiyök, yaŋgö munŋi Andru aka Jeims, Jon, Filip, Bartolomyu, <sup>15</sup> Matyu, Tomas, Jeims Alfiusgö nahönŋi aka Saimon qetŋi kun Tuaköpek azi qetket.\* <sup>16</sup> Judas Jeimsgö nahönŋi aka Judas Iskariot. Kariot azi mianŋön könanŋen mamalolo azia ahök.

*Jisösnöŋ kawöl ambazip mem ölöwak enŋiyök.*

*Mat 4.23-25*

<sup>17</sup> Jisösnöŋ aposolurupŋi yembuk kundunŋeyök eta gölme köröŋe anda kinget. Kingetka gwarek kambunŋi ketanŋi aka ambazip kambulelembe yeŋön yaŋgöra tokoba mambötket. Yeŋön “Buŋanŋi jii möringa kawölnini mem ölöwakŋa,” jiba mianŋöra Judia prowins pakpak, Jerusalem siti aka köwet jitŋeyök Taiö aka Saidon taon mianŋöreŋök kaba tokoget. <sup>18</sup> Ömewörömenöŋ

\* **6:15:** Nasönöl pati zelot yeŋön Rom gawman tuarenŋon aka nanŋine kinkin membingö tuaköpek memba malget.

kölköljinjin mem engiyöhi, yejön mewöyök kaba ölöwaket. <sup>19</sup> Kukösumñan yangörenök kutuba yeñgören öngöiga körek ölöwak engiyök. Miangöra ambazip körekñan Jisös misiribingö jaram tiget. Mewö.

*Simbawon aka kezapjupjup ahakö keunji*

*Mat 5.1-12*

<sup>20</sup> Jisösnöñ gwarekurupñi uba wahöta engeka kewö jiyök,

“Anutugö bemtohoñ mi wanapñi engö buñaya. Miangöra wanapñi inini mönö simbawon akze.

<sup>21</sup> Nalö kewöñe nenegö ewö kömumba qemjen qeba maljei, Anutunöñ mönö

sihimñini mi gumohom engima. Miangöra inini mönö simbawon akze. Nalö kewöñe sahötzei, eñön mönö sösöngai aka gön kölme. Miangöra wösöbirik maljei, inini mönö simbawon akze.

<sup>22</sup> \* “Ambazipnöñ inini Suep gölmegö azi ölnangöra aka kazik aka

yaköriba silenje ala urugeqe keu töhöreñ jim engiba kiam sekbölö ewö qetñini kutumei, inini mönö simbawon akze.

<sup>23</sup> \* Ambösakonurupñinan miangö dop kezapqetok ambazip yeñgöra ak

engiba malget. Mötket! Anutunöñ töwanini öngöngöñi Suep mire ali ahöza. Miangöra mewö ak engigetka nalö miangören mönö söngaiba köirañ kölme.

---

\* **6:22:** 1 Pitö 4.14      \* **6:23:** 2 Hist 36.16; Apo 7.52

24 Injini simbawonj maljemö, pomñi suki-  
napñinambuk injini malmal  
siyonşayonji qahö maljei, mi teköma. Mianğöra  
nönön engöra wöziköba ‘Yei!’ jizal.

25 Nalö kewöñe nem timbirenj maljei, injini mönö  
wösöñini ali (buörö)

bödi malme. Mianğöra nönön engöra wöziköba  
‘Yei!’ jizal. Nalö kewöñe sösöñgai aka gön  
köljei, injini mönö amburerenj aka sahötme.  
Mianğöra nönön engöra wöziköba ‘Yei!’ jizal.

26 “Ambösakonurupñinan kezapqetok ambazip  
takapulakanj jim  
möpöseim engiba malget. Ambazip pakpak mianğö  
dop ak engigetka nönön engöra wöziköba  
‘Yei!’ jizal.” Mewö.

*Kerökurupki mönö jöpaköm engiman.*

*Mat 5.38-48; 7.12a*

27 “Bölöñi ak engimemö, injini keuni möta  
maljei, nönön engöra kewö jibi mötme: mönö  
kerökurupñini uruñinan jöpaköm engiba malme.  
Denike yeñön kazik ak engizei, i mönö ölopñanök  
ak engiba malme.

28 “Denike yeñön qesuahöba jinjererenj ak engizei,  
i mönö köl tömbiba kötuatköm engime. Örom ureim  
ak engizei, yeñgöra mönö Anutugö köuluköme.

29 “Kunñan nuñgulumgi likepñi qekötahöliiga  
likepñi mewöyök melenj wanğiman. Kunñan  
qakñangö malukugi goañgiriga göñön mönö  
dutñangö oponji mohokñe memangö möri mi  
kude añgön kölman.

30 “Yuaigö ulet gihigetka mi mönö körek yeñgöra  
engiman. Kunñan göhö inap yuaigi meiga mi



mönö melen gihimapkö kude kapan köla qesiman.

31 \*Ambazipnön yuai nanñinanğö ak engimegö mörakzei, mianğö dop mönö nanñini mewöyök i ak engimakne.

32 “Gölmegö singisöndok ambazipnön alaurupñinan jöpaköm engigetka kitipñi melen da jöpaköm engiba möpöseim anğumakze. İnini mianğö dop gölmegö tandökñi wuatangömakze ewö, Anutugören tosa qahö ahuiga mönö denöwö inini möpöseim engibawak? Alaurupñini aka kerökurupñini mi mönö mohotne jöpaköm engigetka töwa enğiiga oyaen koyaen akne.

33 “Gölmegö singisöndok ambazipnön alaurupñinan yuai ölopñi ak engigetka kitipñi melen engiba ala ak anğuba möpöseim anğumakze. İnini mianğö dop aka gölmegö tandökñi wuatangömakze ewö, Anutugören tosa qahö ahuiga inini qahö möpöseim engima.

34 “Gölmegö singisöndok ambazipnön monen yuai mi singisöndok ambazip tosatñi yengöra engiba kitipñi miyök melen engimegöra kapan kölakze. Mi gölmegö ahakmemeya. İnini tosatñan tosañini melen engimegö al mambötketka Anutunön mönö denöwö möpöseim engibawak? Tosatñan tosañini qahö melen engigetka Anutunön mönö kitipñi mi melen da töwa engima.

35 “Inini mönö Suep Toñanğö ahakmemeya aka memba malme. Gölmegö ambazipnön bölöñi aka saiwap qahö jimakzemö, Anutunön tondup i ölopñi ak engimakza. Mianğöra inini mönö kerökurupñini uruñinan jöpaköba ölopñanök ak

---

\* 6:31: Mat 7.12

engiba monen yuai engiba miangö likepni kun melennda engimegöra kude al mambötme. Mewö aka malgetka töwaninan sehiba öngöngöni aiga Anutu öngöngönanö nahönböraturupni aka malme.

<sup>36</sup> “Suep Iwiñinan körek pakpak ak kömum engimangö mötzawi, injini mönö miangö dop ambazip pakpak ak kömum engiba malme.” Mewö.

*Jimtekötekö tonji ewö kude akne.*

*Mat 7.1-5*

<sup>37</sup> “Ambazip tosatni yengö keunini mi kude kewöta jim teköme. Mi qahö jim teköm engigetka Anutunöñ mönö nanñini mewöyök qahö jim teköm engima. Injini tosatni yengö siñgisöndokñinanö likepni mi qahö melen engime. Mi qahö melen engigetka Anutunöñ mönö nanñini siñgisöndokñinanö likepni mi mewöyök qahö melen engima. Injini mönö tosatni yengö siñgisöndokñini mosötme. Mi mosötketka Anutunöñ nanñini siñgisöndokñini mewöyök sanğonda mosötma.

<sup>38</sup> “Injini ambazip tosatni yengöra yuai ak engigetka Anutunöñ mönö miangö dop kewöta yuai mi melennda engöra ak engima. Miangöra injini mönö yuai kalema engimakne. Mewö engigetka Anutunöñ mönö mewöñanök kalema engimakña. Ölña, Anutunöñ ekbonep qahö möta bauköm engimakña. Anutunöñ kewöta injini engigeri, miangö dopni jömuk memba kiwinöñ mokoï numbune kori utuköi qöröran aiga mulumgöi gei toroqeba qakne mokoï dopni onğita qeqelanlan

eri, mi mönö gösöjine löngöt engima.” Anutugö könañi mewö.

*Ambazipnöj nanñini könañini eka mötme.*

<sup>39</sup> \*Jisösnöj dopkeu kun kewö jii mötket, “Jegömöl ambazip kunöj jegömöl alañi kun ölop böröñe memba wanğitma me qahö? Mewö anbahorak mönö mohotñe lömnöj geba etkubawak. <sup>40</sup> \*Gwareknöj böhiñi qahö oñgitza. Böhiñinan mötmöt pakpak törörök kusum engii möt kömumei, körek yeñön mönö böhiñini ewö akñe.

<sup>41</sup> “Gi wuanöñgöra alagahö jeñe gödöwöröt morörökñi ekzanmö, nangi jege ip sahötñi ketañi ahözawi, mia denöwö kude ek kutuzan? <sup>42</sup> Nangi jege ip sahötñi ketañi ahözawi, mi qahö ek kutuba denöwögöra alagahö kewö jibanak, ‘Alani mötnöj! Jege euke gödöwöröt geba tatzawi, mi ölop itaköbi etma.’ O urumelenğö silesile azi, gi mönö mutuk nange jegeyök ip sahötñi (tapötñi) ketañi mi memba gilman. Mi mem gilagun törörök ek kutuba alagahö jeñe gödöwöröt geba tatzawi, mi ölop itakönöñga etma.” Mewö.

*Ipkö könañi mi öljñi eka kewöta möt kutume.*

*Mat 7.16-20; 12.33-35*

<sup>43</sup> “Ip ölopñi kunñan öljñi bölöñi qahö kuñgumakza. Mewöñanök ip bölöñi kunñan öljñi ölopñi qahö kuñgumakza. <sup>44</sup> \*Jau kötñi mi jömnöj asuhuiga membingö osimakzin aka muli öljñi mi koururuknöj asuhuiga qeköbingö osimakzin.

\* **6:39:** Mat 15.14      \* **6:40:** Mat 10.24-25; Jon 13.16; 15.20

\* **6:44:** Mat 12.33

Miaṅgö dop ipkö ölni eka kewöta könaṅi möt kutume.

<sup>45</sup> \*“Azi uruṅan yuai kokolak qei ahözawi, mia mönö numbuṅan aukṅe jimakza. Miaṅgöra azi ölopṅaṅgö uru köweṅe ölopṅaṅgö möriamṅi ahözawi, yaṅön mönö ölopṅi mi aukṅeyök jimakza. Azi bölöṅaṅgö uru köweṅe bölöṅi ahözawi, yaṅön mönö bölöṅi mi aukṅe jimakza.” Mewö.

*Miri tandö köhöikṅi aka lölöwöröṅi*

*Mat 7.24-27*

<sup>46</sup> “Inini nöṅgöra ‘Kembu Kembu!’ qet mi mönö wuanöṅgöra qerakzemö, nöṅön yuai memegö jimakzali, mi qahö tem köla memakze.

<sup>47</sup> “Denike yeṅön nöṅgöreṅ kaba keuni möta tem köla mezei, nöṅön yeṅgö könaṅamṅini kondela dopkeunöṅ jimam. <sup>48</sup> Yaṅön mitim qeṅe azi kiaṅgö dop akza: Azi mianṅön ‘Miri memam,’ jiba löm köröpṅi esiba geba tandöṅi köt jamönṅiṅ qakṅe kuṅgum köhöii kinök. Mewö kiniga kie uru nalöṅe o göulu köhöikṅi gila miri kemaṅe kuṅguyökmö, ölopṅanök mem muhungöi kinök. Miaṅgöra kusumamgö qem bibihiiga köhöiba kinök. <sup>49</sup> Qem bibihiyökmö, kunöṅ keuni möta qahö tem köla mezawi, yaṅön mönö mitimqeṅe azi kiaṅgö dop akza: Yaṅön ‘Miri memam,’ jiba tandö qahö esim kömöta gölme qakṅe kut bim miyök ala meyök. Mei kiniga kie uru nalöṅe o göulu köhöikṅi gila miri kemaṅe kuṅguiga miri mi miaṅgöreṅök kusuiga goromororöṅöba erök.” Mewö.

---

\* 6:45: Mat 12.34

## 7

*Jisösnöñ suahö galöm kungö nup aziñi mem ölöwahök.*

*Mat 8.5-13*

<sup>1</sup> Jisösnöñ ambazip kambu sutñine mala Buña keuñi pakpak mi jii mötketka enğömosöta Kaperneam taonöñ kañgorök. <sup>2</sup> Mianğoreñ Rom suahö galöm kungö nup aziñan kawöl yöhöi kömumangö ahök. Galömñan yañgö möri öngöngöñi ahök.

<sup>3</sup> Mianğöra Jisösgö buzupñi möta Juda yengö jitrjememe tosatñi melaim enğiiga Jisösgöreñ anda kewö qesiget, “Mönö kaba welen welen aziñi mem ölöwakñan.” <sup>4</sup> Anda Jisösgöreñ angota kapan köla köuluköba jiget, “Ketañamnini, suahö galöm mianñön mönö bauköm wañgimanangö dop ölop sorokñi akza. Mianğöra mönö kanöñ.” <sup>5</sup> Mötnöñ, yañön Juda ambazip kambu neñgöra ak wañgiiga ‘Köuluk mirinini membin,’ jüinga kian yañön moneñ ali meget.”

<sup>6</sup> Mewö jiget möta yembuk anök. Anökmö, suahö galömgö miriñi dopdowii yañön alaurupñi melaim enğiba Jisösgöra keu kewö alök, “O Kambu, ni mewörökñi malbiga nöngö miri boñan gualöñmapkö gamuni mötzal. Mianğöra mönö qahö aum kömumba kaman. <sup>7</sup> Ni nanangö mötpi eretñi akzawañgöra göhöreñ kamangö dop kude mötzalmö, keu jitkanök jinöñga welen azinan ölöwakña. <sup>8</sup> Mi kewögöra: Ni nanak mewöyök galömnañgö kukösum bapne al niñgiget maljal. Nöngö bapne yarö azi malgetka mi jim kutum enğimakzal. Yenğöreñök kungöra ‘Anman’ jim kutubi yañön anma. Kungöra ‘Kanöñ’ jim kutubi

yañön kama aka welen azini kungöra ‘Nup ki meman,’ jibiga yañön mi mema.”

<sup>9</sup> Jisösnöñ keu mi möta suahö galömgöra welipköba ambazip kambu wuatangöba kageri, yeñgöreñ lilingöba kewö jiyök, “Nöñön kewö jibi mötme: Israel könagesö sutñine mewöyök mötnarip ketanji mewöñi mi kungö uruñe qahö miwikñajal.”

<sup>10</sup> Mewö jiiga suahö galömgö kolekaziurupñan lilingöba mire angota welen azi miwikñajiba eketka ölöwaka tarök. Mewö.

*Jisösnöñ malö kungö nahönñi mem guliyök.*

<sup>11</sup> Mianğö andöñe Jisösnöñ taon qetñi Nain mianğöreñ aniga gwarekurupñi aka ambazip kambulelebenöñ wuatangöba anget.

<sup>12</sup> Mianğöreñ taon kiripo nanğunji dopdowiiga qamöt kun anguba kaget. Malö kungö nahönña mohok-kunñan kömuiga taongö ambazip kambu ketanjan tokoba löm kölbingö kaget.

<sup>13</sup> Kembunöñ malö mi eka wösöñi möta jii mörök, “Kude sahötman.” <sup>14</sup> Mewö jiba anda bokis anguba kageri, mi jii dörök algetka bokis misiriba kewö jiyök, “Azi gwabö, mönö wahötnöñ. Nöñön göhöra mewö jizal.” <sup>15</sup> Mewö jiiga qamöt mianjön guliba wahöta könahiba keu jiyök. Keu jiiga Jisösnöñ namñambuk anmapkö wanğiyök.

<sup>16</sup> Ambazip pakpak yeñön mi eka qem sömbuñini möta Anutu möpöseiba jiget, “Kezapqetok azi ketanji kunöñ mönö sutnine asuhaba malja.” Tosatñan jiget, “Anutunöñ könagesöñi mesohol köl nenğii maljin.”

<sup>17</sup> Yangö keu buzupñi mi sehiba Judia prowins pakpak dop köla gölmeñi gölmeñi likeplikep mianğoreñ an teköyök. Mewö.

*Jongö gwarekyahötñi Jisösgöreñ kayohot.*

*Mat 11.2-19*

<sup>18</sup> Jon O-melun azinöñ kösö mire tariga gwarekurupñan yuai pakpak mi asuhuyöhi, mianğö kösohotñi jiget mörök. <sup>19</sup> Jiget möta gwarekñi yahöt etkoholi kayohotka Kembugöreñ anda kewö qesim wañgimahotköra melaim etkiyök, “Mem ölöwak azi kamapköra mamböringa göñön mia akzan me azi kun bian kamapköra mambötpin.”

<sup>20</sup> Melaim etkiiga Jisösgöreñ anggota jiyohot, “Jon O-melun azinöñ kewö qesim gihibitköra melaim netkiiga kazit, ‘Mem ölöwak azi kamapköra mamböringa göñön mia akzan me azi kun bian kamapköra mambötpin.’ ”

<sup>21</sup> Jisösnöñ nalö mianğöreñök ambazip gwötpuk uzi kawöl izekwaizek (ijenwaijen) aka ömeñinambuk mi mem ölöwak engiyök aka jegömöl ambazip gwötpuk jeñini metohoi uba eket. <sup>22</sup> \*Jongö gwarek yahötñan anggota qesim wañgiyohotka kewö meleñnök, “Yuai eka mötzahori, mianğö kösohotñi mönö anda Jon kewö jiyohot mötma: Jegömöl yeñön uba eketka lokon yeñön köna anda kagetka uzikuku yeñön solanigetka kezapduhup yeñön keu mötketka kömuget yeñön guliba wahötketka etqegeñi yeñöra Ölöwak Buña jim asaribiga mörakze.

---

\* **7:22:** Ais 35.5-6; 61.1

23 Mewö asuhui eketka kungö uruñan qahö bölii andö nuñgumawi, yañön mönö simbawoñ akza.”

24 Mewö jiiga Jongö gwarek yetkөн anohotka Jisösnöñ könahiba Jongö könañi ambazip kambu yeñgöra kewö jim asariyök, “Inini gölme qararañkölkölñe miangören wania ekingöra anget? Luhutnöñ jehot uwutapköba metali anjanbanjan ahakzawi, inini azi mewöñi ekingöra anget me?”

25 “Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñini kulemñi ek sihimñambuk löngöta anda kaba siyoñsayoñi qahö maljei, mienön mönö kiñ yeñgö jakömbuak miriñine malje. Mi gölme qararañkölkölñe qahö.

26 “Me wanat yuaia ekingöra anget? Kezapqetok azi kun ekingöra me? Öña, nöñön kewö jibi mötket: Azi ekeri, yañön mönö kezapqetok ambazip tosatñi eñgoñgita tandökñi kun akza.

27 \*Yañgö könañi mi mönöwök kewö ohoget ahöza, ‘Mötnöñ, nöñön kolekni garata kun melaibiga qeljiñe anda ambazip uruñini mindiñgöba göhö könañi mesariga göñön mönö yañgö andöñe gölmenöñ emu geman.’ 28 Keu mewö ahözapmö, nöñön kewö jibi mötket: Ambinöhök morö pakpak eñgömegetka asuhugeri, yeñgö sutñine Jonöñ mönö körek eñgoñgita qetbuñañambuk kinja. Kinjapmö, Anutugö bemtohoñ uruñe añgota Anutugö qetbuñañi miwikñaimakzei, yeñgö sutñine eretñi kondikñi yañön mönö Jon oñgitza.”

---

\* 7:27: Mal 3.1



29\* Ambazip könagesö pakpak aka yeŋgö sutŋine takis meme yeŋön mohokŋe Jongö Buŋaŋi mötkeri, yeŋön jim köleŋda “Aha! Anutugö köna diŋdiŋi jim asariza,” jiba uruŋini melengetka Jonöŋ o melun mem enġiyök. 30 Mewö enġiyökmö, Farisi aka Köna keugö böhi yeŋön Anutugö areŋi qahö tem köla Buŋaŋi andö qeba silekmales aketka Jonöŋ o melun qahö mem enġiyök.

31 “Ambazip merak gölmenöŋ maljei, mi mönö wanatpuk dop al enġibileŋak? Yeŋgö silikŋini mi denöwö? 32 Yeŋön namande ewö akze. Mienön maket sombemnöŋ tata keu gön gila laŋ qeta kewö jimakze, ‘Nini awölop uinga iŋini liŋet gwawet qahö unduget. Nini jingŋen kölinga iŋini qahö toro-qeba sahötket.’ 33 Miangö könaŋi kewö: Jon O-melun azinöŋ kaba nene siŋgi mala wain o qahö neiga iŋini yaŋgöra jimakze, ‘Öme kunöŋ uruŋe geiga malja.’

34 “Suep gölmegö azi ölnan kaba nene nem söŋgaip aiga enön jimakze, ‘Mötket, yaŋön bau numbu tandök közöjeriba wain o gwötpuk namba takis tilipqilipŋinambuk aka bölöŋi meme yeŋgö alaŋina malja.’ 35 Körek pakpak Anutugö mötkutukutu köl gulimakzei, yeŋgö ahakmemeninaŋgö ölnan mönö mötkutukutuŋinan dop köljawi, mi kondelakza.” Mewö.

*Siŋgisöndok ambinöŋ Jisösgö könaŋi kelök miriyök.*

36 Farisi (Köna keugö kapaŋkölköl) azi yeŋgöreŋök kunŋan Jisös mi nanŋi miriŋe kaba nene nemapkö köl öröyök. Köl öröi anda miriŋe

---

\* 7:29: Mat 21.32; Luk 3.12

öngöba nene dumņe tarök. <sup>37</sup> \*Taon mianğöreñ siñgisöndok ambi kun malök. Yañön Jisös Farisi azigö mire öngöba tata nene neyöhi, mianğö buzupņi möta kelök umköhöwakņambuk mokoi köt kirin kun kokolak qeyöhi, mi memba öngöba kayök. Kirin mi nöluk tuat-tuat qetņi alabastö mianğön memeņa.

<sup>38</sup> Öngöba kaba Jisösgö könaje geba tata könahiba sahöri imbilņan tiņgita geba könaje miriyök. Miriiga nöröp juņņan kereņ memba kutui öröniiga könaji numbuņan yöhötım nemba kelök umköhöwakņambuknöñ miriyök. <sup>39</sup> Miriyökmö, Farisi azinöñ Jisös köl öröyöhi, yañön mi eka uruņan kewö mötmöriyök, “Ambi ki siñgisöndokņambuha. Azi kianğön kezapqetok azia malbawak ewö, yañön mönö ambi könaje misirizawaņgö könaji möt kutubawak.”

<sup>40</sup> Jisösnöñ mi möt kutuba kewö melenđa jiyök, “Saimon, nöğön keu kun jimamğö mötzal.” Jiiga jiyök, “Böhi, ölop jinöñ mötņi.”

<sup>41</sup> Jiiga Jisösnöñ kewö jii mörök, “Ambazıp yahötņan benknöñ anda tosa albitkö moner galömņanğö qesiyohot. Kunöñ silim 500:kö töwaņi (Kina 2500,-), kunöñ silim 50:gö töwaņi (Kina 250,-) mianğö dop tosa albitkö qesiyohot. Qesiyohotka mianğö dop etkiyök. <sup>42</sup> Etkiba könagep tosaņiri misimahot jiiga moneriri qahöwahiga osiyohot. Osiyohotka benk galömņan tosaņiri qeköba kutuba mosöt etkiyök. Mosöt etkiiga yetköreñök dağön i uruņan gwötpuk jöpaköm waņgimakza?”

---

\* **7:37:** Mat 26.7; Mak 14.3; Jon 12.3

<sup>43</sup> Mewö qesiiga Saimonöŋ kewö melenök, “Nöŋgö mötmötnöŋ tosa ketanŋi kutuba mosöt waŋgiyöhi, yaŋön.” Mewö melenŋiga jiyök, “Gi keu törörök kewöta jizan.”

<sup>44</sup> Mewö jiba ambigöreŋ lilingöba kewö jii mörök, “Ambi ki eknöŋ. Nöŋön mirige kotpiga göŋön könani saŋgoŋmamgö o kun qahö niŋgizanmö, ambi kianön mönö könani imbilŋan miriba nörop jupŋan kereŋ memba kutui öröniza. <sup>45</sup> Göŋön numbuni qahö yöhötim nezanmö, ambi kianön mönö mire kotpiga miangöreŋök kapaŋ köla könani yöhötim nemba malja. <sup>46</sup> Göŋön nöropni kelök kude mirizanmö, ambi kianön mönö kelök umköhöwakŋambuknöŋ könane nömiriza. <sup>47</sup> Miangöra nöŋön kewö jibi mötnöŋ: Anutunöŋ ambi kiangö siŋgisöndokŋi gwötpuk mi mosöta saŋgoŋniga miangöra uruŋan ni gwötpuk jöpaköm niŋgiza. Kunöŋ siŋgisöndok boromdökŋi ahiga Anutunöŋ siŋgisöndokŋi morörökŋi mosoriga yaŋön uruŋan borom kun miyök jöpaköm niŋgimakza.”

<sup>48</sup> Mewö jiba ambi mi kewö jii mörök, “Nöŋön göhö siŋgisöndoki saŋgoŋda mosötzal.”

<sup>49</sup> Mewö jiiga azi mohotŋe nene nemba tatkeri, yeŋön könahiba nanninök kewö jiget, “Siŋgisöndok saŋgoŋda mosötzawi, yaŋön mönö niŋi azia akŋamgö mötza?”

<sup>50</sup> Mewö jigetmö, Jisösnöŋ ambigöra jiyök, “Mötnaripkan mönö amöt qem gihiza. Ölop luainöŋ anman.” Mewö.

## 8

*Ambi tosatņan Jisös naņgöba anget.*

<sup>1</sup> Mianğö andöņe Jisösnöņ liliköba taonņi taonņi aka miriņi miriņi mianğöreņ anda Anutugö bem-tohoņgö könaņi jim asariba Ölöwak Buņa keunöņ ambazip uruņini kuņguba malök. Gwarekurupņi 12 yeņön yambuk mohotņe anget. <sup>2</sup> \*Mewöyök ambi tosatņan yambuk anget. Ambi mi mutuk kawöl eņgöhöi ömenöņ kölköljinjin mem eņgii malgetka Jisösnöņ mem ölöwak eņgiyök. Ambi mi kewö: Maria qetņi kun Magdalagö ambia qetket. Jisösnöņ yaņgö uruņeyök öme 7 közöl eņgii kota anget. <sup>3</sup> Ambi kun qetņi Joana. Yaņgö apņi qetņi Kuza yaņön kiņ Herodkö jakömbuak miri mianğöreņ gawmangö moneņ galömņa malök. Ambi kun qetņi Susana, Yeņön aka ambi tosatņi gwötpuk yeņön nanņini moneņ inapņinan Jisös aka gwarekurupņi könanöņ galöm köla naņgöm eņgiget. Mewö.

*Qesiņqesiņ azigö dopkeu**Mat 13.1-9; Mak 4.1-9*

<sup>4</sup> Ambazipnöņ taon dop mianğöreņök öröba Jisösgöreņ kaba kambulelebenöņ tokogetka Jisösnöņ dopkeu kun kewö jiyök:

<sup>5</sup> “Azi kunöņ nene kötni qesiņ gilmamgö anök. Anda qesiņniga kötni tosatņan köna jitņe geba kölget. Geba kölgetka ambazipnöņ tim tökötahögetka könakemba (warawen) neiņi neiņi kaņgota mi nem teköget. <sup>6</sup> Kötni tosatņan köt jamönjinöņ geba kölget. Geba köla mianğöreņ

\* **8:2:** Mat 27.55-56; Mak 15.40-41; Luk 23.49

gölme oŋambuk qahö miwikŋaiba korapŋi kota soholiba gororoŋgöget.

<sup>7</sup> “Kötŋi tosatŋan siri uret wahinambuknöŋ geba kölget. Geba kölgetka mienön öröröŋ kota eŋgoŋgita qem turuba böbölohot mem eŋgiget. <sup>8</sup> Kötŋi tosatŋan gölme ölöpŋe geba kölget. Geba köla jula wahöta öŋŋini ölöpŋi asuhiba handötkö dop ahum sehiget.”

Keu mi jim teköba qet ketanŋi kewö qerök, “Kunŋan urukezapŋambuk malja ewö, yaŋön mönö dopkeu ki kezap ala möt kutuma.” Mewö.

*Jisösnöŋ denöwögöra dopkeugö könaŋi jiyök.*

*Mat 13.10-17; Mak 4.10-12*

<sup>9</sup> Mewö jiiga gwarekurupŋan dopkeu kiangö könaŋaŋgöra Jisös qesim waŋgiget. <sup>10</sup> \*Qesim waŋgigetka jiyök, “Anutugö bemtohone angota malbingö keu tölapŋi mi eŋgöra aukŋe jibi möt kutuzemö, tosatŋi yeŋgöra mia dop keunöŋ jibi mörakze. Mewö möta nannini jeŋinan yuai ek-agun könaŋi töndup qahö ek kutume. Nannini kezapŋinan keu törörök mötagun könaŋi töndup qahö möt asarime.”

*Jisösnöŋ dopkeugö könaŋi jiyök.*

*Mat 13.18-23; Mak 4.13-20*

<sup>11</sup> “Dopkeu miangö könaŋi kewö: Köt qesiŋ gil-jawi, mi Anutugöreŋ Buŋa keu. <sup>12</sup> Nene kötŋi köna jitŋe geba kölgeri, mi kewö: Ambazip tosatŋan Buŋa keu mötzemö, mi mötketka Bölöŋi Toŋan kaba uruŋini melenŋa Suepkö buŋa akepuköra keu kötŋi mi uruŋineyök qeköba eŋguaŋgirakza. <sup>13</sup> Nene kötŋi

---

\* **8:10:** Ais 6.9-10

qesiɲniga köt jamönjiɲnön geba kölgeri, mi ambazip söpsöpɲi kun. Yeɲön Buɲa keu möta mi sösongai qakɲe möt aɲgön kölakzemö, uruɲine geba jalönini qahö megeraɲgöra nalö töröptökɲi miyök möt nariba malgetka esapesapkö nalöɲe mönö tala enguma.

<sup>14</sup> “Nene kötni qesiɲniga siriuret wahinambuknön geba kölgeri, mi kewö: Yeɲön Buɲa keu mötketka uruɲine gezapmö, gölmenön malmalgö waimanjatɲi aka moneɲ inap memegö urukönöpɲi ahuba lömbörim engimakza. Qetbuɲaɲinambuk akingöra köpösöngögetka sihim kömbönaɲi bölöɲi tosatɲan mewöyök uruɲine dumgöba Buɲa keu böbölohot mem waɲgize. Mewö aiga ölni qahö gilipitɲi akɲe. <sup>15</sup> Qahöpmö, nene kötni gölme ölöɲe geba kölgeri, mi ambazip kewöɲi: Yeɲön Buɲa keu kezap ala mötketka uruɲini ölöɲi geɲmonɲi qahö miangöreɲ geiga sohobapukö mökösöɲda 8kapaɲ köla galöm kölgetka ölni ölöɲi ölöɲi miwikɲaimakze.” Mewö.

*Yuai asa-asambötɲi pakpak mi aukɲe ahuma.*

*Mak 4.21-25*

<sup>16</sup> \* “Kunɲan lambe me kiwa ohotiriba kimbutnön kude köl turuma me dum bapɲe qahö alma. Mi qahöpmö, mi miangö dum qakɲe ali tatma. Tata asariiga tosatɲan miri uruɲe öngöbingö mötzei, yeɲön miangö asakɲi eka ölöɲ öngöme.

<sup>17</sup> \* “Mewöɲanök urunine yuai kun asambötket tölapɲe ahözawi, mi mönö aukɲe asuhum tiɲgitma.

\* **8:16:** Mat 5.15; Luk 11.33      \* **8:17:** Mat 10.26; Luk 12.2

Yuai kun köl turuin ahözawi, mi mönö lulungetka kötula ahöma.

18 \**“Miaᅅgöra Anutugö keu mötzei, mi mönö urukönömᅅine ala mötmöriba köl guliba malme. Kunᅅan mötkutukutuᅅambuk maljawi, Anutunöᅅ mönö mi toroqem waᅅgii qarimapmö, kunᅅan mötkutukutuᅅi qahö maljapmö, ‘Miambuk maljal,’ jizawi, Anutunöᅅ mönö mötmötᅅi moröᅅi mi mewöyök qeköba waᅅgitma.”* Mewö.

*Jisösgö nam-munurupᅅi.*

*Mat 12.46-50; Mak 3.31-35*

19 Jisösnöᅅ mewö jiba maliga nam munᅅan i ekingö kagetmö, ambazip kambu ketanᅅan ölököba gwözöᅅgeraᅅgöra kösutᅅe anbingö osiget. 20 Osiba kingetka kunᅅan kewö jii mörök, “Göhö nam-mungan mönö yaigep kinda gi gekingö mötze.”

21 Jii mörökmö, Jisösnöᅅ kewö melenᅅa jii mötket, “Ambazip ki Anutugö Buᅅa keu möta tem köla köl gulimakzei, mienᅅön mönö nöᅅgö namni aka munurupᅅi akze.” Mewö.

*Jisösnöᅅ jüiga raidimbom göröᅅ qeyök.*

*Mat 8.23-27; Mak 4.35-41*

22 Wehön kunöᅅ Jisösnöᅅ gwarekurupᅅi kewö jii mötket, “Mönö mosöta o aᅅgö kutuba likepᅅe aᅅgotpin.” Mewö jüiga waᅅᅅenöᅅ mohotᅅe öᅅgöba o aᅅgö qakᅅe anget. 23 Anda opo seri möröreᅅgögetka luhutnöᅅ naᅅgöiga angetka Jisösnöᅅ gaun ahöyök. Ahöiga luhut raidimbom o aᅅᅅönöᅅ gila siri kunduriga waᅅᅅe uruᅅe geyök. Geba numbuᅅe qemamgö aiga ayuhubingö aket.

---

\* **8:18:** Mat 25.29; Luk 19.26

24 Ayuhubingö aka gwarekurupnan anda möndöba jiget, “Kembu Ketañamnini, mönö nini anğönöñ ayuhubingö akzin.” Mewö jigetka imbiñi möta luhut aka o anğögö siriñi kewö jim qetal etkiiga ösumñiran eriga nöñ qeba ahöyök.

25 Mewö aiga jii mötket, “Enğö mötnariñini mi denike?” Mewö jiyökmö, yeñön awöwöliba qem sömbuñini möta jiget, “Yei, azi kia mönö denöwöñan malja? Yañön mönö luhut aka köwet siri jim kutum etkiiga jitñi tem köl wañgizahot.” Mewö.

*Ömenöñ bau uruñine gegetka azinöñ ölöwahök.*

*Mat 8.28-34; Mak 5.1-20*

26 Jisösnöñ gwarekurupñi yembuk toroqeba opo seri möröreñgetka luhutnöñ nañgöi anda o anğö kutuba Galili prowins likepñe Gerasa gölmenöñ anğotket. 27 Mianğöreñ anğota saknöñ öñgöi azi ömeñambuk kun mi taonöhök kaba Jisös miwikñaiyök. Azi mi qaksirinöñ mala qamöt köteñi esiba urorohoget ahögerañgöreñ ahöm malök. Nalö köröpñi opo maluku qahö löngöta miri kungö uruñe qahö ahömalök.

28-29 Ömenöñ nalö köröpñi öröm ureim wañgiiga azi gwötpukñan börö takñi qeba könañi tapepnöñ (muñgamuñga) jöhöba galöm köla malgetmö, tapepñi öroi tiñgitqinğiriga ömenöñ kuñguiga gölme qararañkölkölñe anda lañ malök. Mianğöra Jisösnöñ ömeñi mi kewö jim kutum wañgimangöra ahök, “Öme bölöñi, gi mönö kota azi ki mosöta anöñ.” Mewö jimamgö aiga Jisös eka silata gölmenöñ kösutñe geba qet gigilahöba kewö qerök, “Aek Jisös, gi Anutu öñgöñgöñanğö nahönñi akzan. Gi mönö denöwö ak niñgimangöra ki kazan. Nöñön



ulet gihizal: Gi sihimbölö könöpñambuk kude ak niñginöñ.”

<sup>30</sup> Mewö jiiga kewö qesiyök, “Gi qetki niñi?” Ömewöröme gwötpuk uruñe geba malgerañgöra “Qetnini lijön jizin” jiget. Mi nanine keunöñ Kerök kambu ketañi. <sup>31</sup> Mewö jiba Jisös kewö ulet wañgiget, “Gi neñguatañgöba öme löm dutñi qahö miañgöreñ gebingöra kude jim kutum neñgiman.”

<sup>32</sup> Kösutñine kundunji marömñe miañgöreñ bau kambu ketañi kun gwözözak uruñe kulunđa malget. Miañgöra ömenöñ kewö jiba ulet wañgiget, “Gi ölop jinöñga nini bau miengö uruñine gebin.” Ulet wañgigetka “Mönö anda geget.” Jiba jim kutum eñgiyök. <sup>33</sup> Jim kutum eñgiiga azi uruñeyök kota anda bau uruñine geget. Gegetka bau kambu yeñön mönö luhuba nembönembönöñ anda joro-roñgöba o añgönöñ geba nemulahöba kömuget.

<sup>34</sup> Mi asuhuiga bau galöm yeñön mi eka taon aka miri morömorö miañgöreñ ölöñ unjurata anda keu buzupñi mi jiget mötket. <sup>35</sup> Jiget möta ambazip sesegilgil yeñön yuai asuhuyöhi, mi ekingöra kaget. Kaba Jisösgöreñ kañgota azi uruñeyök ömenöñ kotkeri, yañön könañe tariga miwikñaiget. Opo sileötañi törörök jöhöba uruñi amöriiga imbi mötmötñi pakpak asuhuiga eka awöwöliget. <sup>36</sup> Azi ömeñambuk malöhañön denöwö ölöwahöhi, mi jeñinan ekerañön jiget mötket.

<sup>37</sup> Möta gwötpuk awöwöliba qem sömbuñini mötket. Miañgöra Gerasa gölmegö ambazip kambu pakpak yeñön Jisösnöñ eñgömosötmapköra ulet wañgiget. Ulet wañgigetka lilingöba anmamgö wañgenöñ öñgömamgö ahök. <sup>38</sup> Öñgömamgö aiga

azi uruñeyök ömenöñ kotkeri, yañön kaba Jisösbuk mohotñe anda malmamgöra qesiyök. Mewö qesiyökmö, Jisösnöñ qetala melaim wañgiba kewö jiyök,

<sup>39</sup> “Gi mönö lilingöba mirige anda Anutunöñ aᅅgöletot ketañi ketañi ak gihiyöhi, mianᅅgö kösohotñi jinöñga mötme.” Mewö jiiga anda Jisösnöñ aᅅgöletot ketañi ketañi ak wañgiyöhi, mianᅅgö keuñi mi taon uruñe liliköba miri dop jim sehiyök. Mewö.

*Jairusnöñ böratñangöra Jisös köuluköyök.*

*Mat 9.18-26; Mak 5.21-43*

<sup>40</sup> Ambazip pakpak Jisösgö mambötketka lilingöba kaiga kambu köla söñgaiba öröm wañgiget. <sup>41</sup> Köuluk mirigö keu galöm kun qetñi Jairus yañön kaba Jisösgö wösöñe geba simin köla miriñe kamapköra köuluköm wañgiyök. <sup>42</sup> Moröurupñi qahöpmö, böratñi mukmorö mohok yambuñi (yara) 12:gö dop mala kömumamᅅ ahök. Jisös köl öröm wañgigetka aniga ambazip kambunöñ likeplikep ölököba utal wañgiget. Mewö.

*Kawöl ambi kunöñ Jisösgö malukuñi misiriyök.*

<sup>43</sup> Utal wañgiba angetka mianᅅgöreñ sutñine ambi kun malök. Yañön yambu (yara) 12 mianᅅgö dop köiñnöñ ehiga nalö dop kawöl yöhöiga malök. Yañön sile galöm yengö töwañini monen inapñi pakpak gil maliga sile galöm körekñan mem ölöwakingö osiget. <sup>44</sup> Ambi mianᅅñ Jisösgö andöñe anda malukuñangö kitip suñi misiriiga mianᅅgöreñök sepñi jöpköyök.

<sup>45</sup> Jisösnöñ qesiba jiyök, “Dañön nömisiriza?” Mewö jiyökmö, ambazip körekñan mi qañ kölgetka

Pitönöŋ jiyök, “Ketaŋamni, ambazip kambunöŋ ölököba utal aŋguba kaba goseize.”

<sup>46</sup> Jiiga Jisösnöŋ jiyök, “Qahö, kunŋan nömisiiriiga ösumni kun ani mötzal.” <sup>47</sup> Mewö jiiga ambinöŋ “Könaŋamni lök asuhuza,” jiba jönömŋi unduiga kaba Jisösgö wösöŋe simin köla kawölŋaŋgö könaŋi aka misiriba mianğöreŋök ölöwahöhi, mianğö könaŋi aukŋe jiiga ambazip kambu körekŋan mötket. <sup>48</sup> Mötketka Jisösnöŋ kewö jii mörök, “Böratni, mötnaripkan mönö mem ölöwak gihiza. Ölop urubönjöŋnöŋ anman.” Mewö.

*Jisösnöŋ Jairusgö böratŋi mem guliyök.*

<sup>49</sup> Keu mewö jiba kiniga köuluk mirigö keu galömŋaŋgö mireyök kunŋan welen kaba Jairusgöra jiyök, “Böratkan kömuza! Mianğöra böhigö qakŋe lömböt toroqeba kude alman.”

<sup>50</sup> Jiyökmö, Jisösnöŋ keu mi möta köuluk mirigö keu galömŋi kewö jii mörök, “Keŋgötki kude mötman! Mohok-kun akŋan. Mönö ni möt narim niŋginöŋga böratkan ölöwakŋa.”

<sup>51</sup> Mewö jiba yaŋgö mire anda ambazip tosatŋi engömosöta Pitö, Jon, Jeims aka morö böratkö iwinamŋi iyök enğuaŋgiri nanŋinök miri uruŋe öŋgöget. <sup>52</sup> Öŋgögetka ambazip körekŋan jingŋe köla sahöta amburereŋ megetmö, Jisösnöŋ jiyök, “Yaŋön qahö kömuzapmö, gaunök ahöza. Mianğöra mönö sahöt mosötme.”

<sup>53</sup> Mewö jiiga gönahit ewö aiga “Mönö kömuza!” möta gön köl waŋgiget. <sup>54</sup> Gön köl waŋgigetmö, börat mi böröŋe memba qeta jiyök, “Böratni, mönö wahötnöŋ.” <sup>55</sup> Mewö jiiga uŋaŋan liliŋgöiga mianğöreŋök wahöta kinök. Kiniga numbu nene

wanğiget nemapkö jiyök. <sup>56</sup> Iwinamñan mi eka welipköyohotmö, Jisösnöñ yuai asuhuyöhi, mianğö buzupñi kun jiget mötpepukö sonğo al enğiyök. Mewö.

## 9

*Jisösnöñ gwarekurupñi 12 melaim enğiyök.  
Mat 10.5-15; Mak 6.7-13*

<sup>1</sup> Jisösnöñ gwarekurupñi 12 mi enğoholi tokogetka ömewöröme pakpak közöl enğimegöra aka uzi kawöl mem ölöwakñegöra kukösumñi ösummumuñambuk al enğiyök. <sup>2</sup> Kukösum enğiba kewö jiba melaim enğiyök, “Inini mönö anda Anutugö bemtohoñanğö könañi ambazip jim asarim enğiba kawöl ambazip mem ölöwak enğiba malme.” <sup>3</sup>\*Melaim enğiba jii mötket, “Inini köna anmeañgöra yuaiñi kun qahö memba anme, öröp qahö, gösö qahö, köna nalem qahö, soujeñi qahö. Maluku semönñi qahöpmö, mohok meme.

<sup>4</sup> “Anda mire denike denike anğotmei, mönö mianğöreñök mala nup memba taon mi mosöta köna anme <sup>5</sup> Anda mala miri kunöñ anğotketka qahö köl öröm enğiba keuñini qahö mötketka nesampurekñini mönö kewö jiba kondel enğime, ‘Nini enğö gölmenöñ kainga sölbuham köna tambönine mekötahözawi, mi mönö tim tönjöraringa nanñine lilingöba gema.’ Mewö jigetka könañamñini solanñi möt kutugetka ölop taon mi mosöta toroqeba anme.”

---

\* **9:3:** Luk 10.4-11; Apo 13.51

<sup>6</sup> Mewö jiiga mosöta anda miriñi miriñi liliköba miri dop Ölöwak Buña jim asariba kawöl ambazip mem ölöwak enjgiba malget. Mewö.

*Herodnöñ Jisösgöra lalalulu siksauk ahök.*

*Mat 14.1-12; Mak 6.14-29*

<sup>7</sup> \*Yuai pakpak asuhuyöhi, miangö qetbuñanjan sehiba gölme bahöñangö (Galili prowinsgö) kiñ Herodkö kezapñe geiga mörök. Ambazip tosatñan kewö jiget, “Jon O-melun azinöñ mönö kömupnöhök wahöta malja.” Miangöra kiñnöñ keugö jaruba lalalulu siksauk ahök. <sup>8</sup> Ahökmö, tosatñan jiget, “Elaijanöñ kunbuk asuhuba malja.” Tosatñan toroqeba jiget, “Kezapqetok azi walñi yengöreñök kunöñ mönö guliba wahöta malja.” <sup>9</sup> Mewö jigetmö, kiñ Herodnöñ kewö jiyök, “Jon O-melun azi mi nöñön jibi jölñi kutugetmö, kungö keuñi mewö jiget mötzali, mi mönö dañön?” Mewö jiba Jisös ekñamgö kapan köla jörömqöröm ahök. Mewö.

*Jisösnöñ azi 5000 nene gumohom enjgiyök.*

*Mat 14.13-21; Mak 6.30-44; Jon 6.1-14*

<sup>10</sup> Melaimelai azi aposol yeñön Jisösgöreñ lilingöba yuai aka megeri, miangö kösohotñi pakpak jiget mörök. Jiget möta enjuangita ambazip qenjarökñini mosöta taon qetñi Betsaida miangö kösutñe nanñinök kötikñe malbingö anget. <sup>11</sup> Angetmö, ambazip kambu yeñön mi möta Jisös andöñe wuatangöba anget. Anda Jisösgöreñ kagetka köl öröm enjgiba Anutu bemtohoñangö

---

\* **9:7:** Mat 16.14; Mak 8.28; Luk 9.19

könaŋi jim asariba kawöl ambazip mem ölöwak enġiyök.

<sup>12</sup> Mewö aka mali wehön jeŋan teköba gemamgö ahök. Mewö aiga gwarek 12 yeŋön kaba Jisös kewö jiget mörök, “Nini gölme kötikŋi kiangören maljinangöra gi ölop ambazip kambu ki melaim enġinöŋga miri koum dowe dowe tat anjei, miangören anda ahöahö miri aka nene miwikŋaime.”

<sup>13</sup> Mewö jigetmö, kewö jii mötket, “Enjön mönö nanŋinak i nene gumohom enġime.” Mewö jiiga melenġet, “Nini beret sahötŋi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yeŋgöra nene söŋgörüŋi membinak me? <sup>14</sup> (Yeŋön azi 5000:gö dop malje.)” Mewö melenġetka gwarekurupŋan kewö jii mötket, “Enjön mönö ambazip enġöra jiba menden enġigetka kambu dop 50:gö dop nene nemingö tokoba eta tatme.”

<sup>15</sup> Jiiga mewö aka menden enġigetka ambazip körekŋan eta kambuŋi kambuŋi tat anget. <sup>16</sup> Tat angetka beret 5 aka söra yahöt mi memba suepnöŋ ui öŋgöiga kötuatköyök. Kötuatköba beret mindipköba gwarekurupŋi enġiiga ambazip kirip dop menden da sutŋine alget. <sup>17</sup> Sutŋine algetka körekmakörek nembra nem timbireŋ aket. Nene kitipŋi kitipŋi mosötkeri, mi gwarek yeŋön qezakögetka sakap 12 miangören geba kokolak qeyök. Mewö.

*Pitönöŋ Jisösgö könaŋi jim miwikŋaiyök.  
Mat 16.13-20; Mak 8.27-30*

18 Nalö kunöŋ Jisösnöŋ nanŋök gölme kungen köuluköiga gwarekurupŋan yambuk malgetka qesim enŋiba kewö jiyök, “Ambazipnöŋ nöŋgöra denöwö jimakze? Ni niŋia akzal?”

19 \*Jiiga melenŋa kewö jiget, “Tosatŋan ‘Gi Jon O-melun azia akzan,’ jimakzemö, tosatŋan ‘Gi Elaija akzan,’ jimakze aka tosatŋan toroqeba kewö jimakze, ‘Gi kezapqetok azi walŋi yeŋgöreŋök kunŋan kömupnöhök wahöta maljan.’ ”

20 \*Mewö jigetka kewö qesim enŋiyök, “Aka nanŋinak nöŋgöra denöwö jize? Ni niŋia akzal?” Qesim enŋiiga Pitönöŋ melenŋa jii mörök, “Gi Anu-tugöreŋ Amötqeqe Tonji Kraist akzan.” Mewö.

*Jisösnöŋ kömumamgö keuŋi jiyök.*

*Mat 16.20-28; Mak 8.30-9.1*

21 Mewö jiiga könaŋi aukŋe jiget kunŋan mötpepuköra soŋgo köhöikŋi al enŋiyök. Mewö. 22 Jisösnöŋ jiyök, “Suep gölmegö azi ölnan mönö sihimbölö gwötpuk mötma. Kantrigö jitŋememe, jike nup galöm aka Köna keugö böhi yeŋön mönö andö qeba qegetka kömuma. Kömumba wehön karöbut aiga kömupnöhök wahötma.” Mewö.

*Kraist wuatangöbingö söŋgörüŋi*

23 \*Jisösnöŋ ambazip pakpak yeŋgöra keu kewö jii mötket, “Kunŋan nöŋgö andöne nuatangöba kamamgö mötzawi, yeŋön mönö nanŋi urusilenangö sihim kömbönaŋi bölöŋi andö qeiga sisitŋi megetka sihimbölö mi bisimakŋa.

\* 9:19: Mat 14.1-2; Mak 6.14-15; Luk 9.7-8 \* 9:20: Jon 6.68-69

\* 9:23: Mat 10.38; Luk 14.27

Mi maripomnöŋ kömumawaŋgö dop mökösoŋda ni nuataŋgöba kama.

24 \**“Kunŋan malmalŋi nanŋaŋgöra aŋgön köla nanŋi imbi-imbi maljawi, yaŋön mönö malmalŋi ölni jöhöi sohoma. Sohomapmö, kunŋan gölmegö malmalŋi nöŋgöra aka köleŋda tököm niŋgimawi, yaŋön mönö malmal ölnaŋgö könaŋi miwikŋaiba köhöiba malma.*

25 *“Kunŋan gölmeŋi gölmeŋi miengö öröyuaiŋi pakpak köl öröiga buŋaŋi an teköiga uruŋaŋgö malmalŋi mem sohoba silebile mala kömuiga Anutunöŋ keuŋi jim teköiga könöp sianöŋ geba uŋaŋan ayuhuiga qahö dop kölma. Sukinaŋŋi mianöŋ mönö urusösöŋgai qahö ak waŋgima. Qahöpmahöp!*

26 *“Kunŋan nöŋgö qetni aka Buŋa keuni memba eta aljawi, i Suep gölmegö azi ölnan mewöyök ehöröŋ kölma. Yaŋön könaŋep Suep garata töröŋi yembuk ki etiketka yeŋgö, nanŋaŋgö aka Iwiŋaŋgö asakmararaŋini eka aurume. Nalö miangöreŋ azi me ambi mewöŋi mönö ehöröŋ köl waŋgima.*

27 *Nöŋön keu ölni kun kewö jibi mötme: Kiangöreŋ kinjei, engö sutŋineyök tosatŋan Anutugö bemtohoŋan asuhumawi, mi ek kutume. Jebuk mala kömupkö sihimbölöŋi qahö mötketka asuhum tiŋgiriga mi ekŋe.” Mewö.*

*Jisösgö sileŋe letotqetot ahök.*

*Mat 17.1-8; Mak 9.2-13*

28 \**Keu mi jiiga wehön 8:kö dop teköiga Jisösnöŋ Pitö, Jon aka Jeims enŋuaŋgita kundunje öŋgöba*

---

\* **9:24:** Mat 10.39; Luk 17.33; Jon 12.25      \* **9:28:** 2 Pitö 1.17-18



Anutu köuluköyök. <sup>29</sup> Köuluköiga miangöreñ jemesoholñangö kaisongolomñan letota tandökñi murutñi ahök. Malukuñan tuat lalamñi aka kölkölbilikbilikñambuk asariyök. <sup>30</sup> Miangöreñök eketka azi yahötñan asuhuba Jisösbuk keu keu jiget. Mi Moses aka Elaija. <sup>31</sup> Asakmararañ uruñe asuhuba Jisösbuk keu kewö eraum mötket, “Anutunöñ Jisös sihimbölö möta kömumapkö melaiga eta zilañ Jerusalem sitinöñ aniga areñ mianñön öñambuk ak teköma.”

<sup>32</sup> Mewö eraum mötketmö, Pitönöñ alayahötñi yetpuk jeñinan lömböriiga gaun ahöget. Ahögetmö, gaunöhök imbiñini möta jeñini uba Jisösgö asakmararañi aka azi yahöt yambuk kinohori, mi engeketa. <sup>33</sup> Engeketa kinda Jisös mosötpitkö ahotka Pitönöñ Jisösgöra jiyök, “Ketañamnini, neñön kiangöreñ uru ölöwak mötzin. Miangöra neñön ölop koum karöbut qebin: Göhö kun, Mosesgö kun aka Elaijagö kun.” Pitönöñ mewö jiyökmö, nanñi keuñangö könañi mi qahö möt kutuyök.

<sup>34</sup> Mewö jiba kiniga unuñunñ kunöñ eta aumñan esuhum enjiiga kousu uruñe mala awöwöliba jönömñini unduyök. <sup>35</sup> \*Jönömñini undui kingetka kousu uruñeyök qet kun kewö eriga mötket, “Azi ki mi nani nahöna. I ambazip amöt qem enjimangöra möwölöhöm wanñial. Mönö yanñgö keuñi möta malme.”

<sup>36</sup> Qet mianñön eri möta gwarek yeñön miangöreñök uba Jisösnöñ nanñök kini eket. Kunduñe yuai ekeri, miangö buzupñi mi nalö

---

\* **9:35:** Ais 42.1; Mat 3.17; 12.18; Mak 1.11; Luk 3.22

mianğöreŋ kude jiba keu bök malgetka kunŋan kun qahö mörök. Mewö.

*Jisösnöŋ öme wuatangöi morönöŋ ölöwahök.*

*Mat 17.14-21; Mak 9.14-29*

<sup>37</sup> Ahöba wahötketka Jisösnöŋ gwarekurupŋi karöbut yembuk kunduneyök eta sörökŋe ambazip kambuleleme engeget. <sup>38</sup> Engegetka ambazip kambunöhök azi kunŋan qeta kewö jiyök, “Böhi, nöŋgö nahöni mukmoröya akzawangöra mönö kaba i ekŋan. Mianğöra köuluköm gihizal. <sup>39</sup> Mötnöŋ, öme kunöŋ i memba mendawöli mianğöreŋök qet gigilahöi utuköm wanğii wölöhariiga numbuŋeyök qölqölsöutsöt erakza. Öme mianğön öröm ureim wanğiba nalö gwötpuk qahö mosörakza. <sup>40</sup> Mewö aiga göhö gwarekurupki öme mi wuatangömegö ulet engizalmö, yeŋön mi osize.”

<sup>41</sup> Mewö jiiga Jisösnöŋ melen wanğiba jiyök, “Yei, gölmegö yangiseŋ aka misimkaulup ambazip, nöŋön mönö nalö dawik embuk mala qatön engubiga Anutu qahö möt narigetka sihimbölo mötmam? Nahöŋgi mönö wanğita ki kanöŋ.”

<sup>42</sup> Morö mi wanğita kaiga nalö mianğöreŋ mewöyök ömenöŋ morö utuköba urepköm wanğiiiga wölöhariyök. Mewö ahökmö, Jisösnöŋ öme mi jim wanğii mosöri morö mem ölöwaka iwiŋi wanğiyök. <sup>43</sup> Anutugö kukösumŋi ketanŋan mewö asuhuiga körekŋan mi eka nemböŋini teköi welipköget. Mewö.

*Jisösnöŋ kömumangö bunanji jiiga yahöt ahök.*

*Mat 17.22-23; Mak 9.30-32*

Jisösnöŋ yuai pakpak mi meyöhi, miangöra ambazip körekŋan welipkögetka Jisösnöŋ nalö miangöreŋ gwarekurupŋi keu kötŋi kewö jii mötket, <sup>44</sup> “Keu ki mönö kezap ala mötme: Anutunöŋ Suep gölmegö azi ölni mi gölme ambazip yeŋgö böröŋine al waŋgii gema.” <sup>45</sup> Keu kötŋi mi jii mötketmö, mi qahö möt kutuget. Anutunöŋ mi köl turui tölapŋe ahöiga mi qahö möt asariget aka könaŋi denöwö, mi qesibingö kölköldömdöm aket. Mewö.

*Gwarek sutŋine daŋön mutukŋi akza?*

*Mat 18.1-5; Mak 9.33-37*

<sup>46</sup>\*Gwarek neŋgöreŋök ‘Daŋön öŋgöŋgöŋi akza?’ jiba keu mi mötmöriget. <sup>47</sup> Mi mötmörigetmö, Jisösnöŋ urumötmötŋini möt kutuba namande moröŋi kun memba qöhöröŋe ali kinök. <sup>48</sup>\*Kiniga kewö jii mötket, “Körek eŋgöreŋök kunŋan eretŋi kondökŋi akzawi, yaŋön mönö öŋgöŋgöŋi akza. Miangöra kunŋan namande ki nöŋgö qetne miriŋe köl öröba köyan kölmawi, yaŋön mönö ni köl öröm niŋgima. Kunŋan ni köl öröm niŋgimawi, yaŋön melaim niŋgiyöhi, mönö i mewöyök köl öröm waŋgima.” Mewö.

*Kunöŋ keröki qahö, yaŋön mönö alagi akza.*

*Mak 9.38-40*

<sup>49</sup> Nalö miangöreŋ Jonöŋ könahiba keu kewö jiyök, “Ketaŋamni, azi kunŋan göhö qetnöŋ öme közöl eŋgiiga ehin. Yaŋön nembuk qahö liliköba maljawangöra nini i qetal waŋgiin.”

---

\* **9:46:** Luk 22.24      \* **9:48:** Mat 10.40; Luk 10.16; Jon 13.20

<sup>50</sup> Mewö jiyökmö, Jisösnöŋ kewö jii mörök, “I kude qetal waŋgime. Kunŋan qahö qetal eŋgimakzawi, yaŋön mönö eŋgö areŋnöŋ malja. (Miaŋgöra inini mönö nöŋgö alaurupni tosatŋi mi qetala aŋgösirip mem eŋgibepuk.)” Mewö.

*Samaria miri kun yeŋön Jisös andö qeget.*

<sup>51</sup> Jisösnöŋ Suepnöŋ öŋgömamgö ahök. Miaŋgö nalöŋi törizawaŋgöra Jisösnöŋ kinda “Jerusalem sitinöŋ anmam,” jiba jim köhöiba könahiba könanöŋ anök. <sup>52</sup> Anda kolek qeljine aliga mutuk anget. Könanöŋ anda mala Samaria prowinsgö miri kunöŋ aŋgota “Jisösgöra mözöqözözöm akingöra kazin,” jiget. <sup>53</sup> Jiba angetka anökmö, “Ni Judia prowinsnöŋ Jerusalem jike göröken anmam” jiiga miaŋgöra miri aŋgön köla yaizözkök qahö jiget. <sup>54</sup> \*Mewö aketka gwarekyahötŋi Jeims aka Jon yekŋön mi eka jiyohot, “O Kembu, Suepnöhök könöp eta eŋgohoi qahöwakeak, mewö köuluköbingö mötzan me qahö?”

<sup>55</sup> Mewö jiyohotmö, Jisösnöŋ lilingöba tembula jim etkiyök. <sup>56</sup> Miaŋgöreŋök toroqeba miri kunöŋ anget. Mewö.

*Jisös wuataŋgöbingö möndömöndö keunji*

*Mat 8.18-22*

<sup>57</sup> Könanöŋ angetka azi kunŋan kaba Jisösgöra jiyök, “Gi denike denike anmani, nöŋön mönö miaŋgöreŋ gi guataŋgöba kamam.”

<sup>58</sup> Mi möta Jisösnöŋ kewö jii mörök, “Arökŋaŋgö kiam yeŋön köteŋine ahögetka könakemba nei yeŋön aipŋini memba malakzemö, Suep gölmegö

---

\* **9:54:** 2 Kiŋ 1.9-16

azi ölğan mönö denike anda nöröpñi wani qömböñnöñ nariba luhut membawak.”

<sup>59</sup> Jisösnöñ azi kungöra jiyök, “Gi kaba ni nu-atañgöman.” Jiyökmö, kewö melenök, “Kembu, mi ölöpmö, iwinan kömumamgö aiga mutuk jinöñga anda galöm kölbi kömui löm kölbigun.”

<sup>60</sup> Mewö jiyökmö, Jisösnöñ melenöda jiyök, “Mosötnöñ! Köhömuñi yeñön qamötniñi köhömuñi mi ölop löm kölmemö, göñön mönö anda Anutu bemtohoñgö könañi jim asarim enjiba malman.”

<sup>61</sup> \*Kunbuk azi kunñan kañgota jiyök, “Kembu, nöñön gi guatañgömamgö sihimni mötzalmö, mötnöñ, gi ölop jinöñga mutuk mire anda tinitosolomurupni yaizökzökñini jibigun.”

<sup>62</sup> Jiyökmö, Jisösnöñ melenök, “Kunöñ gölme mesiñmesiñgö kinöñ mi hos andöñe jöhöba böröñan kinöñ supñe memba kini aniga dumñe lilingöba andöñe uzawi, yañön mönö Anutugö bemtohoñnöñ añgota nupñi memawañgö dop qahö akza.” Mewö.

## 10

*Jisösnöñ gwarek 72 melaim enjii anget.*

*Mat 9.37-38; 10.7-16*

<sup>1</sup> Miangö andöñe Kembunöñ gwarek tosatñi 72\* mi möwölöhöm enjiiyök. Nanñak “Taonñi taonñi miriñi miriñi anmam,” jiba miangöreñ yahöt yahöt meköba mutuk melaim enjiiyök. <sup>2</sup>\*“Melaim enjimam,” jiba kewö jii mötket, “Anutugö nupnöñ

\* **9:61:** 1 Kiñ 19.20 \* **10:1:** Tosatñan oyoñda 70 jize. Tosatñan 72 jize. \* **10:2:** Mat 9.37-38

nene ölni gwötpuk öliba ahözapmö, mi tokobingöra nup meme ambazip nini awamdökni maljin. Miangöra mönö nene öliölinangö Kembunji köuluköm wangigetka nup meme ambazip melaim engiiga ölni mem tokome.

<sup>3</sup> \*<sup>4</sup>“Inini mönö anme. Mötket, lama yejön arökñangö kiam kalni yengö sutñine gegetka luhuba engöhöbepuk, nöjön inini miangö tandök ewö melaim engibi anme. <sup>4</sup>\*<sup>5</sup>Inini monen irimunga me gösö kun me köna esu mi kude memba anme. Anda könanöñ ambazip engeka jiji-kilik-kilik yaizökzök kude akñe.

<sup>5</sup> “Anda miri kunöñ öngöba mutuk kewö jime, ‘Anutunöñ miri kiangören luai ali böñjöñ malme.’

<sup>6</sup> Mewö jigetka kunñan luai angön kölmangö dop akzawi ewö, luaininan mönö yangö qakñe öngömapmö, kunñan mi qahö angön köлма ewö, luaininan mönö lilingöba nanñini qakñine öngöma.

<sup>7</sup> \*<sup>8</sup>Miri öngömei, mönö miangörenök mala nup meme. Ambazipnöñ nup meme ambazip malmalñini nangömeangö dop akze. Miangöra yejön nene aka o engime, mi mönö neme. Miri tosatñe lañlañ kude ahöme. Miri suen kude anda kame.

<sup>8</sup> “Taon miangören me miangören angotketka köл öröba nene engime, mia mönö neme. <sup>9</sup> Nemba tosatñan miangören kawöl engöhöi ahöme, i mönö mem ölöwak engime. Mewö aka kewö jiget mötme, ‘Anutugö bemtohoñan mönö dowe kaiga miangö uruñe angotme.’ <sup>10</sup> \*<sup>11</sup>Mewö akñemö,

\* **10:3:** Mat 10.16      \* **10:4:** Mat 10.7-14; Mak 6.8-11; Luk 9.3-5

\* **10:7:** 1 Kor 9.14; 1 Tim 5.18      \* **10:10:** Apo 13.51

taon kunöŋ aŋgotketka andö eŋgumei, miangöreŋ mönö maketnöŋ me sombemnöŋ anda kewö jiget mötme,

11 'Nini eŋgö taonöŋ kainga sölbuham yuai köna tambönine mekötahözawi, mi mönö tim tönjöraringa nanŋine lilingöba gema. Gemapmö, keu ki mönö möt yaköme: Anutugö bemtohoŋan mönö kösutŋine asuhuza.' 12 \*Nöŋön kewö jibi mötket: Anutunöŋ nalö ketanŋe qemasolokepŋinaŋgö likepŋi melenŋi taon miangö qakŋe öŋgömawi, dop miangön mönö Sodom yeŋgö sihimbölö dopŋi oŋgita toroqem eŋgima."†

*Jisösnöŋ taon 3 yeŋgöra 'Yei wösöbirik!' jiyök.*

*Mat 11.20-24*

13 \*"O Korazin toŋi, nöŋön eŋgöra 'Yei!' jiba sahötzal aka Betsaida toŋi, eŋgöra mewöyök 'Yei!' jiba sahötzal. Nöŋön yeŋgöreŋ anbiga keuni jibi sösonihii aŋgöletotni kukösumŋinambuk asuhugetmö, uruŋini töndup qahö melenget. Aŋgöletot mi kian gölmenöŋ Taiö aka Saidon sitinöŋ asuhubeak ewö, yeŋön mönö nalö köröpŋi uruŋini melenbingö kaisösöpŋi kondela dodohonöŋ aŋgömiriba kau ariba sahötpeak.

14 "Sahötpeakmö, Anutunöŋ könaŋgep Korazin aka Betsaida yeŋgö keuŋini jim teköba likepŋi melenŋi sihimbölö mötmei, nalö ketanŋi miangöreŋ mi mönö Taiö aka Saidon yeŋgö sihimbölö dopŋi oŋgita mötme. 15 \*Aka Kaperneam toŋi, Anutunöŋ

\* **10:12:** Jen 19.24-28; Mat 11.24; 10.15 † **10:12:** Sodom yeŋön bölöŋi kanjamŋambuk memba mala uruŋini qahö melengetka Anutunöŋ könöpŋöŋ köndenŋ eŋgiyök. \* **10:13:** Ais 23.1-18; Eze

26.1-28.26; Joel 3.4-8; Amos 1.9-10; Zek 9.2-4 \* **10:15:** Ais 14.13-15

inini ölop mem wahöt enggi Suep mire öngöbeak me qahöpto? Qahöpmahöp! Inini mönö kömupkö senjom mire kölölöhoba geme.

16 \**“Kunḡan keuḡini mötmawi, yaḡön mönö nöḡgö keuni mötma. Kunḡan andö engumawi, yaḡön mönö ni andö nuḡgumapmö, kunḡan ni andö nuḡgumawi, yaḡön melaim niḡgiyöhi, mönö i andö qema.”* Mewö.

*Gwarek 72 yeḡön liliḡöba söḡgaiget.*

17 Gwarek 72‡ yeḡön mala liliḡöba kaba söḡgaiba kewö jiget, “Kembu, nini göhö qetke öme wöröme jim kutum engiinga yeḡön mewöyök keunini bapḡe anda tököba anget.”

18 Mewö jigetka Jisösnöḡ melenök, “Nöḡön Satan kakögetka Suepnöhök luhuba wölbilik ewö aköba gei ehal. 19 \*Mötket, nöḡön kukösum engibiga inini ölop kitim soramen, skorpion (nendaḡ kömbukḡi pomemba) aka kerökniḡö ösum-mumuḡi jitḡambuk pakpak tiget eriga luhut alme. Miḡḡöra yuai kunḡan qahö engum mizit ak engima.

20 “Miḡḡöra ömewöröme yeḡön keuḡini bapḡe anjemö, töndup engören söḡḡgai bohonḡi mi miḡḡöra kude söḡgaime. Engö qetḡini Suep mire ohoget Anutugö bukḡöḡ ahözawi, miḡḡöra mönö önöḡi qahö söḡgaime.” Mewö.

*Jisösnöḡ söḡgaiba Anutu möpöseiyök.  
Mat 11.25-27; 13.16-17*

---

\* **10:16:** Mat 10.40; Mak 9.37; Luk 9.48; Jon 13.20 ‡ **10:17:** Tosatḡan oyoḡda 70 jize. Tosatḡan 72 jize. \* **10:19:** Sum 91.13



21 Nalö mianğoreŋ Uŋa Töröŋan Jisös inahöm waŋgiiga söŋgaiba keu kewö jiyök, “O Iwini, göŋön Buŋa keugi mötkutukutu ambazip mötmöt ketani megeri, yeŋğoreŋ asambötnöŋmö, ambazip nahönbörat ewö nanŋinaŋğöra mötketka gukmaulem akzei, mi mönö yeŋğoreŋ indelnöŋga möt asarize. Mianğöra nöŋön Suep gölmegö Kembuŋi gi möpöseim gihizal. O Iwini, gi nangak mewö asuhumapköra mötnöŋ dop köli ölöwahök.

22 \**“Iwinan mönö yuai pakpak jim kutuiga nöŋgö buŋaya ahök. Iwinan Nahönŋaŋgö könaŋi nanŋök möt yaköiga kunŋan mi qahö mötza. Mewöyök kunŋan Iwiŋaŋgö könaŋi qahö möt yaköiga Nahönŋanök mi mötza aka ambazip möwölöhöm eŋgiba yeŋğöra mi indelmawi, yeŋön mönö Iwi möt waŋgime.”*

23 Jisösnöŋ mewö jiba gwarekurupŋi yeŋğoreŋ liliŋgöba nanŋinök ölöŋ kewö jii mötket, “Inini yuai ek kutuzei, denike yeŋön mi ek kutuzei, yeŋön mönö jeŋinaŋğöra aka simbawoŋ akze. 24 Mianğö könaŋi kewö: Nöŋön keu kewö jibi mötket, Keza-pqetok ambazip aka kiŋ azi kembu gwötpukŋan inini yuai ki ekzei, mi ekingö awöweŋgöba malgetmö, mi qahö eket. Inini keu ki mötzei, yeŋön mi mötpiŋgö awöweŋgöba malgetmö, mi qahö mötket.” Mewö.

*Jöjopaŋ keu bohonŋi yahöt mi denöwö?*

*Mat 22.34-40; Mak 12.28-31*

25 \*Köna keugö böhi kunŋan wahöta Jisös bötak ala kewö qesim waŋgiba jiyök, “Böhi, nöŋön

---

\* **10:22:** Jon 3.35; 10.15      \* **10:25:** Mat 22.35-40; Mak 12.28-34

denöwö aka malmal kömbönaŋi teteköŋi qahö buŋa qem aŋgubilenjak?" <sup>26</sup> Jiiga Jisösnöŋ kewö melenđa qesiyök, "Mosesgö Köna keunöŋ keu denöwö ohoget ahöza? Miangö könaŋi denöwö?"

<sup>27</sup> \*Qesiiga melenđa jiyök, "‘Gi urugi jömukŋi, uŋagi jömukŋi, kuki jömukŋi aka mötmötki jömukŋi miangön mönö Kembu Anutugi jöpaköba malman,’ aka ‘Nangi jöpaköm aŋgumakzani, mewöŋanök mönö ambazip pakpak jöpaköm eŋgiba malman.’"

<sup>28</sup> \*Jiiga Jisösnöŋ melenjök, "Törörök melenjan. Mi tem köla malmal kömbönaŋaŋgö buŋaya akŋan."

<sup>29</sup> Mewö melenjök mö, Köna keugö böhinöŋ 'Mi tem köla solanŋi akzal,' mewö mötmöröba könaŋamŋi kondelmangö möta Jisösgöra jiyök, "Ambazip sutŋine mala korali, yeŋgöreŋök mönö dagöra jizan? Niŋja qahö jöpaköm waŋgubilenjak?"

*Samaria azinöŋ gurusep azi ak-kömum waŋgiyök.*

<sup>30</sup> Mewö jiiga Jisösnöŋ melenđa jiyök, "Azi kunŋan Jerusalem siti mosöta Jeriko mire geba könanöŋ kegwek-kahasililiŋ yeŋgö böröŋine gei meget. Memba inap yuaini waŋgita oponi qeköba gurusep qeba gila angetka kömumangö aka ahöyök. <sup>31</sup> Ahöba mamböriga jike nup galöm kunŋan köna miyök anda eka ek siriba köna likepŋeyök anda oŋgita anök. <sup>32</sup> Aniga mamböri jike nup azi (Liwait) kunŋan miangöreŋ kaŋgota eka mewöŋanök ek siriba oŋgita anök. <sup>33</sup> \*Anökmö, Samaria prowinsgö azi§ kunŋan köna miyök

---

\* **10:27:** Lew 19.18; Dut 6.5      \* **10:28:** Lew 18.5      \* **10:33:**  
2 Hist 28.15      § **10:33:** Juda yeŋön Samaria ambazip jijiwilit ak eŋgizema.

anda ahöyöhi, mianğöreñ anğota eka wösöñi möta ehoriyök.

<sup>34</sup> “Ehoriba kösutñe geba uziñi kelök aka wain oñan miriba esuhuyök. Uziñi esuhuba memba kököbihiba donkiñi qakñe ala wañgita qenjarök ahöahö mire anda ala köyan köl wañgiyök. <sup>35</sup> Köyan köl wañgiba ahöba wahöta söñanök silim yahötkö töwañi (Kina 10,-) uzeta qenjarök mirigö toñi wañgiba jiyök, ‘Azi ki mönö köyan köl wañgiba malnöñga moneñ gihizali, mi kude dop köla oñgitma ewö, mi mönö lilingöba kaba mianğöreñ toroqeba gihimam.’ <sup>36</sup> Azi karöbut könañamñini mewö kondelget. Azi kegwek-kahasiliñ yeñgö böröñine geyöhi, yañgö alañi dañön ahök? Yeñgöreñök dagöra mötnöñ, i uru kalem ak wañgiyök?”

<sup>37</sup> Qesim wañgiiga melenñök, “Ak kömum wañgiyöhi, yañön.” Mewö melenñiga Jisösnöñ jii mörök, “Gi mönö anda mewöñanök aka malman.” Mewö.

*Jisösnöñ Marta Maria yetpuk kujuk tarök.*

<sup>38</sup> \*Jisösnöñ gwarekurupñi yembuk könanöñ angetka Kembuñinan miri kunöñ anğorök. Anğoriga ambi kun qetñi Marta yañön köl öröm wañgii miriñe öñgöyök. <sup>39</sup> Martagö munñi qetñi Maria malök. Yañön Kembu eka könañi kösutñe eta tata Buña keu jiyöhi, mi kezap ala mörök. <sup>40</sup> Mörökmö, Martanöñ lömbuañ nupnöñ öroi anda kaba mökösususu aka Jisösgöra jiyök, “Kembu, munan nömosöri nanök welen nup membi mötnöñ

---

\* **10:38:** Jon 11.1

dop kölja me qahö? Mianğöra mönö Maria jinönga kaba bauköm niŋgima.”

<sup>41</sup> Jiiga Kembunöŋ melenđa jii mörök, “Marta Marta, gi yuai könaŋi könaŋi mianğöra waimanjat möta mötkurumkurum aka könöpŋambuk aka kinjan. <sup>42</sup> Mewö kinjanmö, waimanjat mohok kun memba mem köhöninga dop kölma. Nini yuai sehisehiŋi mianğöra qahö osizin. Marianöŋ kewöta urugö likepŋi möhamgöm aŋgumangö möwölöhöba simbawoŋ akza. Malmalgö bahöŋi ölopŋi mi kunjan kun kude waŋgitma.” Mewö.

## 11

*Jisösnöŋ köulukö könaŋi kusum enğiyök.*

*Mat 6.9-13; 7.7-11*

<sup>1</sup> Jisösnöŋ miri kunöŋ köuluköba mali teköiga gwarekurupŋi yeŋgöreŋök kunjan kewö jiyök, “Kembu, Jon O-melun azinöŋ gwarekurupŋi köulukö könaŋi kusum enğiyöhi, gi mönö mewöŋanök nini kusum neŋgiman.”

<sup>2</sup> Jiiga Jisösnöŋ kewö jii mötket, “Inini köuluköbin jiba kewö jime:

Iwi, göhö qetkan mönö töröŋi ahöma. Mönö galöm köl neŋginönga bemtohoŋgahö ölni asuhuma. (Göhö jitsihitki Suepnöŋ tem kölakzei, gölmenöŋ mönö mewöŋanök asuhuma.)

<sup>3</sup> Gi wehön dop nene dopnine neŋgiman.

<sup>4</sup> Tosatŋan bölöŋi ak neŋgigeri, nini körek yeŋgö siŋgisöndokŋini mosötzin ewö, gi mönö neŋgöreŋ siŋgisöndok saŋgoŋ neŋgiman.

Gi esapesapnōḡ eta neḡgubapukōra aḡḡōn kōl neḡgiba Bōlōḡi Toḡaḡḡō bōrōḡeyōk mekōm neḡgiman.”\*

<sup>5</sup> Jiśōsnōḡ toroḡeba kewō jii mōtket, “Eḡḡōreḡōk kunḡan suḡgem bibiḡe alaḡaḡḡō mire anda mōndōba kewō jima, ‘Alani, beret karōbut niḡḡinōḡa likeḡḡi biaḡ meleḡ gihibi. <sup>6</sup> Alani kunḡan kōnanōḡ mala nōḡḡōreḡ kaḡḡoriga neneḡamni qahōpkōra gumohom waḡḡimamḡō jaruzal.’ <sup>7</sup> Mewō jii alaḡan miri uruḡeyōk kewō meleḡda jima, ‘Gi gaun gwōlō ak neḡḡizan. Ni naḡḡuḡi lōk kōl kōhōibiga nahōnbōraturupnan nōmbuk tumbulahōpnini tumbula gaun ahōzin. Miaḡḡōra wahōta mi gihimamḡō osizal.’ <sup>8</sup> Mewō jimapmō, nōḡōn jibi mōtket: Miri toḡan alaḡi akzawaḡḡōra aka qahō wahōta waḡḡimapmō, mi tōndup kapaḡ kōla jiba kinjawaḡḡōra mi ōlōp wahōta qesizawaḡḡō dop kōrek waḡḡima.

<sup>9</sup> “Nōḡōn miaḡḡō likeḡḡi kewō jibi mōtket: Mōnō Anutu kōulukōme. Kōulukōgetka eḡḡima. Anu-tugōreḡ mōnō yuaigō bōrōḡaḡ memba jarume. Mi jarugetka kondeliga miwikḡaime. Kinda naḡḡuḡōḡ ḡeme. Qegetka naḡḡu tal eḡḡima. <sup>10</sup> Kunḡan Anutu kōulukōmakzawi, yaḡōn mōnō likeḡḡi buḡa ḡem aḡḡuma, yuaigō jarumakzawaḡōn mōnō mi miwikḡaima. Naḡḡuḡōḡ ḡemakzawaḡḡōra mōnō naḡḡu ōrōm waḡḡima.

<sup>11</sup> “Iwiurup eḡḡōreḡōk daḡōn kewō akza: Nahōnḡan sōraḡōra ḡesiiga salupḡe ḡatō waḡḡima. <sup>12</sup> me kuruk kōtḡaḡḡō ḡesiiga skorpion (nendaḡ

---

\* **11:4:** Tosatḡan keu mi kewō meleḡda jimakze: bōlōḡeyōk mekōm neḡḡiman.

kömbukni pomemba) wanğima? <sup>13</sup> Mewögöra inini ambazip bölöni akze aka töndup kalem ölopni ölopni mi nahönböraturupni engibingö mötze ewö, Suep Iwinöni mönö kalemni denöwö anğön kölbawak? Yanğö uruñanğö ahakmemeni mi nenğonğita tandökni kun akza. Mianğöra Uña Töröñanğöra köuluköba qesim wanğime ewö, yanğön mönö sihimñan i melaiğa uruñine gema.” Mewö.

*Jisösnöni öme yenğö ösumñini onğita qei etza.*

*Mat 12.22-32; Mak 3.20-27*

<sup>14</sup> Ömenöni azi kun tönöt aka numbuñi jöhöiga mötök maliga Jisösnöni ömeni mi wuatangöiga kota mosöri nesilamñan lolohoiga kunbuk keu jiyök. Keu jiiga ambazip kambu yenğön mi eka welipköget. <sup>15</sup> \*Welipkögetmö, yenğorenök tosatñan kewö jiget, “Yanğön mönö öme yenğö kembuñini Katakömulat yanğö ösumnön ömewöröme enğuatangömakza.”

<sup>16</sup> \*Mewö jigetka tosatñan Jisös keugö bötaknön öromapköra esapköm wanğiba kewö qesiget, “Gi mönö jim kutunöni Suenöhök anğöletot kun asuhuiga ekin.” <sup>17</sup> Qesigetmö, yanğön uru mötmötñini möt teköba kewö jii mötket, “Kantri denike yenğö galömurupñinan sutñine anğururuk aka julmei, yenğön mönö ayuhum anğugetka kantriñinan böliba sahopñanök ahöma. Mewöyök miri kungö könagesö yenğön julmei, miriñinan mönö qeqelanñan ahöma.

<sup>18</sup> “Mötket! Satangö könagesö yenğön mewöyök sutñine anğururuk aka julbeak ewö, yanğön

---

\* **11:15:** Mat 9.34; 10.25      \* **11:16:** Mat 12.38; 16.1; Mak 8.11

mönö gawman nupņini mēmbingö osigetka ömetohņinan mönö denöwö kinbawak? Inini nōņgöra kewö jize: Yaņön Katakömulatkö ösumnōņ ömewöröme eņguataņgömakza. <sup>19</sup> Mewö jizemö, mötket, nōņön Katakömulatkö ösumnōņ ömewöröme közöl eņgibileņak ewö, eņgö alaurupņinan mönö dagö ösumnōņ mi közöl eņgibeak? Miaņgöra yeņön mönö keuņini öļņi me qahö, mi kewöta jim teköme.†  
<sup>20</sup> Mi jim tekömemö, Anutugö ösumņan nōņgö börö kesötni sölölohöi öme eņguataņgömakzal ewö, Anutugö bemtohoņan mönö eņgöreņ kam kuņguza.

<sup>21</sup> “Azi köhöikņan timbi liņgiņambuk miri gölmeņi galöm meiga sukinapņan mönö kahaimök ahöma. <sup>22</sup> Mewö ahömapmö, azi köhöikņi kötökņan luhuba kaba qeba luhut al waņgiba timbi liņgiņi nariyöhi, mi körek waņgita qezaņda sukinapņi memba anda alaurupņi mendeņ eņgima.

<sup>23</sup>\*“Kunņan nömbuk qahö maljawi, yaņön mönö qetal niņgimakza. Kunņan ambazip nōņgö qetne tokomegöra qahö öröm eņgimakzawi, yaņön mönö mendeņ eņgimakza.” Mewö.

*Öme yeņön azi uruņe liliņgöbingö kapaņ köļje.*

*Mat 12.43-45*

<sup>24</sup> “Ömenōņ azi uruņeyök kota gölme qararaņkölkölņe anda laņ liliköba mala luhut memangö miri jaruba kun qahö miwikņaiba ölan yöhöiga kewö jima, ‘Mirini mosöta kazali,

---

† **11:19:** Nannini sile galömurupņinan Anutugö qetņi qeta töndup öme mi Katakömulatkö kukösumnōņ közöl eņgigetka nōņön mi Anutugö ösumnōņ közöl eņgimakzal. Örorōņ qahö kinjinaņgöra daņön öļņi aka daņön keu muneņi wuataņgömakzawi, mi ambazipnōņ kewöta jim teköme. \* **11:23:** Mak 9.40

mianğoreŋ mönö kunbuk lilingömam.’ <sup>25</sup> Mewö jiba lilingöba miriŋi usunđa menjölöi ahöyöhi, mi mewöŋanök ahöi miwikŋaima. <sup>26</sup> Mewö miwikŋaiba anda öme tosatŋi 7 enğuanğitma. Öme 7 mi nanŋi onğita bölöŋi kötökŋi akze. Yanğon mi enğuanğiriga kaba miri mi onğöba mianğö uruŋe malme. Mewö aiga azi mianğö könanŋi mutuk kilenkilen ahökmö, könanğep bölim qölim teköma.” Mewö.

*Denike yeŋon simbawon akze?*

<sup>27</sup> Jisösnöŋ keu mewö jiba mali ambazip kambu sutŋineyök ambi kunŋan qeta Jisös kewö jii mörök, “Gömokni, ambinöŋ gölöm ala gömimba juzu gumohom gihiyöhi, nöŋon yangö mötŋi simbawon akza.” <sup>28</sup> Mewö jiyökmö, Jisösnöŋ kewö melenğök, “Mi jizanmö, nöŋon kewö jimam: Ambazip Anutugö keugöra kezap ala möta tem köla köl guli-makzei, yeŋon mönö simbawon akze.” Mewö.

*Böhi tosatŋan anğöletököra kapaŋ köla uletket.*

*Mak 8.11-12; Mat 12.38-42*

<sup>29</sup> \*Ambazip kambunöŋ tokogetka qariiga Jisösnöŋ toroqeba keu kewö jiyök, “Ambazip merak gölmenöŋ maljei, mi kambu bölöŋa. Yeŋon Anutugö aiwesökŋangöra kapaŋ kölakzemö, aiwesök kun kezapqetok azi Jonagöra lök asuhuyök. Anutunöŋ aiwesök murutŋi kun qahö al enğima. <sup>30</sup> \*Keu mianğö könanŋi kewö: Anutunöŋ mönöwök Jona melaiiga Niniwe yeŋö sutŋine anda Anutugö aiwesökŋi ahök. Mianğö dop Suep gölmegö azi ölŋan mewöyök ambazip kambu

\* **11:29:** Mat 16.4; Mak 8.12      \* **11:30:** Jona 3.4



kiangö sutjine asuhaba uruñini melenmegöra kun gum enjiba aiwesökñina akña.

31 \*<sup>31</sup>“Könañamñinañgö kaisösöpñi kun kewö: Anutunöñ mönówök mötkutukutu öngöñgöñi ketañi mi kiñ Solomon wañgiiga Saut görökenök kantri kungö qin ambinöñ Solomongö mötkutukutuñi mötmamgö sihimñi mörök. Sihimñi möta gölme görañeyök wahöta köna köröp tiñtiñi kaba mala Solomongö mötmötñi mörök. Mi mörökmö, mötket, nalö kewöñe nöñön sutjine asuhaba kinda Anutugöreñ mötkutukutu öngöñgöñi memba kazali, mi Solomongö mötkutukutuñi oñgitzä. Oñgitzapmö, iñini töndup nesampurek ak niñgiba tönpin kingetka qahö dop kölja.

“Miañgöra Anutunöñ könañgep ambazip körek pakpak öröm enjii keuñini jim tekömapköra jeñe añgotmei, nalö miañgöreñ Saut kantrigö qin ambi miañön mönö mewöyök añgotma. Yañön ambazip kambu ki kinjei, embuk öröröñ kömupnöhök wahöta enjö qöhöröñine mohotje kinma. Mohotje kindä keu kewö enjö silenine alma, ‘Iñini Jisös nesampurek ak wañgigetka Anutunöñ likepñi meleñ enjii sihimbölö öngöñgöñi mötme.’ Yañön mewö jiiga silikñi kewöta nanñinañgöra gamuñini mötme.

32 \*<sup>32</sup>“Jonanöñ Niniwe ambazip sutjine anda Anutugö keunöñ uruñini kungui möta miañgöreñök uruñini melengetmö, mötket, nöñön sutjine asuhaba kindä Jonagö ahakmemeni oñgita ahakzal. Mewö ahakzalmö, iñini töndup nesampurek ak niñgimakze.

\* 11:31: 1 Kiñ 10.1-10; 2 Hist 9.1-12      \* 11:32: Jona 3.5

Miangöra Niniwe ambazipnõj jimtekötekögö nalö ketaje ambazip kambu ki kinjei, embuk örörõj kõmupnõhök wahöta engö qõhörõjine mohotje kinme. Mohotje kinda Niniwe yejõn keu kewö engö silenjeine alme, 'Inini Suep gölmegö azi öljõ nesampurek ak wangigetka Anutunõj likepji melen engji sihimbölö öngöngõji mötme.' Niniwe yejõn mewö jigetka ahakmemenjan nanjini kõnanamjini indelgetka gamunjini mötme." Mewö.

*Kiwa mi asakji nengimapköra ahöza.*

*Mat 5.15; 6.22-23; Mak 4.21-23*

<sup>33</sup> \*"Kunjan lambe me kiwa ohotiriba köwe wangömje me kimbutnõj qahö almapmõ, mi mönõ miangö dum tatatnõj alma. Mewö ali tosatjan miri uruje öngöbingö mötzei, yejõn miangö asakji eka ölop öngöme. <sup>34</sup> Göhö jegi mi uru silegahö kiwanj akza. Miangöra kawöl kunõj jegi qahö mem böliza ewö, mianjõn mönõ tohoba asarim teköi Anutugö asakjan ölop uruge mem asariiga malmalgi pakpak asakje malman. Asakje malmanmõ, sihim kõmbõnanj bölõjan me yuai kunjan jegi mem böliba asakji kõzambõtza ewö, mianjõn silegö malmalgi mewöyök mem sõnauiga pandaman uruje jipjap malman.

<sup>35</sup> "Mewö aiga mötnõj, sõnaupnõj urugahö asakji kõzambõri sõnaubapuköra mönõ tihitki möta galöm mem anjuman. <sup>36</sup> Mewö aknõnga Anutugö asakjan urugi körek dop köli wangömji kun qahö sõnauza ewö, göhö silegan mönõ mewöyök ason-kilik-kilikjambuk aka jemesoholgan asariza. Kiwa

\* **11:33:** Mat 5.15; Mak 4.21; Luk 8.16

ketañan silege kuñguba kölköl-bilikkilikñambuk mem asarim gihizawi, malmalgi mönö mianğö dop Anutugö asakñe al teköba malman.” Mewö.

*Urumelengö silesile tandököra ‘Yei!’ jiiga 6 ahök.  
Mat 23.1-36; Mak 12.38-40; Luk 20.45-47*

<sup>37</sup> Jisösnöñ keu mi jim teköi Farisi (Köna keugö kapañkölköl) azi kunöñ kewö jiba köl öröm wañgiyök, “Gi ölop nöngö mire öngöba tata nene nembin.” Mewö jiiga anda öngöba nene nemamgö tarök. <sup>38</sup> Mutuk böröñi qahö sañgoñda eta tarökmö, Farisi azinöñ silik mi eka welipköyök. <sup>39</sup> Welipköiga Kembunöñ kewö jii mörök, “O Farisi inini mönö öñña amöt qem angubingöra qambi aka al nenegö silenji sañgoñ yakömakzemö, nanñini uruñinan mönö tölohoza. Mi dogo jimamonñ aka qewöloñ mianñon kokolak qei malje.

<sup>40</sup> “O inini, uruñini qahö. Kunöñ silenji pakpak miwikñaiyöhi, yañon mönö uruñi mewöyök miwikñaiyök me qahö? Inini mönö wuanöngöra uru likepñangöra tañqañ akze? Mi qahö dop kölja. <sup>41</sup> Mianğöra yuai kiwi al nenenöñ tatzawi, mi mönö kalema ambazip wanapñi enjime. Mewö aketka Anutunöñ amöt qem enjii enğoreñ yuai pakpak mönö sarakñi ahöma.” Mewö.

<sup>42</sup> \*“O Farisi ambazip, lömböt qakñine öngözawañgöra mönö wöziköba ‘Yei!’ jizal. Inini nene pakpak mendenña bahöñi 10 mianğoreñök mohot Anutugö buñaya qemakze. Gipñi, supe aka yöha könañi könañi mi mewöyök menñenda tenöhök mohot mi Anutugö buña qemakze. Naluk mi törörök alakzemö, Köna keugö kötnji

---

\* **11:42:** Lew 27.30

bohonji ki mönö onjita mosörakze: Gi Anutu uru könömgan jöpaköm wanjiman aka ambazip sutjine ahakmeme dijdini wuatangöba malman. Keu bohonji mi mönö kapan köla wuatangöba malme aka keu morömorö mi mewöyök kude onjita mosötme.

<sup>43</sup> “O Farisi, lömböt qakjine öngözawanjora mönö wölziköba ‘Ye!’ jizal. Injini köuluk mire dum tatat mutukje jegep tatpingö sihimji mörakze. Maketnöj me kōnanöj ambazip engeketa jölöjini jimegö mörakze. <sup>44</sup> O injini, lömböt qakjine öngözawanjora wölziköba ‘Ye!’ jizal. Injini qaksiri qetjini qahö miangö dop akze. Ambazipnöj qamöt wörönjambuk denike ahözawi, mi qahö möta qakjine lanlan tiba yuai dönqizinjambuk oseiba tölohoma kze.” Mewö.

<sup>45</sup> Jisösnöj keu mewö jiiga Köna keugö böhi yengörenök kunjan möta melenja kewö jiyök, “Böhi, gi keu mewö jiba nini mewöyök gamu qem nenjizan.”

<sup>46</sup> Mewö jiyökmö, Jisösnöj keu kewö jiyök, “O Köna keugö böhi, engö qakjine mewöyök lömböt öngözawanjora wölziköba ‘Ye!’ jizal. Injini keuji keuji jim kutuba miangö könjöj lömbötji ambazip qakjine alagun algetka mi tem kölbingö lömböriiga jaranbaran ahakzemö, nanjinak i kesötjinan borom kun bauköm engibingö wösömötmötjini kun qahö ahöza.

<sup>47</sup> “O injini, lömböt qakjine öngözawanjora mönö wölziköba ‘Ye!’ jizal. Injini kezapqetok ambazip yengö qaksirinöj simen koum memba menjölömakzemö, nanjini ambösakonjinan mönö i enjuget kömuget. <sup>48</sup> Nanjini ambösakonjinan

kezapqetok ambazip enjuget kömugetka inini yengö qaksirinine koum memba simen alakze. Mewö aka mianjön ambösakonjini yengö ahakmemegöra imbi köla keunjini nangöba jiba dangunu ewö kinje.

<sup>49</sup> “Miangöra Anutu, mötkutukutu Tonji yanjön kewö jiza, ‘Nöjön kezapqetok ambazip aka aposol melaim engibi engören kame. Kagetka yengörenök tosatji i enjuget kömume aka tosatji sesewerowero ak engime.’

<sup>50</sup> “Anutunöj Suep gölme miwikñaim etkiyöhi, nalö miangörenök könahiba kezapqetok ambazip enjugetka sepñini mokoget eri, miangö sep kitipñi pakpak mi ambazip merak maljei, mönö engö qakñine öngöi sihimbölö mötme. <sup>51</sup> \*Abelgö sepñan eri miangörenök könahiba enguba kota mala Zekaraia jöwöwöl alta aka jöwöwöl jike kömbukñi mietkö sutñire qeget sepñi eri miangören teköyök. Nöjön keu kewö jibi mötme: Sepñinangö kitipñan mönö ambazip merak maljei, engö qakñine öngöiga sihimbölö mötme.

<sup>52</sup> “O Köna keugö böhi inini, lömböt qakñine öngözawangöra mönö wölziköba ‘Yei!’ jizal. Inini Anutugö mötmöt membingö nanju ki moröñi mi ambazip enjuangita angön köl engimakze. Nanñinak miangö uruñe qahö angotket aka tosatñan miangö uruñe angotpingö akzei, inini i jöhöba angön köl engiba malget.”

<sup>53</sup> Jisösnöñ keu mewö jiba mosöta ani Köna keugö böhi aka Farisi yanjön könahiba keu könöpñambuk jim wanjiba keu könaji könaji jimapkö qeqesi

---

\* **11:51:** Jen 4.8; 2 Hist 24.20-21

gwötpuk al wanğiget. <sup>54</sup> Al wanğigetka num-  
buneyök keu kun qiwitipköiga mianğön köpeiba  
keugö bötaknön örömapköra mönöget. Mewö.

## 12

### *Urumelenğö silesile malmalgö galöm meme keu Mat 10.26-27*

<sup>1</sup> \*Jisösnön keunji jüiga nalö sutne mianğören  
ambazip tausenni tausenni yanğören tokoba  
ölöqölököba utakutal anğuba kinget. Mewö  
aka kingetka könahiba gwarekurupni kewö jii  
mötket, “Yuai mutukni ki: İjini mönö Farisi  
(Köna keugö kapañkölköl) yenğö urumelenğö  
silesile ahakmemenjanğöra galömnini meme. Mi  
wösö kömbukni ewö akza. Mi qahö mosötme ewö,  
mianğön mönö yist ewö qariba mem bölim enğima.

<sup>2</sup> \* “Ambazipnön yuai önun meget ahözawi,  
mi pakpak mönö kötulgetka aukne ahuma.  
Mewöjanök keu asambötket ahözawi, mi pakpak  
mönö indelgetka möt kutume. <sup>3</sup> Mianğöra mönö  
keunjanğö galöm memba malme. İjini keu  
söñaupnön ölon jimei, mi mönö asakne jigetka  
mötme. İjini miri uruñe wanğömnji kungen  
sañepnön kezapñine jimei, mi sobemnön aukne  
jim asarime.” Mewö.

### *Dagöra kenğötnini mörin dop kölma. Mat 10.28-31*

<sup>4</sup> “Alaurupni nönön enğöra kewö jibi mötme:  
Tosatñan silenini qem kömumba mianğö andöñe  
yuai kun toroqeba akingö osimei, yenğöra mönö

---

\* **12:1:** Mat 16.6; Mak 8.15      \* **12:2:** Mak 4.22; Luk 8.17

kenğötņini kude mōta malme. <sup>5</sup> Mi qahōpmō, dagōra kenğötņini mōtketka dop kōlmawi, nōņōn mi kondel eņgimam. Kun daņōn kukōsum memba eņgui kōmugetka tōtal eņgii kōnōp sianōņ gemei, yaņgōra mōnō kenğötņini mōta malme. Eņgōra keu mi kunbuk jizal: yaņgōra mōnō kenğötņini mōta malme!

<sup>6</sup> “Tosatņan bekōsōm (jōjōrōm, ulisit) 5 mi toiya yahōtņan sōņgōrōņi memegōra alakzemō, Anutunōņ mienğōreņōk mohok-kungō qahō olum qeyōk. <sup>7</sup> Anutunōņ kōyan kōl eņgiba nōrōp jupņini pakpak mewōyōk oyoņ tekōba jaņgōņini mōtza. Ambazip eņgō sōņgōrōņini mi bekōsōm ulisit gwōtpuk eņgoņgita ōņgōņgōņi akza. Mianğōra kenğötņini mōnō kude mōta malme.” Mewō.

*Kraist jim miwikņaime me qaņ kōlme?*

*Mat 10.32-33; 12.32; 10.19-20*

<sup>8</sup> “Nōņōn keu kun jibi mōtket: Kunņan ni ambazip jeņine jim miwikņaim niņgimawi, Suep gōlmegō azi olņan mōnō mewōņanōk i Anutugō garataurup yeņgō jeņine jim miwikņaima. <sup>9</sup> Mewōmō, kunņan ni ambazip jeņine qaņ kōl niņgimawi, nōņōn mōnō mewōņanōk i Anutugō garataurup yeņgō jeņine qaņ kōlmam.

<sup>10</sup> \*“Kunņan Suep gōlmegō azi olņi qetala keu jimawi, Anutunōņ mi olōp mosōtmapmō, kunņan Uņa Tōrōņi ilita mepaqepaik akņawi, yaņgō siņgisōndokņi mi Anutunōņ qahō mosōtma.

<sup>11</sup> \*“Ambazipnōņ iņini ōrōba keu jakeņine al eņgigetka kōuluk miriņine me kiap premiō

\* **12:10:** Mat 12.32; Mak 3.29 \* **12:11:** Mat 10.19-20; Mak 13.11; Luk 21.14-15

aka kantriñi kantriñi miengö kiñ kembu yeñgö jemesoholñine kinmei, nalö miangören keunjanangö likepñi wani keuya denöwö jibinak miangö waimanjatñi kude mötme. <sup>12</sup> Mi kewögöra: Inini keu jimei, mi Uña Töröñan aua miangörenök kusum enjiiga jime.” Mewö.

*Nepaqepalok azi pomñangö dopkeu*

<sup>13</sup> Ambazip kambu sutñineyök azi kunñan Jisösgö jiyök, “Böhi, iwiniran kömuiga gi mönö datnangö jinöñga iwinirañgören börösamotñi mendenja niñgima.”

<sup>14</sup> Mewö jiyökmö, Jisösnöñ kewö melen wañgiyök, “O azi, dañön etkö jimtekötekö toñiri akñamgöra kuñgum niñgiyöha gölmeñiri mendenbilenak?” <sup>15</sup> Mewö jiba keu kewö toroqeyök, “Inap ainemalukuñinan awamñanök me kelenmaleleñ ahöbawak, malmalñinangö könani mi miangören qahö ahöza. Malmalñini qahö kewöta moneñ sukinapnöñ möndöme ewö, mönö ayuhume. Miangöra membagun memingö nepaqepalok (gridi) pakpaköra mönö galömjini memba malme.”

<sup>16</sup> Mewö jiba dopkeu kun kewö jii mötket, “Azi pomñi kun malök. Yañön gölmeñe nene nupñi meiga töhötmöriam ketani asuhuyök. <sup>17</sup> Mi asuhuiga uruñan kewö mötmöriba jiyök, ‘Nöngö köwe mirini mi morörökñi. Miangöra padi gösöñi gösöñi, koñ kambuñi kambuñi, sehoñ böranñi böranñi mi mönö denikeañgören tokobilenak? Mönö denöwö akñamto?’ <sup>18</sup> Mewö jiba jiyök, ‘Mönö kewö akñam: Ni köwe mirini köndenja salupñe köwe miri ketani ketani memam. Mi memba



nene tōhōtmōriamni aka sukinapni pakpak mōnō mianğöreŋ qezakōbi tatma. <sup>19</sup> Mianğöreŋ tariga nananğōra kewō jimam: O gi simbawoŋ! Tōhōtmōriamgi mōnō awamŋi qahō ahōm gihiza. Mianğōra mōnō nene nem sōŋgaiba yambuŋi yambuŋi siyoŋsayoŋi qahō luhut memba ösōŋ malman.’ <sup>20</sup> Mewō jiyökmö, Anutunōŋ kewō jii mörök, ‘O gi, urugi qahō! Nōŋōn nalögi ala jim tekōba uŋagi sunğem kianğöreŋök goanğitpiga kōmuman. Kōmunōŋga öröyuai pakpak buŋa qem anğuba malnōŋi, mi mōnō dagō buŋaya akŋapto?’

<sup>21</sup> “Kunŋan nanŋanğōra ainemaluku guli dōtnam yuai tokomakzapmō, Anutugō qōhōrōŋe urugō tōhōtmōriamŋi qahō ahōm wanğizawi, yanğōra mōnō lömböt ketanŋi mewō asuhuma.” Mewō.

*Anutu mōt nariba waimanjat kude akŋe.*

*Mat 6.25-34*

<sup>22</sup> Jisösnōŋ gwarekurupŋi kewō jii mötket, “Mewō asuhumapmō, nōŋōn enğōra kewō jibi mötket: Inini gölmenōŋ malmeanğō waimanjatŋi mi kewō jiba kude akŋe: Nini mōnō wanat yuainōŋ gumohom anğubinak aka wanatnōŋ sileninanğō löngötpinak? <sup>23</sup> Silenŋinambuk maljei, mianğōn bohonŋi aiga opo kereŋnōŋ mōnō mianğō nembō bapŋe ahōza. Jeŋinambuk maljei, mianğōn bohonŋi aiga nenenōŋ mōnō mianğō nembō bapŋe ahōza.

<sup>24</sup> “Mōnō koekoe nei enğekŋe: Mienğōn nene kōtŋi qahō qesiŋ gilakze. Padi ölni qahō yandiba kōwe miriŋine qahō tokomakze. Yōha sihiŋini mi qekōm nembu mirinōŋ qahō alakze aka Anutunōŋ mi tōndup i gumohom enğimakza. Ambazip enğō

söngöröñini mi nei söngöröñini enğonğita öngöba ahöza. Mönö mi mötmöriget anök.

25 “Enğöreñök kunjan waimanjat aka mewö mi-añön gölmenöñ malmawañgö nalöñi mi sömañi mohotkö dop mem toroqema me qahö? Mi qahöpmahöp!”\*

26 “Mewö aiga yuai morörökñi mewö akingö osime ewö, yuai tosatñi pakpaköra mönö denöwögöra waimanjat akeak? 27 \*İnini mönö jariñ juranı aködamunñinambuk mi engekñe: Mienön opo söröñinañgöra möt qahö loñgalakze. Nup yuai tosatñi kun qahö memakze aka mi töndup kewö jibi mötket: Kiñ Solomonöñ goul silwöñi qeraköba malukuñi ason-bilikbilikñambuk löngöta malökmö, yañgö malukuñi mi kiten soranjingö dop eksihimñambuk qahö ahöyök.

28 “Jariñ juranı töhön mi merak gölmenöñ kösutnine ahöi uran kölgetka eri gila qezaköba ohoget jema. Mi töndup Anutunöñ juranı mewöñi kun mi tok ölpöñanök meñölömakza. Mianğöra yañön inini mewöyök ölpö esuhum enğima. İnini jariñ juranı mianğö dop qahö akze. Anutunöñ köyan köl enğimamgö mötzawi, sihimñi mianön mönö yuai pakpak enğonğita öngöza. O ambazip, mötnaripñinan mönö wuanöñgöra morörökñi akza?

29 “Mewö aiga inini mewöyök malmalñinañgöra mötkurumkurum kude akñe. Mi aka lömböriba kewö jibepuk, ‘Nini mönö wani nene aka wani o nembinak?’ Mewö jiba uruñini mianğöreñ

---

\* **12:25:** Tosatjan kewö melenđa jize: Enğöreñök kunjan waimanjat aka mewö mianön silenji wan fitkö dop toroqeba mem körimamgö osima. \* **12:27:** 1 Kiñ 10.4-7; 2 Hist 9.3-6

kude ala urueret aka urukönöpuk miwikñai**bepuk**.  
<sup>30</sup> Kantri dop urumelenğö kopa yeñon yuai mewöñi pakpak buña qem anğubingö kapan köla urukönöp ahakze. Mi ahakzemö, inini nene opo yuaigöra mözöröngöba osizei, Iwiñinan mönö mi möt teköza. <sup>31</sup> Mianğö urukönöp kude akñemö, mönö Anutugö bemtohoññöñ anğotpingö kapan kölme. Uruñini mianğöreñ alget ahöiga yañon mönö galöm köl enğiba yuai mewöñi mi mewöñanök toroqem enğima.” Mewö.

*Buñanini Suepñöñ me gölmenöñ tokoinga dop kölja?*

*Mat 6.19-21*

<sup>32</sup> “O kambuni morörökñi, Iwiñinan bemtohoñ al enğimamğö mötzawañğöra mönö kenğötñini kude möta malme. <sup>33</sup> Gölmegö moneñ inapñi mi kapan köla qerakö**bepuk**. Mianğöra yuai ahöm enğizawi, mi mönö söñğöröñanğö ala moneñ öröba bahöñi ambazip wanapñi kalemñinanğöra enğime. Mewö aketka qetbuñanini guli dötnam ewö mi Suep mire ahöba sehiba kude qahöwakña. Moneñ gösöñini qainñi kun mi Suep mianğöreñ qahö bölime. Gurem jijilukut aka yoñgorö meme yeñon mönö eu öngöba yuai mem bölibingö osime.

<sup>34</sup> “Yuaigöra aködamunñi memba mötnöñ öngözawi, mianñon miri kungen ahöiga göñon mönö urugi mewöyök mianğöreñ qekötahöba malman.” Mewö.

*Urugwölö mala nup megetka dop kölma.*

<sup>35</sup> \**“Inini mönö Anutugö nupñi memb- ingöra jöjöröba opo söröñini jöhöm yaköba*

\* **12:35:** Mat 25.1-13

aködamunñinambuk kinda uruñinanğö kiwanan ohotirigetka jeiga malme. <sup>36</sup>\*Mi kiangö dop: Miri tonji kun mi ambazip amemegö lömbuanñonñ kaba söngaibingöra öröm wangigetka anök. Miangören ani moröurupñan mire tata lilingömapköra jeñinan yaigep uba ‘Kiñsiñ-pañsañ!’ jiba kapan köla mambötze. Mamböta malgetka yañon nalö miangören me miangören kañgota nañgunonñ qebawak, yeñon mönö miangörenök nañgu örögetka kotma. Inini mönö morö miengö dop aka jöjöröba malme.

<sup>37</sup>“Kembunonñ lilingöba kaiga nup memeurupñi tosatñan urugwölö malgetka mewö miwikñaim engimawi, yeñon mönö simbawonñ akze. Nönön ölña kewö jibi mötket: Yañon kañgota tokom engiba nene dumnonñ ali tatketka nene gumohom engimangö jöjöröm añguba welen qem engima. <sup>38</sup>Yañon ömbibiñe me miri awöranğöiga miangören lilingöi tosatñan urugwölö malgetka miwikñaim engimawi, yeñon mönö simbawonñ akze.

<sup>39</sup>\*“Gwölö malbingö keu ki mönö ölöp mötmörime: Sunğem aiga kegwek azinonñ wanat nalönonñ me auanonñ kamawi, miri tonjan mi mötpawak ewö, yañon mönö gwölö mala miriñi ölöp galöm meiga qesiñda öngömangö osima. <sup>40</sup>Inini ‘Suep gölmegö azi ölñan nalö kiangören qahö kañgotma,’ jiba mötmörime, yañon mönö nalö miangörenök kañgotma. Miangöra inini mewöyök jöjöröba malme.” Mewö.

---

\* **12:36:** Mak 13.34-36      \* **12:39:** Mat 24.43-44

*Nup azinöŋ silekmalek mala ayuhuyök.*

*Mat 24.45-51*

<sup>41</sup> Jisösnöŋ keu mewö jii Pitönöŋ qesiyök, “Kembu, gi dopkeu ki mi neŋgöra me ambazip tosatŋi pakpak yeŋgöra mohok jizan?”

<sup>42</sup> Mewö qesii Kembunöŋ jiyök, “Nup meme ambazip sutŋine danön tiŋ kutuba tosatŋi enŋonŋitza? Tosatŋan sörörauba nup mosötketka kunŋan mötkutukutu ölöŋŋaŋgö qakŋe kapaŋ köla pöndaŋ memakzawi, yaŋön mönö simbawoŋ akza. Miri toŋan ahakmemeŋi kewöta eka kungen anda miriŋaŋgö öröyuaiŋi mi yaŋgö böröŋe ali galöm akŋa. Galöm aka welenqequeurupŋi jiyöhaŋgö dop köyan köla nalö diŋdiŋe gumohom enŋimakŋa.

<sup>43</sup> Mewö köyan köl enŋiba maliga toŋan liliŋgöba kaba mewö eka mönö simbawoŋ jima.

<sup>44</sup> “Nöŋön keu öŋi kun kewö jibi mötket: Toŋan simbawoŋ jiba sukinapŋi pakpakö galömŋi kuŋgum waŋgima. <sup>45</sup> Kuŋgum waŋgimapmö, nup meme okonŋi yaŋön uruŋan mötmöriba kewö jima ewö, ‘Kembunaŋgö kaka nalöŋan mönö köröpŋi ahöza.’ Mewö jiba könahiba nup meme ambazipurupŋi enŋum ureiba közölömbuan ala söŋgaiba o köhöikŋi nempa uruŋi sohoiga enjololoŋ silekmalek aka malma. <sup>46</sup> Mewö mala nalö kunöŋ Kembuŋi kaŋgotmapköra qahö mambötmawi, mönö miangöreŋ kaŋgotma. Nalögöra ikmaok iŋululuŋ mali mönö aua miangöreŋ kaŋgota qeba yaijapaleleŋ mem waŋgiba jim kutuiga qeŋetal ambazip ewö könöp sianöŋ geba sihimbölö mötma.

<sup>47</sup> “Nup meme kunŋan Kembunaŋgö jitsihitŋi möt yaköyökmö, keu areŋi jiyöhaŋgö dop qahö jöjöröm aŋguba nupŋi memba malöhi, Kembunan

mianğö likepni jiiga jöhöba ihileknöŋ ambemni gwötpuk qeaköba qeme. <sup>48</sup> Mewö qememö, nup meme azi kunŋan Kembunangö jitsihitni qahö möt yaköba yuai aka meiga likepni ölöp jiget ihileknöŋ qemeangö dop akzawi, Kembunöŋ mianğö likepni jiiga amqeqeŋi qeme. Anutunöŋ kungöra yuai gwötpuk waŋgiyöhi, yaŋön mönö mi mem sehiiga ölni gwötpuk ahumapköra al mambötma. Anutunöŋ kungöra yuaigö warökni sehisehiŋi al waŋgiyöhi, yaŋön mönö mi mem sehiiga ölni sehisehiŋi ahui melenŋ waŋgimapköra qesima.” Mewö.

*Jisösnöŋ könöp bölam memba eri deŋnök.*

*Mat 10.34-36*

<sup>49</sup> “Nöŋön gölmenöŋ könöp ala ubi jemapköra etpiga urusihimni mianğö bölamŋan lök jeyöhaŋgöra ahöza. <sup>50</sup> \*Ahözapmö, mi ‘Ala umam,’ jibi sihimbölö gwötpuk mi nöŋgö qakne öŋgöba mösölumgöm niŋgimangö akŋa. Anutunöŋ mewö mianğön melun murutni mem niŋgima. O ni wahöjalinŋ ketani möta malbi mem niŋgii mianğoreŋ teköma. <sup>51</sup> Kewö mötmöribepuk: Jisösnöŋ luai qemamgöra aka gölmenöŋ erök. Nöŋön kewö jibi mötket: Nöŋön luai qemamgöra qahöpmö, nöŋgöra aka jula deŋgetka köŋ jabö ahuma.

<sup>52</sup> “Mi kewögöra jizal: Nöŋgö Buŋa keunan ambazip uruŋini kuŋgui melenŋgeraŋgöra nalö kewöŋeyök könahiba kewö asuhuma: Miri kungö uruŋe ambazip 5 yeŋön sutŋine aŋgururuk aka julme. Likep karöbut yeŋön yahöt yetpuk

---

\* **12:50:** Mak 10.38

aṅgururuk aketka likep yahöt yetkön karöbut yembuk jujul aka malme. <sup>53</sup> \*Iwi morö yetkön jula kerök-kerök ahotka nam morö yetkön tötal aṅguyohotka iranjan iranji qetala julmahot.” Mewö.

*Nalö maljini, mi möt kewötme.*

*Mat 16.2-3*

<sup>54</sup> Jisösnöṅ toroqeba ambazip kambu yeṅgöra kewö jii mötket, “Wehön gegene miri böuleiba kousu töwiiga inini mi eka miangörenök ‘Kie kama,’ jimakze. Mewö jigetka kama. <sup>55</sup> Saut görökenök luhut giliga eka möta kewö jimakze, ‘Miri könöṅambuk akṅa.’ Jigetka miangö dop akṅa. <sup>56</sup> O urumelenṅö silesile ambazip, inini suep gölmegö tandökṅiri eka kie wehönṅö könṅiri ölop kewörakzemö, nalö ki maljini, miangö könṅi qahö kewöta möt kutugetka qahö dop kölja.” Mewö.

*Aṅgururukṅini mindiṅögetka solanima.*

*Mat 5.25-26*

<sup>57</sup> “Inini ‘Yuai diṅṅi mi denöwö akin,’ jiba miangö könṅi mi denöwögöra aka nanṅinak qahö kewöta jim tekömakze? Mi qahö dop kölja. <sup>58</sup> Kerökan silege ala keu jakeṅe öröm gihimangö aiga jimtekötekö galömgöreṅ anda köna namṅe miangöreṅ mönö kapan köla imbi mohok aka keuṅiri jim solanimahot. Mewö qahö akṅahot ewö, kerökan ölop örörahöm gihiiga (jas, majistreit) jimtekötekö toṅṅö jeṅe aṅgotnöṅga möta jii opotöröpkö böröṅe genöṅga kösö mire al ghibapuk. <sup>59</sup> Nöṅön kewö jibi mötnöṅ, Gi miangöreṅ töwagi pakpak almanṅö dop qaköba

---

\* 12:53: Mai 7.6

tatman. Toiyagi kondikni mewöyök al teköbagun mönö töwagi memba etman.” Mewö.

## 13

### *Urujini melenget me kömumba ayuhuget.*

<sup>1</sup> Nalö miangöreñök tosatñan kangota Jisös kösohot kewö jiget mörök, “Galili ambazip tosatñan Jerusalem jikenöñ jöwöwöl ohogetka premiö Pailötnöñ jüiga suahö galömurupñan miangöreñ öngöba engum kömugetka sepñini eta lama bulmakau sepñinambuk lolonqalon ahök.”

<sup>2</sup> Mewö jigetka melengeta kewö jii mötket, “Inini miangöra kewö mötmöribepuk: Galili ambazip mienön Galili ambazip tosatñi pakpak engongita sinjisöndok aka malgerangöra sihimbölö mi mötket. <sup>3</sup> Mewö qahöpmö, nöñön kewö jibi mötket: Inini urujini qahö melengeta ewö, inini körekñan mönö mewöyök ayuhum teköme. <sup>4</sup> Me miri getñi Siloam miangöreñ miri köröpñi kunñan eta köla ambazip 18 turum engii kömugeri, inini yengöra kewö mötmöribepuk: Yenön Jerusalem könagesö tosatñi pakpak engongita sinjisöndok aka keuninambuk malget. <sup>5</sup> Qahöpmö, nöñön kewö jibi mötket: Inini urujini qahö melengeta ewö, inini körekñan mönö mewöyök ayuhum teköme.” Mewö.

### *Muli ip gorosonñangö dopkeu*

<sup>6</sup> Jisösnöñ dopkeu kun kewö jiyök, “Azi kunñan muli ip kömöri nupñe kota kini miangö ölni jarumangö anökmö, kun qahö miwikñaiyök. <sup>7</sup> Qahö miwikñaiiba nup galömñangöra jiyök, ‘Mötnöñ, nöñön muli ip kiangö ölni yambu (yara) karöbutkö dop kaba jaruyalmö, kun qahö



miwikñai. Miangöra mi mönö wuanöngöra toroqeba gölmegö kelökñi önewat öröi sihitñanök akapuk. Miangöra mi mönö köla gilynöñ anma.’  
 8 Tonjan mewö jiyökmö, galömnöñ melenða jii mörök, ‘O azi kembuni, mi ölop mosötnönga yambu (yara) ki kunbuk kinma. Nöñön nalö sutñe kiangören kinonöñ gölme esiba kundupköba isonbason ala liliköbi kelökñambuk akña. 9 Nöñön mewö akiga yambu (yara) andöñe miangö ölni ölop ahubawak. Mi qahö ahuma ewö, mi ölop kölman.’” Mewö.

*Jisösnöñ Sabat kendonöñ ambi kun mem ölöwahök.*

10 Jisösnöñ Sabat kendonöñ köuluk miri kunöñ öngöba Buña keu kusum enjiyök. 11 Miangören ambi kun tarök. Ömenöñ yambu (yara) 18 miangö dop mem löwörim wanjiiga könisemñi milipköiga qötöteimangö osiba tata malök. 12 Jisösnöñ ambi mi eka oholi kaiga kewö jii mörök, “Ambi, eksekpeksek kawölgan mönö gömosöri ölöwakzan.” 13 Mewö jiba böröñi nöropñe ali miangörenök qötöteiba Anutu möpösem wanjiyök.

14 \*Möpösem wanjiyökmö, Jisösnöñ Sabat kendonöñ ambi mi mem ölöwahöhi, köuluk mirigö galömnjan mi eka miangöra möri bölii keu könahiba ambazip kambu yengöra jiyök, “Nup memegö nalö 6 ahözawi, miangören mönö kaba mem ölöwak enjimapköra jime. Mi Sabat kendonöñ qahö.”

15 Mewö jiyökmö, Kembunöñ melenða kewö jiyök, “O urumelenö silesile ambazip! Inini pakpak bulmakau aziñini me donkiñini mi Sabat

\* 13:14: Eks 20.9-10; Dut 5.13-14

kendonöŋ mireyök pösata enġuanġitketka onöŋ anda nemakze me qahö? Enġöreŋök kunöŋ mi qahö aŋgön köŋ enġimakza. <sup>16</sup> Mötket! Ambi kianjön Abrahamgö gwölönaröha aiga Satanöŋ jöhöm waŋgii yambu (yara) köröpŋi 18:gö dop maliga nöŋön kösöŋi mi Sabat kendonöŋ pösatpi dop köŋ enġiza me qahö?” <sup>17</sup> Mewö jiiga tuarenjoŋurupŋi pakpak yeŋön gamuŋini mötket aka ambazip kambu pakpak yeŋön aŋgöletot wewelipŋambuk meyöhi, mi pakpak eka möta söŋgaiget. Mewö.

### *Nejoŋ kötnaŋgö dopkeu*

*Mat 13.31-32, 34; Mak 4.30-32*

<sup>18</sup> Jisösnöŋ dopkeu kun kewö jiyök, “Anutugö bemtohoŋaŋgö könaŋi mi denöwö? Mi wanatpuk dop albilenak? <sup>19</sup> Mi nejoŋ kötnaŋgö dop kewö akza: Azi kunŋan mi memba nupŋe anda esiiga wahöta qariba ip ahök. Ip aiga könakemba neiŋi neiŋi mienön aipŋini ip miangö böröŋe alget.” Mewö.

### *Yistkö dopkeu*

*Mat 13.33*

<sup>20</sup> Jisösnöŋ dumŋe kunbuk dopkeu kun kewö jiyök, “Anutugö bemtohoŋi mi wanat yuaibuk dop albilenak? <sup>21</sup> Mi yist me flaua mem qariqarigö dop kewö akza: Ambi kunŋan ‘Beret ohomam,’ jiba yist memba flaua könde karöbut miangöreŋ mindiriba melenqelen aka anda anda tari körekŋanök qariyök.” Mewö.

### *Mönö nanġu giwikŋe jaram tiba aŋgotme.*

*Mat 7.13-14, 21-23*

<sup>22</sup> Jisösnöŋ anda taonŋi taonŋi aka miriŋi miriŋi miangöreŋ Buŋa kusum enġiba anda mala Jerusalem sitinöŋ göröken anök. <sup>23</sup> Ani kunŋan

kewö qesim wanjiyök, “Kembu, uruñini melenget Anutunöñ amöt qem enjii letotmei, mi ambazip awamdökña me denöwö?” Qesim wanji kewö jii mötket,

<sup>24</sup> “Injini mönö nanju giwikñe angotpingö jaram tiba aum-mörime. Nöñön kewö jibi mötket: Ambazip gwötpukñan Anutugö bemtohoñ uruñe angotpingö esapkömemö, mi osime. <sup>25</sup> Könanjep miri tonjan wahöta nanju köligun injini nalö mianjöreñ könahiba yaigep kinda nanjunöñ qeba kewö jime, ‘Kembu, mönö nanju öröm nenjinöñ.’ Mewö jigetka melenđa kewö jii mötme, ‘Ni qahö möt enjizal. Injini denikegöra, mi qahö mötzal.’ <sup>26</sup> Mewö jiiga injini mianjöreñök könahiba kewö jime, ‘Nenön mönö göbuk köisirik tata nene nein. Göñön mönö liliköba nenjö sombemnöñ Buña kusum nenjinöñ.’ <sup>27</sup> \*Mewö jimemö, yanön keu kewö jima, ‘Injini denikeanjöra, ni qahö möt enjizal. Mianjöra kewö jibi mötket: Bölöñi meme pakpak, injini mönö nömosöta kesalget.’

<sup>28</sup> \*\*“Kesalgetka mianjöreñ Abraham, Aisak, Jeikob aka kezapqetok ambazip pakpak yenön Anutugö bemtohoñ uruñe kingetka engekñemö, nanñini aköm enjigetka yaigep kinme. Könanjini mewö miwikñaiba sahöt gigilahöba irimñini yöhözömgögetka qetñi qeri malme. <sup>29</sup> Ambazipñi ambazipñi mi wehön kotkotñeyök aka gegeneyök aka likeplikep Not Saut mianjöreñök kaba Anutugö bemtohoñnöñ angota dum tatatñini memba nene nem söñgaip aka malme. <sup>30</sup> \*Mewö

\* **13:27:** Sum 6.8 \* **13:28:** Mat 22.13; 25.30 \* **13:28:** Mat 8.11-12 \* **13:30:** Mat 19.30; 20.16; Mak 10.31

malmemö, mötket! Qöndökñi yeñgöreñök tosatñan mutukñi akñe aka mutukñi yeñgöreñök tosatñan qöndökñi akñe.” Mewö.

*Kiñ Herodnöñ kiam soñ mianğö dop akza.*

*Mat 23.37-39*

<sup>31</sup> Nalö mianğöreñök Farisi (Köna keugö kapankölköl) tosatñan Jisösgöreñ kaba kewö jiget, “Kiñ Herodnöñ guhui kömumangö mötza. Mianğöra mönö miri ki mosöta anman.”

<sup>32</sup> Jigetka kewö melenğ engiyök, “İñini mönö arökñañğö kiam soñ mi kewö jiget mötma, ‘Mötnöñ! Nöñön merak aka uran ömewöröme enğuatañğömam aka kawöl ambazip mem ölöwak enğiba malmam. Anmami, uruwale mönö mianğöreñ añgota nupni mekömam.’

<sup>33</sup> “Kezapqetok ambazip sehisehiñi mi Jerusalem sitinöñ enğuetka kömuget. Miri tosatñe qahö toroqeba enğuet kömumakze, mianğö tandöktandök ahöza ekzal. Mianğöra nöñön merak aka uran uruwale köna anda malmam. Jerusalem añgotpiga nuñguget kömumam ewö, mönö yeñgöreñ aiakañjina mi toroqeba akñe.” Mewö.

*Jisösnöñ Jerusalem sitigöra sahörök.*

*Mat 23.37-39*

<sup>34</sup> Jisösnöñ jiyök, “O Jerusalem Jerusalem, İñini kezapqetok ambazip enğuet kömugetka Anutunöñ ambazip melaim enğii enğöreñ kamakzei, mi kötnöñ kumbuköm enğimakze. Poi namñan moröurupñi ginginñi bapñe ala köjöjohom enğimakzawi, nöñön mianğö dop nalöñi nalöñi göhö könagösöurupki suhuba tokom enğimamğö möta

malalmö, inini mi tököba mala kotket. <sup>35</sup> \*Mötket! ‘Anutunöŋ mönö jike miriŋini andö qeiga sahopŋanök ahöma.’ Mewö ahömapmö, nöŋön kewö jibi mötket, inini ni kunbuk qahö nekŋemö, könaŋep nalö kun kam kuŋgui mianŋöreŋ neka kewö jime, ‘Kembugö qetŋe kam neŋgizawi, Anutunöŋ mönö i kötuetköm waŋgima.’ Mewö.”

## 14

*Jisösnöŋ kawöl azi kun mem ölöwahök.*

<sup>1</sup> Jisösnöŋ Sabat kendon kunöŋ Farisi (Köna keugö kapaŋkölköl) yeŋgö jitŋememe kungö miriŋe öŋgöba nene neyök. Nemba tari tosatŋan galöm memba ektiget. <sup>2</sup> Mianŋöreŋ yaŋgö jemesoholŋe kawöl azi kun köna böröŋi onöŋ ölököba qarri tarök. <sup>3</sup> Jisösnöŋ i eka könahiba Köna keugö böhi aka Farisi mi qesim eŋgiba kewö jiyök, “Sabat kendonöŋ azi mem ölöwak waŋgiba mewö mianŋön Köna keu oŋgitpin me qahö?”

<sup>4</sup> Mewö jiyökmö, yeŋön göröŋ qeba tatket. Tatketka böröŋan azi mi misiriba mem ölöwaka melaii anök. <sup>5</sup> \*Ani kewö jii mötket, “Eŋgöreŋök kungöreŋ morö me bulmakau aziŋi mi Sabat kendonöŋ o lömnöŋ gema ewö, mi mönö ösumok örögetka kotma. Daŋön mi qahö öröi kotpawak?” <sup>6</sup> Mewö qesim eŋgii mianŋö likepŋi melenŋbingö lömböriba numbuŋini muhungöba bök tatket. Mewö.

*Jisösnöŋ sile mem-öŋgö-öŋgö mi qetalök.*

---

\* **13:35:** Sum 118.26; Jer 22.5      \* **14:5:** Mat 12.11

7 Farisi (Köna keugö kapañkölköl) azinöñ ambazip nenegöra köñ öröm enjyöhi, yeñön dum qaikñe eu meköba tatkeri, Jisösnöñ mi eka miangöra dopkeu kun kewö jii mötket, 8 \*<sup>8</sup>“Kunñan gi amembitkö lömbuanğoreñ köñ öröm gihii miangöreñ anda dum jegenñeyök qahö memba tatman. Mewö akñan ewö, tosatñi köñ öröm enjyöhi, yeñğoreñök kunñan gi gongita qetbuñañambuk akapuk.

9 “Yañön kañgoriga lömbuan toñan göhöreñ kaba kewö jibawak, ‘Gi dum ki mosötnöñga öngöñgöñi yañön tatma.’ Mewö jima ewö, gi mönö wahöta bapñe emu eta dum memba tata gamugi senjom-buk mötpanbuk. 10 Mewö qahöpmö, kunöñ köñ öröm gihimawi, gi ölop dum siminñe emu anda tatman. Mewö tatnöñga lömbuan toñan kota geke jima, ‘Alani, gi ölop kaba dum jegenñe eu anda tatman’. Mewö jiiga göñön ambazip göbuk tata nene nezei, mönö körek yeñgö jeñine qetbuñagabuk akñan. 11 \*<sup>11</sup>“Mi kewögöra: Nannini uruñi memba öngömei, Anutunöñ i körek memba et al enjima. Kunñan nanñi uruñi memba etmawi, Anutunöñ mönö i memba öngöba al wañgima.”

12 Farisi (Köna keugö kapañkölköl) azinöñ ambazip köñ öröm enjii lömbuanñöñ tatketka Jisösnöñ lömbuan toñi lilingöba eka kewö jii mörök, “Gi silimgö me sunğemgö lömbuan kun ohoba miangöreñ nangi alaurupki me darumunurupki mi kude köñ öröm enjiman. Tinitosolomurupki me miri kasunñagö ambazip pomñi qetbuñañinambuk mi kude köñ öröm enjiman. Mewöñi lömbuanğöra köñ

\* 14:8: Qam 25.6-7 \* 14:11: Mat 23.12; Luk 18.14

öröm enġinöni, i mewöñanök köl öröm gihiba tosagi mi meköm gihiget teköma. Mewö akñan ewö, Anutunöñ mönö mianġö töwañi qahö gihima.

<sup>13</sup> “Mewö qahöpmö, lömbuañ mözözömgöba ohomani, gi mönö ambazip etqegeñi mia köl öröm enġiman. Ambazip wanapñi, simalokon aka jegömöl akzei, mönö mia enġoholnöñga dop kölma. <sup>14</sup> Mi köl öröm enġinöñga yeñön tosa meköm gihibingö osigetka gi mianġöra simbawoñ aka malman. Tosañini mi öne ahöi malnöñga solanñi yeñön kömupnöhök wahötketka nalö mianġöreñ Anutunöñ nannak mi göhöra meköm gihima.” Mewö.

*Lömbuañ ali möndömöndö keu jiba tököget.*

*Mat 22.1-10*

<sup>15</sup> Jisösnöñ mewö jiiga nene nemba tatket yeñgöreñök kunñan mi möta kewö jii mörök, “Kunöñ Anutugö bemtohoñ uruñe anġota nene nemba tatmawi, nöñön yañgöra simbawoñ jizal.”

<sup>16</sup> Mewö jiiga kewö melenök, “Azi kunñan sunġemgö lömbuañ ketanñi mözözömgöba ohoba ambazip gwötpuk öröm enġiget kamegöra jiyök.

<sup>17</sup> Lömbuañ nalöñi kam kunġui welenqegeñi kun melaii köl öröm enġimamgö jiyöhi, yeñgöreñ anda jii mötket, ‘Yuai pakpak lök mözözömgöingä ahöza. Mianġöra mönö ölop kame.’ <sup>18</sup> Jii mötketmä, mi möta yeñön körekmakörek könahiba yuai tosatñe möndöba tököget. Mutukñan jiyök, ‘Ni arö kun söñgöronñi mealanġöra mianġöreñ anda ekñamgö mötzal. Mianön jöhöm niñgiza. Mianġöra ölop anda jinöñga möta kude möt bölim niñgima.’ <sup>19</sup> Kunñan jiyök, ‘Ni bulmakau aziñi 10 söñgöronñini meali,

mi kösönöŋ ilikŋine jöhöbi kinöŋ örögetka anda nup esapköba qeba qindipkömam. Mianön jöhöm niŋgizawaŋgöra ölop jinöŋga möta kude möt bölim niŋgima.’ <sup>20</sup> Kunŋan toroqeba kewö jiyök, ‘Ni ambi urandöpki bohonŋi mealanŋgöra kamamgö osizal.’

<sup>21</sup> “Mewö jigetka welenqeŋenöŋ liliŋgöba azi kembuŋanŋgöra buzup mi jii mörök. Möta uruŋi könöp jeiga welenqeŋeŋi kewö jim kutum waŋgiyök, ‘Gi mönö wölaŋ taongö köna namŋe aka sombemnöŋ anda ambazip etqeŋeŋi, wanapŋi, köna böröŋini titiŋgitŋi, jegömöl aka simalokon ambazip mi mönö enŋuanŋitnöŋga lömbuan miri uruŋe ki kame. <sup>22</sup> Jiyöhaŋgö dop ak teköba kaba kewö jiyök, ‘Kembuni, jim kutum niŋgizanaŋgö dop akzalmö, dum tiŋi tok ahöza.’

<sup>23</sup> “Mewö jiiga azi kembunöŋ jiyök, ‘Gi mönö könanöŋ aka rowoŋqeŋeŋine anda ambazip tat anjei, mi kapaŋ köla kuŋgum enŋinöŋga lömbuan miri uruŋe kaŋgota kokolak qeme. <sup>24</sup> Nöŋön kewö jibi mötket: Ambazip mutuk köl öröm enŋimamgö jiali, yeŋgöreŋök kunŋan kun nöŋgö lömbuanŋnöŋ qahö kaŋgota nemba nahömŋi mötma.’ ” Mewö.

### *Jisösgö gwarek malmalgö könaŋi*

#### *Mat 10.37-38*

<sup>25</sup> Jisösnöŋ ani ambazip kambu ketanŋi yeŋön wuatangöba angetka liliŋgöba kewö jii mötket, <sup>26</sup>\*“Kunŋan nömbuk kaba malmam jiba ni göragöra al niŋgiba iwinamŋi, anöm-moröŋi, darumunŋi, nenbehötŋi aka nanŋi malmalŋi mewöyök jegep ala jöpakömakzawi, yaŋön mönö nöŋgö gwarekni

---

\* **14:26:** Mat 10.37



akɲamgö osima. <sup>27</sup> \*Sisitɲini megetka kunɲan ni nuatanɲöba sihimbölo möta maripomnöɲ kömumamgö qahö jöjörömawi, yaɲön mönö nöngö gwarekni akɲamgö osima.

<sup>28</sup> “Engörenök kunɲan miri köröpɲi memamgö mötza ewö, yaɲön mönö mutuk eta tata moneɲi miri mem tekömawaɲgö dop akza me qahö, miaɲgö könaɲi kewöta ek kutuma. <sup>29</sup> Mewö qahö aka miri tandöɲi kömöta mi mem tekömamgö köhököhöiɲi qahö ahöm waɲgiiga mosöri öne kiniga ambazip pakpak mi eka könahiba jiji-ilit jiba mepaik waɲgibepuk. <sup>30</sup> Mewö ak waɲgiba kewö jibepuk, ‘Azi mi könahiba miriɲi meyökmö, mi mem tekömamgö qahö köhöiyök.’ Miaɲgö dop Jisös wuatanaɲoman me qahö, mi törörök kewöta möt kutuman.” Mewö

<sup>31</sup> Jisösnöɲ keu mi toroqeba kewö jiyök, “Mewöyök kiɲ azi kembu kunɲan kiɲ kunbuk arönda ‘Bim qemam,’ jiba denöwö akɲa? Yaɲön zilaɲök kerök qahö al waɲgimapmö, mutuk jembonurupɲi öröm tokom engii tata qambaɲ keu kewö eraum mötme, ‘Nanine aziurupnini 10.000 maljin aiga likepɲe kerökurupnini mi 20.000 malje. Azi kembuɲinan i enguanaɲgita kaget engeka ölop köhöiba engubin me qahöpto?’ <sup>32</sup> ‘Qahö köhöibin,’ jime ewö, yaɲön kerök kiɲnöɲ köröwen tariga miaɲgörenök jitɲememeurupɲi melaim engii yaɲgören anda luai qebingö goro eraum mötme. <sup>33</sup> Mewöyök engörenök kunɲan yuai pakpak ahöm waɲgizawi, mi jegep almawaɲön mönö nöngö gwarekni akɲamgö osima. Miaɲgöra mönö nia

---

\* **14:27:** Mat 10:38; 16:24; Mak 8:34; Luk 9:23

jegep al niŋgigetka dop kölma.” Mewö.

*Howe nahömŋi qahö mi yuaia omanj kötökŋi.*

*Mat 5.13; Mak 9.50*

<sup>34</sup> “Howe mi ölopŋi akzapmö, sihimŋi mosötma ewö, mi mönö denöwö möhamgöinga kunbuk sihimŋambuk akawak? <sup>35</sup> Nesak omanj mi gölme kelökŋambuk akŋapköra tokoba isonbason alakzinmö, howe nahömŋi qahö mi yuai kungöra qahö dop kölma. Qahö! Mi mönö önewat gölmenöŋ gilinga geba öne töhöntöhön ahöma. (Gi mewöŋanök nöŋgö gwarekni aka kembraŋe kutuba nömosötman ewö, mönö yuai omanj akŋan.) Kunŋan kezapŋambuknöŋ malja ewö, yaŋön mönö keu mi möt kutuma.” Mewö.

## 15

*Lamanöŋ sohöyök, mianjö dopkeu*

*Mat 18.12-14*

<sup>1</sup> \*Takis tilipqilip aka megeri aka siŋgisöndok ambazip tosatŋi mi jesöŋgöŋan Jisösgö Buŋaŋi mötpingö kaget. <sup>2</sup> Mewö kagetmö, Farisi aka Köna keugö böhi yeŋön Jisösgöra uruŋinan böliiga irikuruk keu kewö jiget, “Azi mianjön siŋgisöndok ambazip eŋgimemba yembuk tata nene neza.” <sup>3</sup> Mewö jigeranöra Jisösnöŋ dopkeu kun kewö jii mötket,

<sup>4</sup> “Eŋgöreŋök kungö lamaaurupŋi 100 malgetka mienjöreŋök kunŋan sohoba janjuŋ aniga toŋan denöwö akŋa? Yaŋön mönö 99 mi gölme qararanökölkölŋe eŋgömosöta anda mohot janjuŋ anöhi, mianjö jaruba anda mala miwikŋaiiga teköma. <sup>5</sup> Miwikŋaiba urusösöŋgai aka awötŋe ala

\* **15:1:** Luk 5.29-30

kama. <sup>6</sup> Mire kaba alaurupņi aka tosatņi kōsutņe malmei, mi eņgoholi tokogetka kewō jii mōtme, ‘Lamani sohojōhi, mi lōk miwikņaižalaņģōra mōnō nōmbuk sōsōņgai akin’ <sup>7</sup> Nōņōn kewō jibi mōtme: Mianģō dop siņģisōndok azi mohotņan uruņi melenņmawi, yaņģōra Suep mire sōsōņgai ketanņi asuhuma. Ambazip 99 nanņine jeņine solanņi diņdiņi aka uruņini melenņbingō qahō mōta maljei, yeņģōra sōsōņgai mewōņi qahō asuhuma.” Mewō.

*Moneņ kōtņi sohojōk, mianģō dopkeu*

<sup>8</sup> “Mewōyōk ambi kunņan silwō moneņ kōtņi  
<sup>10</sup> memba maliga mienģōreņōk mohokņan  
geba sohoiga denōwō akņa? Yaņōn mōnō kiwa  
ohotiriba kapan kōla miri usuņda jaruma. Jaruba  
mala miwikņaiiģa tekōma. <sup>9</sup> Mi miwikņaiģa ambi  
alaurupņi aka ambi tosatņi kōsutņe maljei, mi  
eņgoholi tokogetka kewō jii mōtme, ‘Nōņģōreņ  
soujeņi mohotņan sohojōhi, mi miwikņaižalaņģōra  
mōnō nōmbuk sōsōņgai aki.’ <sup>10</sup> Mianģō dop nōņōn  
kewō jibi mōtme: Siņģisōndok ambazip kunņan  
uruņi melenņniga Anutugō garataurupņi yeņōn  
mianģōra sōsōņgai ōņģōņģōņi akņe.” Mewō.

*Nanņi imbi-imbi azinōģ kumkanjam aka imbiņi melenņōk.*

<sup>11</sup> Jisōsnōģ toroģeba kewō jiyōk, “Azi kungō  
nahōnyahōtņi yahōt malohot. <sup>12</sup> Munņan  
iwiņaņģōra kewō jiyōk, ‘Iwini, gi mōnō moneņ  
sukinapki mendeņda nōņģō bahōņi niņģiman.’  
Mewō jiiģa ōrōyuaiņi pakpak dopņire mendeņda  
etkiyōk. <sup>13</sup> Mi etkiģa nahōnņi morōģan  
sōmaņi yahōt karōbut mala inap yuaiņi pakpak  
mi kōlōlohoba memba kantri kungen anōk.

Miaŋgöreŋ anda nanŋi imbi-imbi aka kõna ketanŋi ambi yembuk kiam bau ewö söŋaup malmal mala moneŋ inapŋi gil teköyök.

<sup>14</sup> “Yuai pampak gil teköiga bödi (buörö) ketanŋi asuhaba gölme pampak mi dop kölök. Yanŋön nalö miaŋgöreŋ kõnahiba öngöpŋi aka osiyök. <sup>15</sup> Osiba kantri miaŋgö toŋi kungöreŋ anda nupköra qesim waŋgiiga melaii yanŋö bau selŋe geba bau galömŋina malök. <sup>16</sup> Miaŋgöreŋ mali bau yeŋön sokop kötŋi neget eka ‘Ölöp mi nembu gölömni dop kölbawak,’ jiyökmö, mi mewöyök kunŋan qahö waŋgiyök.

<sup>17</sup> “Mewö mala uruŋi ahuiga kewö jiyök, ‘Iwinanŋö nup ambazip wanat awamŋi yeŋön nup megetka söŋöröŋi enŋii nene nem timbireŋ aka maljemö, nöŋön kianŋöreŋ uzukörörap aka bödi mala kömumangö akzal. <sup>18</sup> Ni mönö wahöta iwinanŋöreŋ lilingöba anda kewö jibi mötma, ‘Iwini, ni siŋgisöndok memba miaŋön gi aka Suep Toŋi qetal etkiba qetki mem böliäl. <sup>19</sup> Miaŋgöra göŋön kunbuk nöŋgöra ‘Nahöni,’ jimananŋö dop qahö akzal. Gi ölöp jinöŋga welenqegega kun akŋam.’

<sup>20</sup> “Mewö jiba wahöta iwinanŋöreŋ anök. Anda mala miri dopdowii iwinan tikep endu kinda ehi kaiga wösöŋi pöröraköiga ehoriba ösumŋan diŋdiŋgöba anda imbiŋe gili geiga numbuŋi yöhötim nembu ‘Nahöni, owe owe!’ jiyök. <sup>21</sup> Mewö ahökmö, nahönŋan jiyök, ‘Iwini, ni siŋgisöndok memba miaŋön gi aka Suep Toŋi qetal etkiba qetki mem böliäl. Miaŋgöra göŋön kunbuk nöŋgöra ‘Nahöni,’ jimananŋö dop qahö akzal.’

22 “Mewö jii iwiŋan mianğöreŋök welenqe-  
 qeurupŋi kewö jii mötket, ‘İjini mönö ösumok  
 maluku aködamunŋambuk kun memba kaba löngöt  
 waŋgiŋet. İla jalö imbiŋe köla meŋölöm waŋgiba  
 köna esu könaŋe löngöt waŋgiŋet. 23 Mewöyök  
 selnöŋ anda bulmakau dömnji kelökŋambuk kun  
 memba kaba qeba ohogetka nemba sösöŋgai  
 albin. 24 Nahöni ki kömum taköyöhaŋön mönö  
 kunbuk guliba kaza. Yaŋön lök sohoigun  
 Anutunöŋ kunbuk miwikŋaiiga asuhum tiŋgitza.’  
 Mewö jiiga könahiba sösöŋgai alget.

25 “Sösöŋgai algetmö, datŋan nupnöŋ mala  
 lilingöba miri dopdowiba mianğöreŋ liŋet gwawet  
 köla unduba söŋgaigeri, mianğö kourukŋi mörök.  
 26 Mi möta welen morö kun qeri kaiga ‘Mi  
 denöwögöra akze?’ jiba qesim waŋgiyök. 27 Qesim  
 waŋgiiga kewö jiyök, ‘Mungan lilingöba kaiga  
 iwiŋan i kunbuk meiga unditundit aiga mianğöra  
 jiiga bulmakau dömnji kelökŋambuk qeba ohoba  
 söŋgaize.’

28 “Mewö jiiga irimŋi seholiiga mire öŋgömangö  
 tököyök. Tököyökmö, iwiŋan mi möta yaigep  
 eta uruluai keu ösöŋ jiba mölöwörim waŋgiyök.  
 29 Mölöwörim waŋgiyökmö, yaŋön melenđa kewö  
 jiyök, ‘İwini, nöŋön yambu gwötpuk welengi qeba  
 mala jimkutukutugi nalö kunöŋ qahö oŋgita  
 malalmö, töndup göŋön nalö kunöŋ meme (nonin)  
 moröŋi kun alaurupni yembuk sösöŋgai albingöra  
 qahö niŋginöŋ. 30 Qahö niŋginöŋmö, nahöŋgi  
 kianön köna ketanji ambi yembuk mala monen  
 inapki ayuhuba kaŋgoriga göŋön mönö yaŋgöra  
 aka jinöŋga bulmakau dömnji kelökŋambuk qeba

ohoze.’

<sup>31</sup> “Jiiga iwiŋan kewö jii mörök, ‘Nahöni, gi nalö dop nanambuk malakzan. Miangöra nani buŋani pakpak mi mönö göhö buŋaya mohok akza. <sup>32</sup> Mohok akzapmö, mungi kianön kömum taköyöhaŋön kunbuk guliba kaza. Yaŋön lök sohoiga Anutunöŋ kunbuk miwikŋaiiga asuhum tiŋgitza. Miangöra dölki nene sösöŋgai alinga dop kölja.’” Mewö.

## 16

### *Sukinap galöm tilipqilipŋambukö dopkeu*

<sup>1</sup> Jisösnöŋ gwarekurupŋi keu kun kewö jii mötket, “Azi pomŋi kungö sukinap galömŋi kun malök. Tosatŋan kaba azi pomŋi mi luasö keu jiget mörök, ‘Yaŋön göhöreŋ moneŋ inapki köndenŋa laŋ gila malja.’ <sup>2</sup> Mi möta galöm mi jii kaiga jim waŋgiyök, ‘Ni göhöra buŋa bölöŋi jiget mötzal. Gi nöŋgö miri aka sukinapni kunbuk galöm kölmananŋö dop qahö akzan. Miangöra mi denöwö galöm köla malnöŋ, miangö löpötŋi jim asarim niŋgiman.’ <sup>3</sup> Mewö jiiga uruŋan kewö mötmöriyök, ‘Miri toŋan galömkölköl nupni noanŋiri denöwö akŋamto? Ösumni qahö dop köljawanŋöra gölme esimangö osizal aka ulet azi malmangö gamuni mötzal. <sup>4</sup> Yaŋön galömkölköl nupni noanŋitmawi, nöŋön nalö miangöreŋ denöwö akiga tosatŋan miriŋine köl öröba köyan köl niŋgibeak? Aha! Köna kun mötmörizal.’

<sup>5</sup> “Mewö jiba ambazip toŋan tosa al enŋiyöhi, mi pakpak nanŋik nanŋik öröm enŋiiga kaget. Mutukŋan kaiga yanŋöra kewö jiyök, ‘Tonanŋöreŋ tosa göhöreŋ dawik ahöza?’ <sup>6</sup> Mewö qesiiga jiyök, ‘Oil

dram 100 meal.' Mewö jiiga kewö melenök, 'Gi tosa papiagi memba ki tata ösumok uteköba 50 ohonönga ahöma.' <sup>7</sup> Mewö jiba azi kun qesim wanjiyök, 'Aka gi? Göhöreñ tosa dawik ahöza?' Qesiiga kewö jiyök, 'Wit flaua mi 21.000 kilogram meal.' Mewö jiiga jiyök, 'Gi tosa papiagi memba miangöreñ 16.800 kilogram mewö ohonönga ahöma'.

<sup>8</sup> "Mewö aiga miri toñan möta jim-ölöwak keu kewö jiyök, 'Galömnan tilipqilip qakñe yuai ahöhi, mi mötkutukutu ölöñji kondelja.' " Kembu Jisösnöñ kösohot mewö jiba toroqeba jiyök, "Söñaupkö ahakmeme wuatangömakzei, yeñgö mötkutukutuñini mi ambazip tosatñi merak maljei, mi tilipqilip ak engimeañgö dop ahözapmö, Anutugö asakñe maljei, yeñgö mötkutukutuñini mi miangö bapñe akza.

<sup>9</sup> "Miangöra kewö jibi mötket: Tosatñan gölmegö moneñ inapnöñ ambazip tilipköm engimakzemö, eñön mönö miangön memba alaurup miwikñaim engime. Mi miwikñaim engigetka gölmegö yuainöñ qahöwakñawi, Anutunöñ mönö nalö miangöreñ köl öröm engiiga malmal köhöikñi mire angota teteköñi qahö malme.

<sup>10</sup> "Kunñan yuai morörökñi memba kapañ köla törörök galöm kölñawi, yañön mönö yuai ketañi mewöyök törörök galöm kölma. Kunñan yuai morörökñi galöm köla kitik-katuk akzawi, yañön mönö yuai ketañi mi mewöyök galöm kölmapkö jiinga kitik-katuk akña. <sup>11</sup> Gölmegö moneñ inapñi böröñine algetka mi pöndañ qahö galöm kölgetka ölni qahö asuhuyök ewö, kunñan mönö yuai bunañi öngöñgöñi ölni mi böröñine qahö alma.

12 Injini tosatnji yengörej yuai mi pöndañ qahö galöm kölgetka ölnji qahö asuhuyök ewö, nanjnini uruñinañgö buña ölnji mi dañön kun engibawak?

13 \**“Welenqeçe kunñan kembu yahöt welen qem etkimamgö osimakza. Kunñan mewö akñamgö mötzawi, yañön mönö kun kazik ak wañgiba kun uruñan jöpaköma. Kungörej qekötahöba kun jijiwilit ak wañgima. Mianğöra eñön Anutu aka monerñ inap mi mindiriba welen qem etkibingö osime.”* Mewö.

*Moneñgö urukönöp akepukö goro keu  
Mat 11.12-13; 5.31-32; Mak 10.11-12*

14 Farisi (Köna keugö kapañkölköl) yeñön monerñgö nahöm gwötpuk ahöm engii malgerañgöra Jisösnöñ keu pampak mi jiyöhi, mi möta je misiba ilit wañgiget. <sup>15</sup> Iilit wañgigetka kewö jii mötket, “Farisi eñön mönö ambazip jeñine solañji tandök kondel engibingö könöpuk ahakzemö, Anutunöñ uruñinañgö könañji möt kutum teköza. Ambazip jeñine yuai kungöra mötketka öngöñgöñi akzawi, mi Anutunöñ ehi imbilonñambuk ahakza.

16 \**“Bemtohonğö könañji mi Mosesğörej Köna keunöñ aka kezapqetok ambazip yeñgö Buzup Kimbiñine ohogetka oyoñda mala koringa Jonöñ asuhuba ölnji aukñe indelök. Nalö mianğörejök könahiba keu mi jim sehiba Anutugö bemtohone angotmegöra ambazip uruñini kuñgumakzin. Ambazip körekñan mönö jaram tiba kapañ köla bemtohonñ mianğö uruñe angotpingö ahakze.* <sup>17</sup> \*Suep

---

\* **16:13:** Mat 6.24    \* **16:16:** Mat 11.12-13    \* **16:17:** Mat 5.18



gölmenöŋ göröŋ qemahotkö dop akzahotmö, Köna keugö kulem jönbölanŋi mohok-kun mi nalö kungen qahö kötökŋi ayapköma. Mewö.

18 \**“Azi kunŋan anömŋi mosöta ambi kun memawi, yaŋön mönö qesabulum akŋa. Azi kunŋan ambi apŋan mosöröhi, mi memawaŋön mönö mewöyök qesabulum akŋa.”* Mewö.

*Azi pomŋi aka Lazarus*

19 *“Azi pomŋi kun malök. Yaŋön opo maluku gugakgugak pisikŋi aködamunŋambuk löngöta mala nalö dop nene söŋgaip aka siyoŋsayoŋi qahö malök.*

20 *Mewö malökmö, yaŋö miri naŋguni kösutŋe azi wanapŋi kun qetŋi Lazarus ahöba malök. Uzi nömböŋnöŋ silenŋi dop köla tarök. 21 Wösöŋi aliga gwarönöŋ ahöba azi pomŋaŋö tebolnöhök nene irip boromŋi eri mia nemamgö mörök. Möta ahöiga kiam yeŋön kaŋgota uzi nömböŋi bözöba malget.*

22 *“Mewö mala wanapŋi yaŋön kömuyök. Kömui Suep garata yeŋön waŋgita öŋgöba Abrahamgö qöhöröŋe alget tarök. Azi pomŋi yaŋön mewöŋanök kömuiga löm kölget. 23 Löm kölgetka kömupkö senjom mire geiga jem sölöŋgöi sihimbölö ketanŋi möta ui öŋgöiga Lazarus Abrahamgö qöhöröŋe köröwen endu tari etkehök.*

24 *Etkeka silata qeta jiyök, ‘O iwini Abraham, mönö wösögi möt niŋgiman. Ni könöp bölamnöŋ nohoi kiaŋgöreŋ wahöjalin öŋgöŋöŋi möta kinjal. Miaŋgöra mönö Lazarus melainöŋ anda kesöt suŋan onöŋ kusahöla kaba nesilamne mirii amörima.’*

---

\* **16:18:** Mat 5.32; 1 Kor 7.10-11

25 “Mewö jiyökmö, Abrahamnön melenök, ‘Nahöni, mönö ki mötmörinön anök. Göñön gölmenön malmal sösongainambuk lök malnön teköyökmö, Lazarusnön gölmenön malmalni qemjem-mamjen aka malök. Mewö malökmö, nalö kewöne urukölalep ak wanğiinga tatzapmö, göñön sihimbölö möta wahöjalin qakne kinjan.

26 Mewö maljin aiga toroqeba kewö jizal: Anutunön nini aka injini sutnine mendenä jabö al köhöii ahöza. Miangöra tosatjan jabö qösököba nengörenök engören kanğotpingö mötpeak, mi mönö osime. Mewöyök likep endu maljei, enön mewöyök nengören yuhu kanğotpingö qaköme.’ 27 Mewö jiiga kewö jiyök, ‘Iwini, mewö aiga kewö ulet gihizal: Göñön mönö Lazarus melainönga iwinangö mire anma. 28 Miri miangören darumunurupni 5 maljei, yeñön mewöñanök senjom miri kianğören eta sihimbölö ketanji mötpepek. Miangöra mönö jinönga anda kezapqetok keu jii mötme.’

29 “Mewö ulerökmö, Abrahamnön jiyök, ‘Qahö! Mosesgö Köna keu aka kezapqetok ambazip yengören Buzup Kimbi mi yengö bunaya ahöza. Keu mia mönö kezap ala mötme!’ 30 Mewö jiiga kewö jiyök, ‘O iwi Abraham, mewö qahöpmö, kömukömuñi nengörenök kunjan yengören anbawak, mewö mönö uruñini melenbeak.’ 31 Jiiga Abrahamnön kewö jii mörök, ‘Yeñön Moses aka kezapqetok ambazip yengö keugöra kezap qahö alje ewö, mewöñanök kömukömuñi nengörenök kunjan wahöta keu jibawak, yeñön mönö töndup Anutu qahö möt narim wanğibeak.’ ” Mewö.

## 17

*Singisöndokö kölgorom mönö qetal engime.*

*Mat 18.6-7, 21-22; Mak 9.42*

<sup>1</sup> Jisösnöŋ gwarekurupŋi keu kewö jii mötket, “Bölönangö supatitikŋan mönö awamŋanök asuhumakza. Kunöŋ supatitik angön kölmamgö osimakzapmö, kun danön tosatŋi kölgorom ak engiiga singisöndok akŋei, yangöra mönö wölkiköba ‘Yei!’ jizal. Sihimbölö öngöngöŋan mönö yangö qakŋe öngöma. <sup>2</sup> Yanön ambazip moröŋi yeŋgöreŋök kun kölgorom ak waŋgiiga singisöndok akŋawi, azi mi-aŋön mönö lömböt öngöngöŋi miwikŋaima. Anutunöŋ lömböt miangö likepŋi denöwö waŋgiiga dopŋe akawak? Kemuŋ jamönŋiŋ jölŋe jöhöba köwet röndumnöŋ gilget mulungöi gebawak, mi-aŋön mönö awamŋi ahum waŋgi tandök akawak.

<sup>3</sup> \**“Miangöra mönö nannini galömŋini mem anguba malme. Alagi kunŋan singisöndok akzawi, i mönö jim mindiŋ ak waŋgiman. Jim mindiŋ ak waŋginöŋga möt bölim anguba wösöŋi mötma ewö, gi mönö singisöndokŋi mosöt waŋgiman.*

<sup>4</sup> Wehön kungö uruŋe singisöndok 7 ak bölim gihiba indimŋi 7 göhöreŋ lilingöba kewö jima, ‘Alani, ni singisöndok akzalaŋgöra möt bölim anguzal.’ Mewö jima ewö, gi mönö singisöndokŋi mosöt waŋgiman.” Mewö.

*Mötnaripkö ölni mi kukösumŋambuk.*

*Mat 17.20; 21.21; Mak 11.23*

<sup>5</sup> Aposol yeŋön Kembugöra jiget, “Mötnaripnini mönö toroqeba mem köhöiman.” <sup>6</sup> Mewö jigetka Kembunöŋ melenök, “Mötnariŋinangö ölni mi

---

\* **17:3:** Mat 18.15

nejon kötņangö dop ahöbawak ewö, enön ölop nömözüp ip\* kiangöra kewö jim kutubeak, ‘Gi mönö jöla jalögabuk wahöta luhuba köwetnön geba nangi kömöta kinman.’ Mewö jiba möt narigetka ip mianjön mönö keuņini tem kölma.” Mewö.

*Welenqeqe ölopņi mi denöwö?*

7 “Enğöreņök kungö nup azinön bulmakau memba nupnön anda kinön öroi gölme mesiņma me lama galömņina malma. Mala mire kaņgori mianğöreņ toņan kewö jii mötma me qahöpto, ‘Gi mönö mire kota tata nenegi neman.’<sup>8</sup> Mewö qahö! Yaņön mönö kewö jima: ‘Gi mönö o ariba möhamgöm aņguba suņgemgö neneņamni ohoba ala niņginön neman. Mianğö andöņe nangi neneņangi ohom neman.’<sup>9</sup> Mewö jim kutum waņgiiga nup aziņan jiyöhaņgö dop nupņi mem teköi dop kölīga galömņan mianğöra möpöseim waņgima me qahö? Qahö!<sup>10</sup> Enğö könaņini mi mewöņanök ahöza. Galömņinan yuai pakpak jim kutum enğiyöhi, iņini mi ak teköba mianğöreņ kewö jime, ‘Nini nup ambazip töhöna maljin. Galömņinan yuaigöra jiyöhi, mönö miyök memba kazinaņgöra möpömöpösei jarubingö osizin.’” Mewö.

*Jisösnöņ azi 10 silenini mem solaniyök.*

<sup>11</sup> Jisösnöņ Jerusalem sitinön anmamğöra Galili aka Samaria prowins yahöt mietkö sutņire köna ahöyöhi, mianğöreņ anök. <sup>12</sup> Könanön anda miri kunön aņgoriga azi 10 silenini uzikukuņambuk

---

\* **17:6:** Jisösnöņ mulberi ip kun kondelök. Ip mi nömözüp ewöya, kötņi köuruk (köwörörök) kötņi ewö neneņa.

yeñon miwikñaiba eka tikep endu kinget. <sup>13</sup> Kinda köhöikñanök qeta jiget, “Ketanamnini Jisös, mönönengöra ak kömum gihima!”

<sup>14</sup> \*Qeta jigetka engeka kewö jii mötket, “Inini mönön jike nup galöm yengören anda silenini kondel engime.” Mewö jiiga tem köla könanön angetka sileninan miangören solaniba ölöwahök.

<sup>15</sup> Ölöwahökmö, 10 yengörenök kunñan silenii eka lilingöba kaba Anutu köhöikñanök qeta möpöseiyök. <sup>16</sup> Möpöseiba Jisösgö könañe geba sipköba simin köla ‘Saiwap!’ jiyök. Azi mi Samaria azia. Juda yeñon Samaria prowinsgö ambazip yengöra mötketka eretñi ahakzapma.

<sup>17</sup> Saiwap! jiiga Jisösnön melenja jiyök, “Mi ölop akzanmö, azi pakpak 10 engö sileninan lök solanim teköyök me? Azi 9 mienön mönön denike malje?”

<sup>18</sup> Kian azi göñon nangik lilingöba kaba Anutu möpöseizanmö, azi 9 yeñon mönön anda nönöñgan akze.” <sup>19</sup> Mewö jiba kewö jii mörök, “Mötnaripkan mönön mem ölöwak gihiza. Miangöra ölop wahöta anman.” Mewö.

### *Anutugö bemtohoñi mi denöwö asuhuma?*

#### *Mat 24.23-28, 37-41*

<sup>20</sup> Farisi (Köna keugö kapañkölköl) yeñon Jisös kewö qesim wangiba jiget, “Anutugö bemtohoñ mi mönön wanat nalönön asuhuma?” Jiget möta melenja kewö jiyök, “Anutugö bemtohoñan mönön jeninan ekinangö dop qahö asuhuma. <sup>21</sup> Mötket! Anutugö bemtohoñi mi sutñine uruñine asuhuba ahöza. Miangöra mi kiangören me enduyangören ahözawi, mewö jibingö osimakzin.”

---

\* **17:14:** Lew 14.1-32

22 Jisösnöŋ gwarekurupŋi kewö jii mötket, “Könaŋgep nalö kun kam kuŋgumawi, miangöreŋ Suep gölmegö azi ölnaŋgö nup meme wehönni miengöreŋök kun ekingö ak engimapmö, mi kunbuk ekingö osime. 23 Nalö miangöreŋ kewö jiget mötme, ‘Mötket! Amötqece Toŋan mönö endu malja. Mötket! Mönö ki asuhuza.’ Mewö mewö jigetka i ekingöra miangöreŋ ösumok kude luluhuba anme. 24 Mi kewögöra: Suep gölmegö azi ölnan kunbuk kamawi, nalö mi wölbilikö dop kewö akŋa: Mi suep likepŋeyök zilaŋ biliksik ala asariba likepŋe dop köla anjawi, yaŋön mönö miangö dop asuhuma. 25 Könaŋgep mewö asuhumapmö, mutuk ambazip nalö kewöŋe gölmenöŋ maljei, yeŋön azi mi yaköriba andö qem waŋgigetka sihimbölo ketanji mötma.

26 \**“Mönöwök Noagö nalöŋe ambazipnöŋ malmalŋini qemasolokep qakŋe mala ayuhugerü, miangö dop mönö Suep gölmegö azi ölnan kunbuk kamawaŋgö nalöŋe mewöyök asuhuma. 27\*Noagö nalöŋe nene lömbuan ala o köhöikŋi namba ambi kenam bohonnaŋgö alget anda kaiga aŋgömeget. Ahakmeme mewö aka memba qemasolokep malgetka Noanöŋ waŋge uruŋe öngöyöhi, silim miangöreŋ teköyök. Teköiga o göulu ketanjan kaba ambazip jinonŋi qahö löm köl engii o nemulahöba kömuget.*

28 \**“Lotkö nalöŋe mewöyök qemasolokep malgetka mewöŋanök asuhuyök. Ambazipnöŋ nene lömbuan ala o jawat namba nup köl kömöta jike*

---

\* **17:26:** Jen 6.5-8      \* **17:27:** Jen 7.6-24      \* **17:28:** Jen 18.20-19.25

miriṅini memba qeköm nembu ala yuai bohonṅi memegöra algetka yuai tosati bohonṅi memba malget. <sup>29</sup> Mewö aka memba malgetmö, Lotnön Sodom miri mosöta aniga wehön miangörenök könöp aka köt sömsöm könöpṅambuk mi mönö kie ewö suepnöhök eta ambazip jinonṅi qahö enḡohoi kömuget. <sup>30</sup> Könaṅgep Suep gölmegö azi ölnan kunbuk asuhumawi, nalö miangören ambazipnön mewöṅanök qemasolokep aka mala ayuhume.

<sup>31</sup> “Silim miangören sombemnön malmawanön mönö inap yuaiṅi memangöra miri uruṅe kude öṅgöma me nupnön anda malmawanön mönö mewöṅanök miriṅe kude lilingöba kama. <sup>32</sup> Lot anömṅan melenḡa andöṅe uba kömumba köt ahöhi, mönö mi mötmörime. <sup>33</sup> \*Kunṅan malmalṅi siyonsayonṅi qahö nanṅaṅgöra anḡön köla nanṅi imbi-imbi malmangö mötzawi, yanḡö malmalṅan mönö sohomapmö, kunṅan malmalṅi nöṅgöra aka köleṅniga sohomawi, yanḡön mönö malmal ölnanḡö könaṅi miwikṅaiba oyaenḡoyaen malma.

<sup>34</sup> “Nönön kewö jibi mötket: Sunḡem miangören azi yahöt dumnön mohotṅe ahöyohotka yetkörenök kun wanḡita kun mosötme. <sup>35</sup> Mewöyök ambi yahöt mi mohotṅe tawenṅ urasiba (bunahöba) tatmahori, yetkörenök kun wanḡita kun mosötme.” <sup>36</sup> (Azi yahöt nupnön malohotka yetkörenök kun wanḡita kun mosötme.)

<sup>37</sup> Jisösnön mewö jiiga gwarekurupṅan melenḡa jiget, “O Kembu, mi denikeanḡören asuhuma?” Mewö jigetka kewö jii mötket, “Sömbup gisakṅan kungen göröken ahömawi, manu köraraknön mönö

\* **17:33:** Mat 10.39; 16.25; Mak 8.25; Luk 9.24; Jon 12.25

mianğoreŋ öröba tokomakzei, mönö mianğö dop asuhuma.” Mewö.

## 18

*Malönöŋ kapaŋ köla uleriga azi ketanjan bauköyök.*

<sup>1</sup> “Inini mönö nalö dop Anutu köuluköba qe-malokolip qahö aka malme.” Jisösnöŋ mewö jiba mianğö dopkeuŋi kewö jii mötket, <sup>2</sup> “Taon kunöŋ keu jimtekötekö azi kun malök. Yaŋön ambazip yeŋgö keugöra gamuŋi qahö möta nanŋi imbi-imbimala Anutugö jitŋi oŋgitpilenbuköra keŋgötŋi qahö mörök. <sup>3</sup> Taon mianğoreŋ malö ambi kun malök. Yaŋön sundan dop keu jimtekötekö azi mianğoreŋ anda kewö jiba malök, ‘Kunjan nömbuk aŋgururuk akzawaŋgöra göŋön ölop bauköm niŋgibanak.’

<sup>4</sup> “Mewö jiiga nalö köröpŋi mi möta andö qeba malökmö, könaŋgep uruŋan kewö jiyök, ‘Nöŋön ambazip yeŋgö keugöra gamuni qahö möta nani imbi-imbimala Anutugö jitŋi oŋgitpilenbuköra keŋgötŋi qahö mötzal. <sup>5</sup> Mewö maljalmö, malö kianŋön mönö keu söksök pöndaŋ jim niŋgiba kamakzawaŋgöra ölan nöhöiga ölop bauköm waŋgibiga keuŋi teköma. Qahö bauköm waŋgibileŋak ewö, yaŋön mönö qösösök kaiga qeriqerini mötpilenbuk.’ ”

<sup>6</sup> Kembunöŋ kösohot mi mem teköba jiyök, “Jimtekötekö azi goŋgoŋan keu jiyöhi, mönö mianğöra kezap ala könaŋi mötmoriget. <sup>7</sup> Anutunöŋ ambazip nanŋaŋgöra möwölöhöm eŋgiyöhi, yeŋön suŋgem asak bauköm eŋgimapköra köulukögetka Anutunöŋ mönö yeŋgö keuŋini kewöta jim teköi ölöwakŋe. Bauköm eŋgimamgö jiba taŋqaŋ qahö



aka nalö qahö könjörari öngöma. Mi qahöpmahöp!  
 8 Nöñön kewö jibi mötket: Anutunöñ mönö  
 nalö kude köriiga keuñini kewöta jim teköi  
 ölöwakñe. Wölañ bauköm engimakzapmö, mi töndup  
 Suep gölmegö azi ölnan lilingöba kaba ambazip  
 kewöt engimawi, nalö miangören mötnarip ölni  
 miwikñaima me qahöpto?” Mewö.

*Farisi aka takis meme yetkö köulukñiri*

9 Ambazip tosatñan nanñinañgö mötket öngöiga  
 solanñi diñdiñi akzin jiba tosatñi mötketka eretñi  
 ahök. Jisösnöñ i engeka dopkeu kun kewö jii  
 mötket, 10 “Azi yahötñan jöwöwöl jikenöñ öngöba  
 köuluköyohot. Kunöñ Farisi aka kunñan takis  
 meme azia.

11 “Farisi (Köna keugö kapañkölköl) yañön kinda  
 nanñök kewö köuluköyök, ‘O Anutu, ambazip  
 tosatñan uruñini gonggiiga kalöpmalöp aka sero  
 yongorö ahakze, ni yeñgö dop qahö maljal  
 me takis meme endu kinjawi, ni yañgö dop  
 mewöyök qahö maljal. Miangöra saiwap jim  
 gihizal. 12 Nöñön sonda dop sömañi yahöt nenegö  
 sinji malakzal. Nöñön moneñ inapni pakpak  
 mendenja 10:nöhök mohok Anutugö buñaya  
 qemakzal.’

13 “Mewö köuluköyökmö, takis meme yañön  
 wañgömñi kunöñ kinda Suepnöñ eu umangö  
 gamuñi möta böröñan jeñi esuhuba kewö  
 köuluköyök, ‘O Anutu, singisöndok azi ni mönö  
 ak kömum niñgiman.’ 14 \*Nöñön kewö jibi mötme:  
 Yañön mönö Anutugö jeñe solaniba miriñe  
 lilingöyökmö, Farisi (Köna keugö kapañkölköl)

\* 18:14: Mat 23.12; Luk 14.11

yañön mewö qahö. Denike yeñön nanñini uruñini memba öngömei, Anutunöñ mönö i körek memba et al enjimapmö, kunñan nanñi uruñi memba etmawi, Anutunöñ mönö i memba öngöba al wañgima.” Mewö.

*Jisösnöñ nahönbörat kötuetköm enjgiyök.*

*Mat 19.13-15; Mak 10.13-16*

<sup>15</sup> Ambazip tosatñan nahönbörat morömorö mewöyök enjuañgita Jisösnöñ böröñan enjimisirimapkörä yañgöreñ kaget. Kagetmö, gwarek yeñön mi eka jim qetal ak enjiget. <sup>16</sup> Mewö aketmö, Jisösnöñ nahönbörat mi köl öröm enjii kagetka kewö jiyök, “Nahönbörat moröñi mi ölop enjömosötketka nöñgöreñ kame. Anutunöñ ambazip mewö mia bemtohoñi buña qem enjima. Mianğöra i kude jöhöm enjime. <sup>17</sup> Nöñön keu ölni kun kewö jibi mötme: Kunñan Anutugö bemtohoñi mi nahönbörat ewö buña qahö qem añgumawi, yañön mönö mianğö uruñe añgotmamgö osima.” Mewö.

*Jisösnöñ azi pomñi kungö qambañ keu jiyök.*

*Mat 19.16-30; Mak 10.17-31*

<sup>18</sup> Galömkölköl azi kunñan Jisösgöreñ kaba kewö qesim wañgiyök, “Böhi ölopñi, nöñön mönö denöwö aka malmal köhöikñangö buña qem añgubilenjak?”

<sup>19</sup> Qesim wañgiiga kewö jii mörök, “Gi nöñgöra ‘Böhi ölopñi’, mi wuanöñgöra jizan? Anutu mo-hotñan ölopñi akza. Azi kunñan i ewö ölopñi qahö akza. <sup>20</sup> \*Gi jöjopañ keu ki möt teközan, ‘Sero yoñgorö kude akñan, Ambazip kun kude qenöñ kömuma, Yoñgorö kude memañ, Jitnöñ alal

\* **18:20:** Eks 20.12-16; Dut 5.16-20

keu kude jiman, Iwinamgi mönö göda qem etki-makṇan.’ ”

<sup>21</sup> Mewö jiyökmö, galömkölköl azinöṇ kewö jiyök, “Mi pakpak mönö gwaböneyök tem köla mala kotzal.” <sup>22</sup> Jii Jisösnöṇ möta kewö jii mörök, “Mohot-kungöra kewö osizan. Gi mönö anda sukinapki pakpak söṅgöronji memegöra alnöṇ moneṇ kaiga menḍenda ambazip wanapṇi eṅgiman. Mewö aknönṅa sukinapki ketanji (guli masapu, milyön kina ewö) mi Suep mire ahöm gihima. Mewö aka ni nuatanḡöba kaman.” <sup>23</sup> Mewö jiyökmö, azi mianḡön kindiṇbirik malöhanḡöra aka keu mi möta wösöbirik aka jeni asöliiga öne mosöta anök.

<sup>24</sup> Wösöbirik ahöhi Jisösnöṇ mi eka kewö jiyök, “Yei! Ambazip moneṇ inapṇinambuk yeṇön mönö Anutugö bemtohoṇnöṇ aṅgotpingö lömböriba kupuk-kapak akṇe. <sup>25</sup> Mi kewö jim tuarimam: Sömbup ketanji kamel mi kondi kinimṇe ölop qahö aṅgotma. Mianḡö dop ambazip pomṇi yeṇön Anutugö bemtohoṇ uruṇe aṅgotpingö lömböriba qaköme.”

<sup>26</sup> Keu mi jii mötkeri, yeṇön kewö jiget, “Oponoṇ! Ambazip daṇön mönö Suepkö buṇaya akawak?”

<sup>27</sup> Mewö jigetka kewö melenḡök, “Ambazipnöṇ mi esapköba osiba qakömakzemö, Anutunöṇ mönö yuai pakpak ölop ahakza. Yaṇön yuai kun aka memangö qahö osiba qakömakza.”

### *Jisösgö nup memegö töwanji*

<sup>28</sup> Pitönöṇ keu mi möta melenḡa kewö jiyök, “Mötnöṇ, neṇön mönö miri gölmenini mosöta gi guatanḡöba kain.” <sup>29</sup> Mewö jiiga Jisösnöṇ kewö jii

mötket, “Nöñön keu ölni kun kewö jibi mötme: Kunñan Anutugö bemtohoñgöra aka yuai kun mosöröhi, - mi miri gölmeñi, anöm-moröñi, darumunñi me iwinamñi - mi engömosöriğa <sup>30</sup> Anutunöñ mönö salupñe toroqeba oñgita likepñi meleş wañgiğa mi gölmegö malmalnöñ mema aka malmal könangepñe malmal köhöikñi teteköñi qahö buña qem añguma.”

*Jisösnöñ kömumamgö keuñi jüiga karöbut ahök.*

*Mat 20.17-19; Mak 10.32-34*

<sup>31</sup> Jisösnöñ gwarekurupñi 12 mi öröm engii kagetka kewö jiyök, “Mötket, nini Jerusalem öngöbin. Kezapqetok ambazipnöñ Suep gölmegö azi ölnañgöra keu pakpak ohogeri, mi mönö ölnambuk ak teköma. <sup>32</sup> Kunöñ i mamalolo mem wañgiğa kian gawman yeñgö böröñine gema. Yeñön jijiwilit aka mepaiköba keu töhöreñ jim wañgiba söutkölap qeme. <sup>33</sup> Söutkölap qeba ihilek wahinambuknöñ taüköm wañgiba qeget kömuma. Kömumba wehön karöbut aiga kömupnöhök wahötma.”

<sup>34</sup> Mewö jiyökmö, gwarek yeñön keu mi qahöpmahöp möt asariget. Keu jiyöhi, mi asa-asambötñe ahöiga mi qahö möt kutuget. Mewö.

*Jisösnöñ jegömöl azi kun mem ölöwahök.*

*Mat 20.29-34; Mak 10.46-52*

<sup>35</sup> Jisösnöñ anda Jeriko mire dopdowiğa jegömöl azi kunñan nene moneñ wañgimegöra uleta köna jitñe tarök. <sup>36</sup> Tariga ambazip kambu könanöñ oñgita angetka kourukñini möta “Wanat yuai asuhuza?” jiba qesim engiyök.

37 Qesim enjiiga kewö jiget, “Jisös, Nazaret azinöñ mönö könanöñ kaba goñgitmamgö akza.”

38 Jigetka kewö qerök, “Jisös, Deiwidkö gwölönarökñi! Gi mönö ak-kömum niñgiman!”

39 Mewö qeriga ambazip mutuk angeri, yeñön bök tatmapköra qetal wañgigetmö, yañön kapan köla qet gigilahöyök, “Deiwidkö gwölönarökñi! Gi mönö ak-kömum niñgiman!”

40 Qet gigilahöiga Jisösnöñ dörök ala kewö jim kutuyök, “I mönö böröñe memba nöñgöreñ kame.” Jiiga memba dowe kañgotketka kewö qesim wañgiyök,

41 “Alani! Gi mönö wani yuai ak gihimamgöra mötzan?” Qesim wañgiiga jiyök, “Kembu! Ni jeni kunbuk umamgöra mötzal.”

42 Jiiga Jisösnöñ kewö jii mörök, “Mönö jegi unöñ. Mötnaripkan mönö mem ölöwak gihiza.”

43 Mewö jiiga mianğöreñök jeni tohoiga törörök uba Anutu möpöseiba Jisös wuatangöba andöñe anök. Ambazip pakpak yeñön yuai mi eka Anutu möpöseiget. Mewö.

## 19

### *Zakiusnöñ uruñi meleñök.*

1 Jisösnöñ Jeriko taonöñ kañgota kutuba anmamgö ahök. 2 Mianğöreñ azi kun qetñi Zakius malök. Yañön azi pomñi aka takis meme yeñgö jitñememenjina malök. 3 Yañön Jisösgö kaisongolomñi ekñamgö ak wañgiyökmö, azi töröptökñangöra ambazip kambu sutñine kinda kököriba osiyök. 4 “Jisösnöñ ki kaba neñgoñgitma,” jiget möta ekñamgöra ösumök anda ambazip

engonḡita sikamore ip\* qakḡe öngöba tarök. <sup>5</sup> Tari Jisösnöḡ mianḡöreḡ anḡota jeḡan ui öngöi eka yaḡöra kewö jiyök, “Zakius, gi mönö ösumök etnöḡ. Ni merak göhö mire kabi mohotḡe tatpit.”

<sup>6</sup> Mewö jiiga ösumök eta söḡgaiba köḡ öröm waḡgiiga miriḡe anohot. <sup>7</sup> Anohotka ambazip körekḡan mi eka irikuruk aka kewö jiget, “Mönö wuanöḡöra siḡgisöndok azi mewöḡaḡö mire öngöba tatza?”

<sup>8</sup> Mewö jigetmö, Zakiusnöḡ ambazip sutḡine aukḡe wahöta kinda Kembugöra kewö jiyök, “Kembu mötnöḡ, nöḡön ainemalukuni bibiḡe mendeḡda likeḡḡi ambazip wanapḡi yeḡöra enḡimam aka denike yeḡöreḡ öroyuai kun dop onḡita tilipqilip aka waḡgiralali, mi mönö ambemḡi 4:gö dop toroqeba mendeḡda enḡimam.”

<sup>9</sup> Mewö jiiga Jisösnöḡ yaḡö könaḡaḡöra kewö jiyök, “Anutunöḡ merak miri kianḡö toni amöt qem waḡgii letotza. Yaḡön mewöyök Abrahamgö gwölönarökurupḡi yeḡö sutḡine malja. <sup>10</sup> \*Suep gölmegö azi öḡḡan mönö ambazip sohogeri, mi jaruba amöt qem enḡimangöra aka erök.” Mewö.

*Moneḡ esu 10 mendeḡda enḡiyök, mianḡö dopkeu.*

*Mat 25.14-30*

<sup>11</sup> \*Jisösnöḡ kaba Jerusalem siti dopdowiba keuḡi jii ambazip mi mötkeri, yeḡön kewö mötmöriget, “Anutugö bemtohoḡaḡö öḡḡan zilaḡ asuhuma.” Mewö mötmörigeranḡöra Jisösnöḡ dopkeu kun kewö jiyök, <sup>12</sup> “Azi qetbuḡaḡambuk kunḡan kewö jiyök, ‘Ni mirini mosöta kantri kunöḡ

\* **19:4:** Sikamore mi köwu ewöya, köḡḡi neneḡa. \* **19:10:** Mat

18.11 \* **19:11:** Mat 25.14-30

köröwen anbiga mianğöreñ ni kiñ kembu kuñgum niñgigetka mala lilingöba kamam.’ <sup>13</sup> Mewö gölme köröwen anmamgö jiba nup aziurupñi 10 engoholi kagetka moneñ esu 10 mendenða engiba kewö jiyök, ‘Nöñön anda mala bian lilingöba kamam. Eñön nalö sutne kianğöreñ moneñ kianñön kölköl-örörö nup memba mem sehime.’ <sup>14</sup> Mewö jiba anökmö, könagesöurupñan kazik ak wañgiba kewö jiget, ‘Nini azi kianñön nanine azi kembu aka galöm köl neñgimapkö töközin.’ Mewö jiba welen azi tosatñi melaim engiget andöñe anda buzup mi jiget mörök.

<sup>15</sup> “Mewö mörökmö, töndup kantri anök, mianğöreñ yeñön i azi kembu kuñgum wañgigetka nanñi prowinsnöñ kunbuk lilingöba kayök. Kaba nup aziurupñi moneñ esu engiyöhi, mi jiiga yañgö jeñe kañgotket. Mohot mohot yeñön kölköl-örörö nup memba moneñ mem sehigetka dawik asuhuyöhi, mi kondelget ekñamgöra qesim engiyök. <sup>16</sup> Nup azi mutukñan jeñe kañgota jiyök, ‘Kembu, nöñön moneñ esugi mem sehibiga toroqeba kunbuk esu 10 miwikñaijal.’

<sup>17</sup> “Mewö jiiga kewö jii mörök, ‘Mi ölop. Gi nup meme azi ölopñi. Gi yuai morörökñi memba mi kapañkapañ aka galöm köla malnöñga sehiyök. Mianğöra nöñön taon gölme 10 mindiriba göhö böröge albi yeñgö galömñina malman.’ <sup>18</sup> Mewö jiiga nup azi alañan jeñe kañgota kewö jiyök, ‘Kembu, nöñön göhö moneñ esugi mem sehibiga toroqeba kunbuk esu 5 miwikñaijal.’ <sup>19</sup> Mewö jiiga yañgöra mewöyök kewö jii mörök, ‘Mi ölop. Nöñön taon gölme 5 mindiriba göhö böröge albi yeñgö

galömŋina malman.’

<sup>20</sup> “Kunbuk kunŋan kaŋgota jiyök, ‘Kembu eknöŋ. Göhö moneŋ esugi ki. Mi oponöŋ esuhuba lolongöbi ahöyök. <sup>21</sup> Göŋön azi könöpŋambuk akzanaŋgöra aka göhöra keŋgötŋi möta malal. Gi nangak inap yuai köwenöŋ qahö alnöŋi, mia töndup memangö mörakzan. Gi nangak nene kötŋi qahö kömötnöŋga asuhuyöhi, miangö öŋi mi töndup yandiba memangö mörakzan.’

<sup>22</sup> “Mewö jiiga melenŋa kewö jim waŋgiyök, ‘Gi nup azi bölöŋi. Nangak keu jizani, nöŋön miangö dop kewöt gihiba likepŋi melenŋ gihimam. Ni azi könöpŋambuk akzal. Nanak yuai köwenöŋ qahö ala mi memangö mörakzal. Nanak nene kötŋi qahö kömöta miangö öŋi mi töndup yandiba memangö mörakzal. Mi ölop möta malnöŋ. <sup>23</sup> Gi könani mewö mötagun mönö wuanöŋgöra moneŋ esuni mi benknöŋ qahö alnöŋga qariyök. Mi kölköl-örörö nupnöŋ albanak ewö, mianön mönö sehiiga nöŋön kaba suŋambuk membilenak.’

<sup>24</sup> “Mewö jiba azi kösutŋe kingeri, mi kewö jii mötket, ‘Iŋini mönö yaŋgö böröŋeyök moneŋ esuŋi mi waŋgita esu 10 miwikŋaiyöhi, i waŋgime.’ <sup>25</sup> Jii möta kewö jiget, ‘Kembu, yaŋgöreŋ moneŋ esu 10 mi lök ahözal!’ <sup>26</sup> \*Mewö jigetka melenŋa jiyök, ‘Nöŋön kewö jibi mötket: Ambazip yuai ahöm enŋizawi, yeŋgöra körek mönö mi toroqem enŋigetka sehimapmö, kungöreŋ yuai kun qahö ahözawi, morörökŋi mia mönö mewöyök waŋgiketka öne töhöŋ malma.’ <sup>27</sup> Mewö jizalmö, kerökurupnan nöŋön kiŋ kembu aka galöm köl

\* **19:26:** Mat 13.12; Mak 4.25; Luk 8.18



enjimamgö tökögeri, i mönö enjuangita kagetka enjeka jim kutubi enjugetka kömume.’ ” Mewö.

*Jisösgöra köiran kolgetka Jerusalem öngöyök.  
Mat 21.1-11; Mak 11.1-11; Jon 12.12-19*

<sup>28</sup> Jisösnöñ keu mi jim teköba mosöta Jerusalem sitinöñ öngömamgöra mutuk anök. <sup>29</sup> Anda Betfage aka Betani miri yahöt kösutñire kaba kundunji qetñi Oil ip kundunji qerakzei, miangören öngöba gwarekyahötñi yahöt melaim etkiyök. Melaim etkimamgö aka <sup>30</sup> kewö jiyök, “Miri wösöñire tatzawi, mönö miangören anmahot. Anda miangören anggota donki moröñi kösönöñ jöhöget kinjawi, mi miwikñaimahot. Donki mi dölökña, azi kunöñ qakñe qahö tatatña. Mi mönö pösata memba ki kamahot. <sup>31</sup> Pösarohotka kunñan ‘Mi wanigöra pösatzahot?’ jiba qesim etkiiga kewö jimahot, ‘Kembuniran miangöra osiza.’ ”

<sup>32</sup> Mewö melaim etkiiga anda jiyöhangö dop miwikñaiyohot. <sup>33</sup> Miwikñaiba donki moröñi pösatpitkö ahotka tonjan jiget, “Hei! Donki moröñi mi wanigöra pösatzahot?”

<sup>34</sup> Jigetka kewö meleşnohot, “Kembuniran miangöra osiza.” <sup>35</sup> Mewö jiba memba Jisösgören kaba malukunini qeköba donki qakñe tumbula jigetka Jisösnöñ öngöba tarök. <sup>36</sup> Mewö tata aniga ambazip kambu yeñön göda qeba opo malukunini qeköba köna namñe tumbulget.

<sup>37</sup> Tumbulgetka anda Jerusalem dopdowiba Oil ip kundunjangö sörökñe geiga gwarek kambu

pakpak yeñön könahiba söngaiba aᅅgöletot pakpak kukösum qakᅅe mei ekeri, miengöra qet ketani qeta Anutu möpöseim wangiba <sup>38</sup> \*kewö jiba qetket, “Anutu möpöseizin. Kiᅅ Kembangö qetᅅe kamawi, Anutunöᅅ mönö i kötuatköma. Luaigi aka qetbuᅅagi möpöseininga Suepnöᅅ euyangörenᅅ öᅅgöza. Owe owe!”

<sup>39</sup> Mewö qetketka Farisi (Köna keugö kapankölköl) tosatᅅan ambazip kambu sutᅅine kinda kewö jim wangiget, “Böhi, mönö gwarekurupki jim enᅅinöᅅ.” <sup>40</sup> Mewö jim wangigetka kewö melenök, “Nöᅅön kewö jibi mötme: Yeñön göröᅅ kinbeak ewö, köt yeñön mönö silata qetpeak.” Mewö.

*Jisösnöᅅ Jerusalem sitigöra sahörök.*

<sup>41</sup> Jisösnöᅅ Jerusalem dopdowiba siti mi eka sahörök. <sup>42</sup> Sahöta kewö jiyök, “Enᅅörenᅅ luai denöwö ahubawak! Inᅅini miangö könaᅅi wehön kianᅅörenᅅ möt kutugetka dop kölbawakmö, nalö kewöᅅe mi jeᅅini qahö tohozawangöra aka tölapᅅe ahöza. <sup>43</sup> Miangö könaᅅi kewö: Nalö kun kam kungumawi, miangörenᅅ kerök yeñön kangota kiripo köhöikᅅan siti ki kungum liliköba likeplikep eu emu kinda gwan ala kahasililiᅅ ak enᅅime. <sup>44</sup> Anutunöᅅ mesohol köla enᅅoholiga inᅅini nalö bohonᅅi mi qahö möt kutuba nesampurek aka Anutu andö qeba laᅅ mala kotzei, miangöra kerök yeñön köndenᅅmöndenᅅ enᅅigetka mirigö köt kun mi köt kungö qakᅅe qahö kinmapmö, siti kianᅅön mönö qeqelanᅅaᅅ ahöma. Yeñön jike miriᅅini köndenᅅa

---

\* **19:38:** Sum 118.26

moröurupņini siti uruņe maljei, mi enġum ureime.”  
Mewö.

*Jisösnöņ jöwöwöl jike jim kömbuhiyök.*

*Mat 21.12-17; Mak 11.15-19; Jon 2.13-22*

<sup>45</sup> Jisösnöņ keu mi jim teköba jöwöwöl jikegö tohoņ uruņe anda inap bohonņi memegöra algeri, mi könahiba közöl enġiiga etket. <sup>46</sup> \*Közöl enġiba kewö jii mötket, “Aisaianöņ keu kun kewö ohoi ahöza, ‘Nöņgö jikenan mönö köulukö miriņina akņa.’ Keu mi ahözapmö, iņini mi utekogetka kegwek-kahasililiņ yeņgö baņet ewö akza.”

<sup>47</sup> \*Jisösnöņ nalö dop jöwöwöl jikenöņ öņgöba Buņa keu kusum enġiba malök. Mewö malökmö, jike nup galöm aka Köna keugö böhi yeņön tokoba kantri jike kaunsöl yembuk eraum möta kewö jiget, “Mönö denöwö jiinga qegetka kömumbawak?”  
<sup>48</sup> Mewö jigetmö, ambazip kambu pakpak mienön yambuk qekötahöba Buņaņi kezap ala mötket. Mianġöra “Mönö denöwö akinak?” jiba köna kun qahö miwikņaiġet. Mewö.

## 20

*Jitņememe yeņön Jisösgö kukösumņanġö qesiget.*

*Mat 21.23-27; Mak 11.27-33*

<sup>1</sup> Jisösnöņ jöwöwöl jikenöņ öņgöba ambazip kambu kusum enġiba Ölöwak Buņa jim asarim enġiba malök. Nalö kunöņ mewö aiga jike nup galöm aka Köna keugö böhi yeņön kantrigö jitņememe tosatņi yembuk Jisösgö jeņe kaņgotket.  
<sup>2</sup> Kaņgota kewö qesim waņġiget, “Gi kianġören

\* **19:46:** Ais 56.7; Jer 7.11      \* **19:47:** Luk 21.37

yuai akzani, mi mönö danön jim kutum gihiiga ahakzan? Mianğö kukösumñi mi danön gihiyök? Mi jinönga mötpin.”

<sup>3</sup> Qesim waŋgetka kewö melen enğiyök, “Nöhön mewöyök qesim enğibi mi jiget mötmam. <sup>4</sup> Jonöŋ ambazip o-melun mem enğiba malöhi, yaŋön mianğö kukösumñi mi denikeyök meyök? Suep Toŋan waŋgiyök me gölme toŋan waŋget?”

<sup>5</sup> Mewö melen enğiiga sutŋine eraum möta kewö jiget, “ ‘Kukösumŋan Suepnöhök asuhuyök,’ mewö jibin ewö, yaŋön mönö kewö jima, ‘Mewö aiga inini i mönö wuanöŋğöra qahö möt narim waŋget? Mi qahö dop kölja.’ <sup>6</sup> Könagesö pak-pak yeŋön Jongöra ‘Kezapqetok azia akza,’ jiba mi köhöikŋanök möt nariba malje. Mianğöra ‘Gölme ambazipnöhök asuhuyök,’ jibin ewö, yeŋön mönö irimŋini seholiiga kötnöŋ neŋgume.” <sup>7</sup> Keu mewö kewöta kewö melenget, “Kukösumŋan denikeyök ahuyöhi, nini mi qahö mötzin.”

<sup>8</sup> Mewö melengetka Jisösnöŋ kewö jii mötket, “Mewö aiga nöŋön mewöyök yuai ki ahakzalaŋğö kukösumñi danön niŋgiyök, mi qahö jibi mötme.” Mewö.

*Wain kösö nup galöm bölöŋi, mienğö dopkeu*  
*Mat 21.33-46; Mak 12.1-12*

<sup>9</sup> \*Jisösnöŋ könahiba ambazip dopkeunöŋ kewö jii mötket, “Azi kunŋan wain kösö nup köla kömörök. Köl kömöta nup galöm tosatŋi miwikŋaim enğiba jiiga nupŋi memba ölnaŋğö bahöŋi nanŋini memba bahöŋi toŋi waŋgimeğöra böröŋine alök.

---

\* 20:9: Ais 5.1

Böröjine ala engömosöta kantri kunöj anda nalö köröpñi malök.

<sup>10</sup> “Mala mali ölni öliyöhanjö nalöni (yambu 5) töriiga miangören welenqeqeni kun melaim wañgiiga galöm yengören anda wain nup ölnanjö bahöni wañgimegöra jiyök. Jiyökmö, nup galöm yeñon i kömbinöñ qeba wuatanjögetka böröni börak lilingöyök. <sup>11</sup> Miangö andöñe welenazi kun melaim wañgiiga anökmö, i mewöyök kömbinöñ qeba gamu qem wañgiba wuatanjögetka böröni börak lilingöyök. <sup>12</sup> Lilingöiga nup toñan welenazi kun kunbuk melaii aniga ambemñi karöbut ahökmö, i mewöyök sepgwörörök qeba nup yaigepñe gilget geyök.

<sup>13</sup> “Mewö aketka wain nup toñan keu jaruba jiyök, ‘Mönö denöwö akñamto? Nani wölböt nahöni mönö melai biga ani i eka göda qeme me denöwö?’

<sup>14</sup> Mewö jiba nahönñi melaiiga anökmö, wain nup galöm yeñon i eka sutñine kewö eraum möta jiget, ‘Yañon mönö börösamotñanjö toñi akña. Ayop, i mönö qein kömuiga wain kösö nup kianön mönö nanine bujanina akña.’ <sup>15</sup> Mewö jiba gilgetka nup yaigepñe geiga qeget kömuyök. Wain nup toñan mi möta mönö denöwö ak engima?

<sup>16</sup> Yañon mönö nanñak kaba nup galöm mi könden engima aka nup galöm dölokñi miwikñaim engiba wain kösö nupñi yeñgö böröjine alma.” Jisösnöñ dopkeu mewö jii möta jiget, “Mi qahö dop kölja. Yapmakek!” <sup>17</sup> \*Jigetmö, Jisösnöñ i törörök engeka kinda kewö jiyök, “Buña Kimbigö keu kun kewö ahöza,

---

\* **20:17:** Sum 118.22

‘Miri meme yeñon köt tandö kun andö qeba öne mosötket taröhi, mianjon mönö tandö kömbönañi aiga miwikñaiget.

Mianjon tingiriga mirinöñ mönö gororongöba eta kölma. Keu miangö könani denöwö?

<sup>18</sup> Miangöra kewö jibi: Kunjan tandö bohonñi miangöreñ tötöngata eta qemawi, mi mönö silenñi kutumutumapmö, ain tandö mianjon jöla tala kungö qakñe eta kölmawi, mi mönö körek qözömözözamöma.”

<sup>19</sup> Jisösnöñ mewö jiiga Köna keugö böhi aka jike nup galöm yeñon keu miangö könani möt asariba kewö jiget, “Dopkeu mi mönö neñgöra jiza.” Miangöra i nalö miangöreñök memba jöhöbingö mötketmö, ambazip kambu yeñgöra keñgötñini möta osiget. Mewö.

*Takis alalgö Jisös esapköm wañgiget.*

*Mat 22.15-22; Mak 12.13-17*

<sup>20</sup> Juda jitnememe yeñon Jisösgö jegalöm meget. Mewö memba keuñi kun qiwitipköi keugö bötaknöñ öröi gwaröhöm wañgimegöra aka azi tosatñi melaim eñgiget yañgöreñ kaget. Opotöröp aka premiö yeñgö böröñine al wañgibingö möta Buña keu ölöpnñi jiji tandök aka qesiba keuñangö kezap alget.

<sup>21</sup> Areñ mewö ala qesiba kewö jiget, “Böhi, nini göhö könagi mötzin. Göñon keu diñdini jiba kusum neñgimakzan. Göñon ambazip tosatñi qahö eñgek soriba tosatñi qahö qepureim eñgimakzanmö, dop mohotnöñ kewöt neñgimakzan. Mewö aka Anutugöreñ köna mi keu ölnangö dop kusum

nenjimakzan. <sup>22</sup> Mianğöra nini sisa-kingöra takis ala mianjön Mosesgö Kona keu siñgibin me qahö?”

<sup>23</sup> Mewö jigetmō, Jisösnōñ isimkakalek areñini mōt kutuba kewō jii mōtket, <sup>24</sup> “Ölöp silwō monen (Kina 5) kun kondel niñgigetka eki. Dagören imut aka qet mi mianğören ohoget ahöza?” “O, mi sisa-kingören,” mewö melenđa jiget.

<sup>25</sup> Jigetka kewō jii mōtket, “Mewö aiga yuai sisa-kingö imutñambuk buñani akzawi, mi mönō yanğöra al wañgime. Yuai kun Anutugö buñaya akzawi, mi mönō Anutugö buña qeme.” <sup>26</sup> Jisösnōñ mewö jiyöhañğöra ambazip kambu yeñgö jeñjine keugö bōtaknōñ al wañgibingö osiba keuñanğöra welipköba keu bök kinget. Mewö.

*Kömupnöhök wahōtwahōtkö Jisös esapköm wañgiget.*

*Mat 22.23-33; Mak 12.18-27*

<sup>27</sup> \*Sadyusi böhi pati yeñön “Kömugeri, yeñön kude wahōtme,” jiba malget. Yeñgörenök tosatñan Jisösgö jeñje kañgota kewō qesim wañgiba <sup>28</sup> \*jiget, “Böhi, Mosesnōñ kewō jim kutum nenjiyök ahöza, ‘Azi kun ambi meiga nahönbörat qahö ahui kömuiga munñan ölöp malöñi memba mala gwölönarök qiwikñaim wañgiiga datñanğö qet bisiba malma.’

<sup>29</sup> “Mötnōñ! Nalö kunōñ darumun 7 malget. Datñini mutukñan ambi memba mala gwölönarökñi qahö öne mala kömuyök. <sup>30</sup> Kömuiga munñan malöñi mi meyök. <sup>31</sup> Mianğö andöñe munñi kunñan ambi miyök meyök. Mewöña mewö darumun 7 pakpak yeñön ambi mohok

\* **20:27:** Apo 23.8 \* **20:28:** Dut 25.5

miyök memba gwölönarök qahö mala kömum teköget. <sup>32</sup> Kömugetka tekögetka qöndökñi malöñini mi mewöyök kömuyök. <sup>33</sup> Göñön ‘Kömugeri yeñön guliba wahötme,’ jizanzmö, nini mi qahö möt narizin. Mötnöñ, azi 7 pakpak mi öröröñ wahötpeak ewö, ambi mohok mi anömñina meget malöhañgöra aka mönö dagö anömña akawak?”

<sup>34</sup> Mewö jigetka Jisösnöñ kewö melenök, “Nalö kewöñe gölme kiangöreñ ambazip awanöm aka malahakze. <sup>35</sup> Mi malahakzemö, ambazip uruñini melengetka Anutunöñ eka möri dop köliga kömupnöñök wahöta miri gölme kun euyangöreñ añañgöta malmei, yeñön miangöreñ qahö amime.

<sup>36</sup> “Miangö könani kewö: Mötnarip ambazip guliba kömupnöñök wahötmei, yeñön Anutugö nahönböraturuñi akze. Yeñön Suep garata tandök ewö aka kunbuk qahö kömumemö, teteköñi qahö mal öñgöme. <sup>37</sup> \*Mötket! Kömugeri, yeñön guliba wahötmegö keuñi mi Mosesnöñ mewöyök nañgöba jiyök. Ip köhösnöñ könöp bölam ahuba qahö jem kutuyöhi, yañön mi eka kösohotñi ohoi miangöreñ keu kewö ahöza, ‘Nöñön Anutu Abrahamgö Kembu, Aisakö Kembu aka Jeikobkö Kembuya mala kota maljal.’ <sup>38</sup> Isik bömöñ karöbut yeñön Anutubuk mala mal köhöiba öñgöme. Körek köhöiba maljei, yeñön mönö malmalñini Anutugöra malje. Miangöra Anutunöñ köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza.”

<sup>39</sup> Jisösnöñ mewö melenñiga Köna keugö böhi tosatñan melenña kewö jiget, “Böhi, mi törörök

---

\* **20:37:** Eks 3.6



jizan.” <sup>40</sup> Mewö jiba keu kun kunbuk qesim wanğibingö kölköldömdöm aka mosötket. Mewö.

*Kraist mi kiñ Deiwidkö Kembuñi aka gwölönarökñi.*

*Mat 22.41-46; Mak 12.35-37*

<sup>41</sup> Jisösnöñ keu kun kewö jii mötket, “Kraistnöñ Kiñ Deiwidkö gwölönarökñi akzawi, tosatñan keu mi denöwögöra jimakze? <sup>42</sup> \*Deiwidnöñ nanñak keu kewö jiiga Sumbara (Buña liñet, sam) Kimbinöñ ahöza,

‘Anutunöñ kinda nöñgö Kembuni kewö jii mörök, Göñön mönö kaba nöñgö böröni öñje tatnöñga

<sup>43</sup> nöñön nalö sutñe kerökurupki tim tötala luhut al engiba göhö köna tambö gwaröñe al engimam.

Nalö mi kam kuñgumawanğö dop mönö asakmararanöñ ki tatman.’

<sup>44</sup> Deiwidnöñ mewö jiba qetñi ‘Nöñgö Kembuni’ jiza. ‘Kembuni’ jiba mönö denöwö aka yanğö gwölönarökñi mohot akawak?” Mewö.

*Urumelengö silesile malmalgö galöm meme keu*

*Mat 23.1-36; Mak 12.38-40; Luk 11.43*

<sup>45</sup> Jisösnöñ gwarekurupñi yenğöra keu kewö jiiga ambazip kambu pakpak mi mötket, <sup>46</sup> “Köna keugö böhi yenğöra mönö galömñini memba malme. Yenön maluku köröpñi löñgöta anda kaba kondel anğubingö mörakze. Maketnöñ me könanöñ ambazip enğeketka jölöñini jimegö mörakze. Mewöyök köuluk mire qaikñe eu tatpingö sihimñi mörakze aka közölömbuanöñ dum tatat mutukñe jegang

\* **20:42:** Sum 110.1

tatpingö mörakze. <sup>47</sup> Yeñön malö yeñgören miri yuai bidan̄da gagabe köla en̄guan̄girakze aka çet-bun̄an̄ini asuh̄mapkora köuluk köröp̄ni köuluköba töptöp̄nine çemakze. Mian̄göra Anutun̄öñ keun̄ini jim teköba likep̄ni öngöngöñi melen̄ni çakñine öngöma.” Mewö.

## 21

*Ambi malö kun̄nan naluk kötin öln̄i alök.*

*Mak 12.41-44*

<sup>1</sup> Jisösnöñ kinda ui ani ambazip pom̄ni yeñön nalukñini mi naluk dundum̄ne alget geyök. <sup>2</sup> Alget geiga ambi malö wanap̄ni kun̄nan kaba souje kötn̄i pisikñi yahöt ali geyöhi, mi mewöyök ehök. <sup>3</sup> Mi eka kewö jiyök, “Nöñön keu öln̄i kun kewö jibi mötket: Malö wanap̄ni kian̄ön naluk al-jawi, mi mönö tosat̄ni pakpak en̄goñgita alja. <sup>4</sup> Mian̄gö könan̄i kewö: Körek yeñön monen̄ ketan̄i ahöm en̄giiga kitip̄nanöhök aljemö, ambi kian̄ön köruebörue maljawan̄gö dop yuain̄i pakpak al teköba öne töhön malma.” Mewö.

*Jöwöwöl jikenöñ könden̄mönden̄ asuhuma.*

*Mat 24.1-2; Mak 13.1-2*

<sup>5</sup> Jerusalem jöwöwöl jike mi köt eksihim̄n̄ambuk aka kalem̄ni kalem̄ni Anutugöra algeri, mian̄ön men̄ölögetka aköd̄amun̄n̄ambuk ahöyök, gwarek tosat̄nan mi eka eraum mötketka Jisösnöñ keu kewö jii mötket, <sup>6</sup> “Miri ki en̄gekzei, mi mönö könden̄getka mirigö köt kun mi köt kungö çakñe çahö ahömapmö, çeqelan̄lan̄ aka sahop̄nanök ahöma.”

*Kahasililiŋ aka sesewerowero asuhuma.*

*Mat 24.3-14; Mak 13.3-13*

<sup>7</sup> Mewö jiiga möta qesim waŋget, “Böhi, keu jizani, miangö ölni mönö wanat nalönöŋ asuhum tiŋgitma aka asuhumangö akŋawi, miangö aiwesökŋan mönö denöwö asuhuma?”

<sup>8</sup> Qesim waŋgetka kewö jiyök, “Kunŋan isimkakalek aiga janjuŋ anbepeköra mönö galömŋini memba malme. Ambazip gwötpukŋan asuhuba nöngö qetne kewö jime, ‘Nöŋön Kraist akzal,’ aka, ‘Nalönöŋ mönö töriza.’ Mewö jimemö, eŋön mönö yeŋgö andöŋine kude anme. <sup>9</sup> Yarö aka karimŋi karimŋi asuhugetka ötoŋini mötmemö, jönömŋini kude unduma. Yuai mi mutuhök asuhumapkö jijiŋa. Mi asuhumapmö, gölmegö nalöŋan mönö miangöreŋök zilaŋ qahö teköma.”

<sup>10</sup> Mewö jiba toroqeba kewö jii mötket, “Kantri kunöŋ kantri kun eŋgubingöra wahötme. Ambazip kambu kunöŋ kambu kun yembuk aröŋ aŋgubingöra wahötme. <sup>11</sup> Gölmeŋi gölmeŋi miangöreŋ kenöŋ ketanŋi ketanŋi qözöla memba gölme meleŋni gemakŋa. Mewöyök bödiŋi bödiŋi (buöröŋi buöröŋi) asuhuba öngöba ahöma. Kawöl köhöikŋi köhöikŋi mienöŋ asuhugetka sesegilgil kömumakŋe. Suepnöŋ aiwesök ketanŋi jemurutŋi murutŋi eŋgeka keŋgöt kotkot akŋe.” Mewö.

*Ölöwak Buŋagöra kerök asuhuma.*

*Mat 24.9-14; Mak 13.9-13*

<sup>12</sup> “Yuai pakpak mi asuhumemö, mutuk qeljine tosatŋan iŋini uruŋini melenŋerangöra aka eŋgömembra jöhöba sesewerowero ak eŋgime. Tosatŋan öröm eŋgiba köuluk miriŋine keu

nupɲini memba jim tekögetka kösö miriɲi miriɲi miangöreɲ al enɲime. Tosatɲan nöɲgö qetnaɲgöra aka enɲuaɲgitketka kantriɲi kantriɲi yeɲgö kiɲ kembu aka premiö yeɲgö jemesoholɲine kinme. <sup>13</sup> Mewö kinda nöɲgö könaɲamni naɲgöba jigetka mötme. <sup>14</sup> \*Keu jakeɲe al enɲigetka kinmei, nalö miangöreɲ keu denöwö jibinak, miangö waimanɲatɲi qelɲiɲe kude mötme. Keu mi mönö urukönömɲine algetka ahöma.

<sup>15</sup> “Mi kewögöra: Nöɲön embuk kinda mötkutukutu enɲiba numbuɲini mem amqemam. Uruawamɲanök malgetka tuarenjoɲurupɲini yeɲgöreɲök kunɲan mötkutukutu mi qetala keuɲini qeapköba memba et al enɲibingö osima.

<sup>16</sup> Nanɲini iwinam, darumun, tinitosolom aka alaurupɲini yeɲön mewöyök aɲgönaɲ mem enɲigetka enɲöreɲök tosatɲi enɲugetka kömume.

<sup>17</sup> Kantri pakpak yeɲön nöɲgö qetnaɲgöra aka kazik ak enɲigetka malme.

<sup>18</sup> “Mewö malmemö, nöɲön köyan köl enɲibi nöropɲinaɲgö juɲɲi kunɲan qahö sohoma. <sup>19</sup> Inini kapaɲ köla köhöiba böɲ qeba kinda miangön mönö luhut ala oyaenɲkoyaen malmal buɲa qem aɲgume.” Mewö.

*Jerusalem sitigö köndenɲmöndeɲ uru-önönɲambuk  
Mat 24.15-21; Mak 13.14-19*

<sup>20</sup> “Könaɲgeɲ yarö kambu yeɲön kaɲgota Jerusalem siti liliköba gwan almei, inini mi eka miangöreɲ kewö mötmörime, ‘Siti bohonɲi köndenɲmöndeɲmegö nalöɲan mönö kam kuɲguza.’

<sup>21</sup> Nalö miangöreɲ Judia prowinsnöɲ malmei,

---

\* **21:14:** Luk 12.11-12

enjon mönön misingöba öröba kunduje anme. Sitinön malmei, enjon mönön siti mosötme. Siti yaigepne mire malmei, enjon mönön sitinön kude anme.

<sup>22</sup> \**“Mi kewögöra: Buja Kimbinön kezapqetok keu ohoget ahözawi, mi pakpak mönön öljambuk akña. Keu miangö dop Anutunön nalö miangören sijgisöndokninangö likepni melenða qakñine ali öngöma.* <sup>23</sup> Anutunön Israel könagesö sijgisöndokñinanangöra irimñi seholiiga kazikni kondel engiiga gölmenön kahasililin keta bölökni asuhuma. Ambi gölömbuk aka morö juzunön yejon mönön nalö miangören denöwö ösumñinan anbeak? Miangöra Yei! jizal.

<sup>24</sup> *“Köndermönder miangören ambazip tosatni mi bingö sou ketanjan engugetka kömume. Tosatni kösö gwaröhöm engiba enguangetketka kantri pakpak yengö sutñine angotme. Angotketka kian kantri yejon kangota Jerusalem tiamgöba malme. Mewö malgetka Anutunön nalöñini tohot qei tatzawi, mi-anön kam kunguiga mosötme.”* Mewö.

*Suep gölmegö azi öljän mönön asuhum tinjitma.*

*Mat 24.29-31; Mak 13.24-27*

<sup>25</sup> \**“Wehön aka köinj jenjeire aka senjelau miangören aiwesök murutñi murutñi asuhume. Köwetnön siri qegetka ötön ketani ahumakzawangöra gölmegö kantri pakpak yejon tötbörömñini kaiga wahöjalin möta malme.* <sup>26</sup> Mewö malgetka suepnön uturuköiga miangö öroyuaini mi tatatñini mosöta enjololon aketka

---

\* **21:22:** Hos 9.7      \* **21:25:** Ais 13.10; Eze 32.7; Joel 2.31; Ind 6.12-13

sohoma. Mianğöra gölmenji gölmenji mianğören lömböt bölöñji kötökñi asuhumapköra mamböt-torok mala kenğötñini möta uruñini duhuiga jegilgil akñe.

<sup>27</sup>\*“Nalö mianğören Suep gölmegö azi ölnji yañön kousu çakñe kañgori ekñe. Kukösumñi ketañan saköl-diñdiñambuk aukñe asuhuiga asakmararañi ekñe. <sup>28</sup> Mewö kañgotmapmö, yuai mi könahiba asuhumei, eñön mönö nalö mianğören Suepnöñ öngöbingö nalöñinan törimawañgöra nöropñini uba wahöta uruñini qezaköba awösamkakak kinme.” Mewö.

*Geröp ipkö dopkeu*

*Mat 24.32-35; Mak 13.28-31*

<sup>29</sup> Jisösnöñ dopkeu kun kewö jii mötket, “Inini geröp aka ip tosatñi mi eka tandökñini mötme. <sup>30</sup> Ip mi sinñan yonğoigetka mi eka mianğö könäñi nanñinak möt asariba kewö jimakze, ‘Wehön nalöñan lök dopdowiza.’ <sup>31</sup> Eñön mewöñanök keu jizali, mianğö ölnan asuhuiga eka möt asariba könäñi kewö jime, ‘Anutugö bemtohoñan mönö dopdowiza.’

<sup>32</sup> “Nöñön keu ölnji kun kewö jibi mötket: Ambazip merak gölmenöñ maljei, yeñön qahö kömugetka yuai pakpak jizali, mi mönö yeñgö malmal nalöñine asuhuma. <sup>33</sup> Suep gölmenöñ göröñ qemahotmö, nöngö Buña keunan mönö qahö ayapköma.” Mewö.

*Urugwölö mosöta köhömuñi malbinbuk.*

*Mat 24.42-44; Mak 13.33-37*

---

\* **21:27:** Dan 7.13; Ind 1.7

34-35 “Nalö ketanji mianjön ambazip körek gölmenöŋ maljei, yeŋgö qakŋine mewö asuhuma. Mianğöra mianjön wölaŋök kaba simba ewö qeraköm enğibapuk. Mianğöra gölmenöŋ malmalgö waimanjatŋan qakŋine öngöiga közölömbuan ala o köhöikŋi negetka eŋololoŋ aiga uruŋinan lömböribapuköra mönö galömnini mem aŋguba malme.

36 “Mianğöra mönö nalö dop urugwölö mala köuluköba malme. Mewö malgetka ösum enğiiga yuai pakpak mi asuhumawi, mianğö uruŋeyök kök ala mönö Suep gölmegö azi ölnaŋgö jemesoholŋe awösamkakak kinme.” Mewö.

37 \*Nalö mianğöreŋ Jisösnöŋ wehön dop jöwöwöl jikenöŋ kinda Buŋa kusum enğiiga miri mare aiga mosöta kunduŋi qetŋi Oil ip kunduŋi qerakzini, mianğöreŋ öngöba ahömalök. 38 Mewö maliga ambazip kambu pakpak yeŋön wehön dop söŋanök jöwöwöl jikenöŋ öngöba Buŋaŋi jii mötpingöra yaŋgöreŋ kamalget. Mewö.

## 22

*Jisös qein kömumapkö aŋgönaŋ alget.*

*Mat 26.1-5; Mak 14.1-2; Jon 11.45-53*

1 \*Mewö malgetmö, beret yistŋi qahö mianğö sösoŋgaiŋi, qetŋi kun Pasowa kendon jimakzin, mi töriyök.\* 2 Töriiga mianğöreŋ jike nup galöm aka Köna keugö böhi yeŋön ambazip kambu yeŋgö keŋgötŋini mötkeŋaŋgöra aka nanŋinök tokoba

---

\* 21:37: Luk 19.47 \* 22:1: Eks 12.1-27 \* 22:1: Pasowa mi nanine keunöŋ nengehoriba neŋgongirök. Eksodus 12.15

“Denöwö aHINGA qeget kömumbawak,” jiba köna jaruba mötmöriget.

*Judasnön Jisös mamalolo mem wanjimamgö uru-mohok ahök.*

*Mat 26.14-16; Mak 14.10-11*

<sup>3</sup> Nalö mianğoreñ Satanön Judasgö uruñe geyök. Judas mi Jisösgö gwarekurupñi 12 yengörenök kun. Kariot mireyök kayöhanğora qetñi kun Iskar-iot qetket. <sup>4</sup> Yanön jike nup galöm aka jikegö kiripo galöm bohonñi yengören anda Jisös mamalolo memba böröñine almamgö keuñi jiyök. <sup>5</sup> Yenön mi möta “Ayop!” jiba uruñinan ölöwahiga söngöröñi monen wanğibingö keu jöhöget. <sup>6</sup> Keu jöhögetka Judasnön Jisös ölöñ mamalolo memba böröñine almamgö köna möt jaruba köñbingöba malök. Mewö.

*Jisösnön gwarek yembuk Pasowa lama neget.*

*Mat 26.17-25; Mak 14.12-21; Jon 13.21-30*

<sup>7</sup> Beret yistñi qahö mianğö kendon silim kunön Pasowa lama qeba ohozema. Nalö mianön kam kuñguyök. <sup>8</sup> Jisösnön Pitö aka Jon kewö jiba melaim etkiyök, “Injiri anda Pasowa lama mözözömgöyohotka nembin.”

<sup>9</sup> Mewö jiiga qesim wanğiyohot, “Mi denikeanğoreñ anda mözözömgöbit?”

<sup>10</sup> Qesim wanğiyohotka kewö melenñök, “Mörohot! Injiri sitinön anğorohotka azi kun o kimbut kunduta kaiga miwikñaimahot. Miwikñaiba i wuatangöba anda mire öngömawi, mianğoreñ öngömahot. <sup>11</sup> Öngöba miri tonji kewö jiyohot mötma, ‘Böhinön göhöra jiza: Ala mirigi denike? Neñön ölop mianğö uruñe kaba



gwarekurupni yembuk Pasowa lama nembin?  
<sup>12</sup> Mewö jiyohotka möta miri qakne eu öngöba urunji ketanji kun kondel etkima. Miangöreñ dum tatat yuai mözözömgöget ahöza. Mi kondel etkiiga miangöreñ lama qeba ohomahot.”

<sup>13</sup> Mewö jii anda Jisösnöñ keu jiyöhi, miangö dop miwikñaiba kinda lama qeba ohom mözözömgöyohot. Mewö.

*Kembubuk semön qöndökñi neget.*

*Mat 26.26-30; Mak 14.22-26; Jon 13.21-30; 1 Kor 11.23-25*

<sup>14</sup> Nene nalöñan kaiga Jisösnöñ aposolurupñi yembuk nene nembangö eta tatket. <sup>15</sup> Tatketka kewö jii mötket, “Nöñön Pasowa lama ki embuk nembangö gwötpuk ak niñgiba malök. Nene ki nembagun mönö sihimbölö mötmam. Miangö nalöñan töriza. <sup>16</sup> Mi törizawañgöra kewö jibi mötket: Nöñön Pasowa lama kiangöreñ kun toroqeba qahö nemam. Könañgep nene semön kiangö öñan aukne asuhumawi, mi Anutugöreñ bemtohoñ urunje euyangöreñ nemam.”

<sup>17</sup> Mewö jiba wain qambi memba kötuetköba kewö jiyök, “Mönö ki memba nanñinak añguba neme. <sup>18</sup> Nöñön kewö jibi mötket: Ni wain kösögö öñji kiangöreñ kunbuk toroqeba qahö nemam. Kunbuk nemami, mi Anutugöreñ bemtohoñ asuhum teköiga miangöreñ nemam.”

<sup>19</sup> Mewö jiba beret memba kötuetköba mindipköba eñgiba kewö jiyök, “Ki nani busuni. Ki eñgöra aka tököm eñgizal. Nemba ni mötmörim niñgiba malme.” <sup>20</sup> \*Mi eñgii negetka mewöñanök

---

\* 22:20: Jer 31.31-34

wain qambi memba kewö jiyök, “Qambi ki mi jöhöjöhö arenj dölökñi akza. Nöhön amöt qem engimangöra aka sepni mokoba kömumam. Sep mianjön mönö Anutugörenj jöhöjöhö arenj mem köhöima.

<sup>21</sup> \* “Mewö akzapmö, mötket, mamalolo mem ningimawanön mönö mohotñe ki nene namba tatzit. <sup>22</sup> Ölña, Anutunönj jim kutuyöhi, Suep gölmegö azi ölñan mönö miangö dop gölme mosöta anma. Anmapmö, mamalolo mem wanjimawi, yangöra mönö wölziköba ‘Yei!’ jizal. Anutunönj mönö likepñi öngöngöñi melenj wanjima.”

<sup>23</sup> Mewö jiiga gwarekurupñan könahiba sutñine eraum qesim anguba jiget, “Nengörenök mönö danjön mamalolo mem wanjibawak?” Mewö.

*Gwarek yejön sutñine goranora aket.*

*Mat 20.25-27; Mak 10.42-44*

<sup>24</sup> \* “Gwarek nengörenök galöm bohonñi mi danjön akza?” mewö jigetka miangöra mewöyök sutñine goranora asuhuyök. <sup>25</sup> \* Mi asuhuiga Jisösnönj kewö jii mötket, “Gölmegö kantriñi kantriñi miengö kininan mönö azi kembu tandök aka galöm köl engimakze. Yengö pom jembonñinan mönö keu jim kutuba könagesöñini mindingöm engigetka welennini qeba ‘Azi ölopñi!’ jiba möpöseim engimakze. <sup>26</sup> \* Mewö ahakzemö, enön miangö dop kude akñe. Engö sutñine kunñan ketañamñini akzawanön mönö eretñangö dop aka

\* **22:21:** Sum 41.9      \* **22:24:** Mat 18.1; Mak 9.34; Luk 9.46

\* **22:25:** Mat 20.25-27; Mak 10.42-44      \* **22:26:** Mat 23.11; Mak 9.35

malma. Galöm bohonñan mönö welenqeçe ewö aka malma.

27 \**“Kunöñ tata nene neiga kunñan nene köl wañgiba anda kamakzawi, yetköreñök öngöñgöñi mi dañön? Öñña, ‘Tata nene nezawañön mönö öngöñgöñi akza.’ Mewö jiget mörakzinmö, nöñön eñgö sutñine welenqeçe ewö aka maljal.*

28 *“Mewö malbi esapköm niñgigetka wahöjalin wahösömbu uruñe añgotpiga iñini töndup kapañ köla nömbuk qekötahöba mala kotze. 29 Iwinan jim kutum niñgiiga nöñön yañgö bemtohoñi kukösum qakñe galöm kölakzal. Miangöra nöñön toroqeba jim kutum eñgibiga iñini mewöyök kukösum qakñe ambazip kiñ ewö galöm köl eñgimakñe.*

30 \**Miangöra iñini ölop nöñgö bemtohoñne añgota nene dumni liliköba tata o aka nene nemba malme aka azi kembu tatatnöñ tata Israel ambazip kambu 12 yeñgö keuñini kewöta jim teköm eñgime.” Mewö.*

*Pitönöñ Jisös qañ kölmapkö jii mörök.*

*Mat 26.31-35; Mak 14.27-31; Jon 13.36-38*

31 Jisösnöñ jiyök, “O Saimon Saimon! Mötnöñ! Kölkömöt azinöñ wit padi köñi joutnöñ ala uturuköiga kamböñi deñda erakzawi, Satanöñ mönö miangö dop eñön löwöriba yañgö böröñe gemegöra uturuköba esapesap al eñgimangö kapañ köla jöjöröza. 32 Jöjörözapmö, göhö mötnaripkan sörauba pömsöm qebapuköra nöñön göhöra köuluköba malal. Miangöra nalö kungen urugi melenña nöñgöreñ kamani, miangöreñ

\* 22:27: Jon 13.12-15      \* 22:30: Mat 19.28

mönö mötnarip alaurupki nanğöba mem köhöim enğiman.”

<sup>33</sup> Mewö jiiga Saimonöŋ melenök, “Kembu, nöŋön göbuk kösö mire anbitkö aka mohotŋe kömumbitkö jöjöröba maljal.”

<sup>34</sup> Mewö jiyökmö, Jisösnöŋ jii mörök, “Pitö, nöŋön kewö jibi mötnöŋ: Kuruknöŋ merak qahö qeriga göŋön mutuk ni möt niŋgimangö qaŋ kölnöŋga in-dimŋi karöbut akŋa.

*Gösö aka bingö sou ketanji miyök memba anme.*

<sup>35</sup> \*Jisösnöŋ gwarekurupŋi kewö qesim enğiyök, “Nöŋön inini mutuk gösö qahö, monen gösö qahö, köna esu qahö mewö melaim enğibi angeri, mianğoreŋ yuai kungöra osiget me qahö?” Qesim enğiiga “Yuai kungöra qahö osiin,” jiget.

<sup>36</sup> Jigetka kewö toroqeba jiyök, “Mutuk mewö aketmö, nalö kewöŋe kungöreŋ gösö aka monen gösö tuni ahözawi, mi ölop memba tengöba malma. Bingö sou ketanji mi kungöreŋ qahö ahöza, yaŋön mönö malukuŋi bohonŋi memegöra ala monen miwikŋaiba sou mi bohonŋi mema. <sup>37</sup> \*Nöŋön mianğöra kewö jibi mötket: Anutugö keu nöŋgöra jigeri, mi körek pakpak köhöim teköma. Mianğö nalöŋan mönö kam kuŋgumangö akza. Buŋa keu kun kewö ohoget ahöza, ‘Yaŋön bölöŋi meme yeŋgö kambuŋine ahöma, jiget.’ Mianğöra jizal: Keu mianğö ölni mi nöŋgöreŋ asuhum teköma.”

<sup>38</sup> Mewö jiiga gwarekurupŋan jiget, “Kembu eknöŋ, bingö sou ketanji yahöt ki ahözahot.” Mewö jigetka “Mi dop kölja,” jiba melen enğiyök. Mewö.

\* **22:35:** Mat 10.9-10; Mak 6.8-9; Luk 9.3; 10.4

\* **22:37:** Ais

*Jisösnöŋ Gezemane arönöŋ köuluköyök.*

*Mat 26.36-46; Mak 14.32-42*

<sup>39</sup> Jisösnöŋ miri mosöta silikŋi wuatangöba Oil ip kunduje öngöiga gwarekurupŋan andöŋe anget. <sup>40</sup> Öngöba miangören angota kewö jii mötket, “Esapesapnöŋ et engubapuköra mönö köuluk nup meme.”

<sup>41</sup> Mewö jiba engömosöta köt gilin anakzawi, miangö dop anda simin köla köuluköyök <sup>42</sup> Köuluköba kewö jiyök, “Iwini, göŋön urusihingŋi mötzan ewö, sihimbölögö qambiŋi kianön mönö nöŋgö qakne öngöbapuköra noangitman. Noangitman me qahö, mi mönö nangi jit keugahö dop asuhuma. Mi nöŋgö sihingö dop qahö.”

<sup>43</sup> Mewö köuluköiga garata kunŋan Suepnöhök asuhuba mem köhöim wanŋiyök. <sup>44</sup> Mem köhöim wanŋiiga köŋjiliŋ öngöŋgöŋi möta mönö kapan köla uruŋi qezaköba köuluköyök. Köuluköiga nöŋgöpŋi mi sep jöjöl ewö tiŋgita gölmenöŋ etket.

<sup>45</sup> Köuluköm teköba wahöta gwarekurupŋi yengören anök. Anda miwikŋaiba engehi wösöbiriknöŋ mem et engii sörörauba gaun ahöget.

<sup>46</sup> Ahögetka jiyök, “Mönö wuanöngöra gaunök ahöze? Mönö wahöta esapesapnöŋ et engubapuköra köuluköget.” Mewö.

*Jisös qeraköba memba jöhöget.*

*Mat 26.47-56; Mak 14.43-50; Jon 18.3-11*

<sup>47</sup> Jisösnöŋ mewö jiba kiniga miangören azi kambu kaŋgotket. Gwarekurupŋi 12 yengörenök kun qetŋi Judas yaŋön jitnemem engiba Jisösgören kaŋgota numbuŋi yöhötüm neyök. <sup>48</sup> Yöhötüm

neyökmö, Jisösnöŋ kewö jii mörök, “Judas, gi num-buni yöhötim nemba mewö mianjôn Suep gölmegö azi ölni mamalolo mem wanjizan me?”

<sup>49</sup> Mewö aiga tosatŋan Jisös liliköm wanjiba kingeri yeŋön yuai asuhumangö ahi mi eka jiget, “Kembu, nini bimgö sou ketanŋan enjuin me?” <sup>50</sup> Mewö jiba yeŋgöreŋök kunŋan jike nup galöm bohonŋangö welenqeqeŋi qeba kezapŋi ölni köteköi erök.

<sup>51</sup> Erökmö, Jisösnöŋ melenja “Mönö mosötket!” jiba welenqeqegö kezapŋi yandiyöhi, mi misiriiga ölöwahök.

<sup>52</sup> Ölöwahiga kinda jike nup galömurup, jikegö kiripo galöm bohonŋi aka kantrigö jitnememe yeŋön Jisös membingö kaŋgotkeri, mi kewö jii mötket, “Ni kegwek-kahasililij azia qahöpmö, töndup nöŋgöra mewö möta bimgö sou ketanŋi aka liŋgip memba kaŋgotze. <sup>53</sup> \*Nöŋön wehön dop jöwöwöl jikenöŋ embuk malbiga injini böröŋini böranda ni qahö nömiget. Mi qahöpmö, dölkü söŋaupkö ösumŋan luhut ala aukŋe asuhuiga enjö nalöŋinan kam kuŋguza.” Mewö.

*Pitönöŋ Jisös qaŋ kölök.*

*Mat 26.57-58, 69-75; Mak 14.53-54, 66-72; Jon 18.12-18, 25-27*

<sup>54</sup> Mewö aiga yarö azi yeŋön Jisös memba jöhöba wanjita jike nup galöm bohonŋangö mire anget. Angetka Pitönöŋ andöŋine sikepsikep enjuatanjöba anök. <sup>55</sup> Mianjöreŋ anda jakömbuak mirigö kiripo uruŋe geba sombem bibiŋe könöp ohoba mohotŋe tatket. Pitönöŋ mewöŋanök yeŋgö

---

\* **22:53:** Luk 19.47; 21.37

sutɲine tarök. <sup>56</sup> Tari welenqeqe ambi kunɲan Pitönöŋ könöp kösutɲe tari ehiba kewö jiyök, “Azi kianön mönö mewöyök yambuk malök.”

<sup>57</sup> Mewö jiyökmö, Pitönöŋ qaŋ köla kewö jiyök, “Ambi, ni i qahö möt waŋgizal.”

<sup>58</sup> Mewö jiba tari kude köriiga azi kunɲan eka jiyök, “Gi mewöyök yeŋgöreŋök kun akzan.” Mewö jiyökmö, Pitönöŋ melenök, “Alani, ni qahö.”

<sup>59</sup> Aua mohotkö dop teköiga kunɲan keu mi kunbuk kapaŋ köla jiyök, “Azi kianön mewöyök ölŋa yambuk malök. Yaŋön mönö Galili azia akza.”

<sup>60</sup> Mewö jiyökmö, Pitönöŋ melenök, “Azi, keu jizani, mi köndatzal.” Mewö jiba kiniga miaŋgöreŋök kuruk qerök.

<sup>61</sup> Qeriga Kembunöŋ lilingöba Pitö uba ehiga miaŋgöreŋök keuŋi kewö jiyöhi, mi mötmöriyök, ‘Gi merak indimŋi karöbut qaŋ köl niŋginöŋga kuruknöŋ qetma.’ <sup>62</sup> Keu mi mötmöriba wösöŋi julmangö aiga yaigep geba sahöt böliyök. Mewö.

*Jisös jim gönahit ak waŋgiget.*

*Mat 26.67-68; Mak 14.63-65*

<sup>63</sup> Yarö azi Jisös memba jöhögeri, yeŋön mepaqepaik ak waŋgiba kinda qeapköget. <sup>64</sup> Qeapköba jemesoholŋi esuhuba qesiba jiget, “Gi kezapqetok azia akzanaŋgöra daŋön guhuzawi, mönö yaŋgö qetŋi qetnöŋ!” <sup>65</sup> Mewö jiba gwötpuk terenqerenda ilita jim qetal waŋgiget. Mewö.

*Jikegö jitŋememe yeŋön Jisösgö keu nup meget.*

*Mat 26.59-66; Mak 14.55-64; Jon 18.19-24*

<sup>66</sup> Jim qetal waŋgiba malgetka miri gianŋiga kantrigö jitŋememe aka jike nup galöm aka Köna

keugö böhi yeñön tokoba Jisös waŋgita Juda yeŋgö jike kaunsöl kambu yeŋgö jeñine alget.

<sup>67</sup> Mianğöreŋ algetka jiget, “Göñön Amötqeçe Tonji Kraist akzan ewö, mi mönö aukne paŋ jinöŋga mötpin.” Mewö jigetka melenök, “Mi jibi mötpeaha kun, mi mönö qahö möt narime. <sup>68</sup> Me qesim engibileŋaha kun, mi mönö qahö melen niŋgime. <sup>69</sup> Mewö mötzalmö, nalö kewöneyök könahiba Suep gölmegö azi ölni yañön mönö Anutu, kukösum Tonjaŋgö böröni ölni tata malma.”

<sup>70</sup> Mewö jiiga mianğöreŋök körekñanök kewö jiba qesiget, “Ölna, gi Anutugö nahönña akzan me qahö?” Mewö qesigetka kewö melen engiyök, “Mi akzalaŋgö keuñi mönö nanñinak jize.” <sup>71</sup> Melen engiiga jiget, “Nanñak uñemuñem (guñemguñem) keuñi mönö nanñi numbuñan jiiga möt teközin. Mianğöra tosatñan keuñi naŋgömegöra mönö wuanöŋgöra kunbuk qesim engibinak?” Mewö.

## 23

*Jisösnöŋ premiö Pailötkö jeñe kinök.*

*Mat 27.1-2, 11-14; Mak 15.1-5; Jon 18.28-38*

<sup>1</sup> Mewö jiiga kambu körek yeñön wahöta Jisös waŋgita premiö Pailötköreŋ anget. <sup>2</sup> Yaŋgöreŋ anda könahiba silene keu ala undenda kewö jiget, “Azi kianğö könañi kewö eka mörin: Yañön ambazip kuŋgum engiiga enololon aka karim asuhumakze. Nini Sisa kiŋgö takis kude almegöra songo alakza. Nanñaŋgöra ‘Ni Amötqeçe Tonji Kraist aka kiñ akzal,’ jimakza.”

<sup>3</sup> Mewö jigetka Pailötnöŋ kewö qesim waŋgiyök, “Ölna, gi Juda yeŋgö kiña akzan me qahö?” Qesim



wanğiiga Jisösnöŋ melenđa jiyök, “Mönö nangak jizani, mewö.”

<sup>4</sup> Pailötnöŋ jike nup galöm aka ambazip kambu yengöra kewö jii mötket, “Nöŋön azi kiangö pinjitŋi kun qahö miwikŋaizal.”

<sup>5</sup> Mewö jii möta kunbuk kapan köla kuŋguba jiget, “Yaŋön mönö ambazip kambu kuŋgum engiba Buŋaŋi Galili prowinsnöŋ könahiba kusum engiba gölme dop köla kaba Judia prowins kiangören mewöyök mi jim sehimakza.”

<sup>6</sup> Mewö jiget möta qesim engiba jiyök, “I Galili azia me akza qahö?” <sup>7</sup> Mewö jiiga “Mönö mi!” jiget möta Herodnöŋ Galili aka prowins tosatŋi mindiriba galöm köl engiba nalö miangörenök Jerusalem sitinöŋ kaba malöhi, miangöra Pailötnöŋ Jisös Herodkören wanğita anget. Mewö.

*Jisösnöŋ kiŋ Herodkö jeŋe kinök.*

<sup>8</sup> Herodnöŋ Jisösgö kösohotŋi möta lök nalö köröpŋi ekŋamgö sihimŋi möta malöhangöra i eka uruŋan gwötpuk ölöwahök. Jisösnöŋ angöletot kun meiga ekŋamgö al mamböta malök. <sup>9</sup> Miangöra qeqesi gwötpuk Jisös qesim wanğiyök. Mi qesim wanğiyökmö, Jisösnöŋ likepŋi kun qahö jii mörök.

<sup>10</sup> Jike nup galöm aka Köna keugö böhi yeŋön kinda silenöŋ alal keu könöpŋambuk jim wanğiget. <sup>11</sup> Herodnöŋ yarö aziurupŋi yembuk Jisös memba et ala jijiwilit aka mepaqepaik mem wanğiget. Mewö aka maluku aködamunŋambuk kun löngöt wanğiget kini melaiiga kunbuk premiö Pailötkö jeŋe anök. <sup>12</sup> Mutuk Pailöt aka Herod yetkön kerök-kerök ak aŋguba malohora nalö miangören ala-ala ahot. Mewö.

*Pailötnöŋ Jisös kömumapkö jim teköyök.  
Mat 27.15-26; Mak 15.6-15; Jon 18.39-19.16*

<sup>13</sup> Jisösnöŋ kaiga premiö Pailötnöŋ jike nup galöm aka galömkölköl aziurupŋi aka ambazip kambu öröm enġii tokoget. <sup>14</sup> Tokogetka kewö jii mötket, “Inini azi ki kewö jiba nöŋgöreŋ waŋgita kaze, ‘Yaŋön ambazip kambu kuŋgum enġiiga enjololöŋ ahakze.’ Mötket! Inini keu silene aljei, nöŋön mianġö könaŋi enġö jeŋine kewöta kewö miwikŋaizal: Inini azi kianġö silene keu aljei pak-pak, mianöŋ pinjitŋi qahö akza. <sup>15</sup> Herodnöŋ keu mewöŋanök jiba melaiiga kunbuk neŋgöreŋ kaza. Mötket, yaŋön yuai pinjitŋambuk kun qahö ahök. Mianġöra kömupkö buŋaya akŋapkö osima. <sup>16</sup> Mianġöra nöŋön jibi yarö azi yeŋön ihileknöhök qegetka pösatpi etma.” <sup>17</sup> (Pailötnöŋ yambu (yara) dop Pasowa sösöŋgai nalöŋe kösö mireyök azi mohok pösat enġimaljapma.)

<sup>18</sup> Mewö jiiga yeŋön körebörek silata qeta jiget, “Ia mönö yapmakek! Barabas mönö pösat neŋginöŋ.” <sup>19</sup> Barabas mianöŋ sitinöŋ karim gila malgeri, yeŋö galömnina aka azi kun qei kömuyöhi, mianġöra kösö mire alget tarök.

<sup>20</sup> Pailötnöŋ Jisös pösatmamgö möta keu kunbuk jiyök. <sup>21</sup> Jiyökmö, yeŋön qetala öraŋböraŋ misiba qet gigilahöget, “Maripomnöŋ qeget! Maripomnöŋ qeget!”

<sup>22</sup> Qet gigilahögetka yaŋön keu indimŋi karöbut kewö jiyök, “Yaŋön mönö wani bölöŋa ahök? Nöŋön yaŋgöreŋ pinjit kun kude miwikŋaibiga kömupkö buŋaya akŋawaŋgö dop qahö akza. Mewö

aiga nõjõn jibi yarõ azi yejõn ihileknõhõk qegetka põsatpi etma.”

<sup>23</sup> Mewõ jiyõkmõ, yejõn jakbak memba kapañ kõla toroqeba qet gigilahõba qetket, ‘Jisõs maripomnõj qeget kõmuma.’ Mewõ qeta Pailõtkõreñ keu mi qeapkõget. <sup>24</sup> Qeapkõgetka Pailõtnõj keuñini bapñe anda keu kapañ kõla jigeri, miangõ õlñi ahumapkõ jim tekõyõk. <sup>25</sup> Jim tekõba Barabas etmapkõ kapañ kõlgerañgõra i põsari erõk. I karim qeba malgeri, yeñgõ galõmñina aka azi kun qei kõmuyõhi, miangõra kõsõ mire alget tarõk. Mi põsari erõkmõ, Jisõs sihimñinañgõ dop jaunãaurañga ak wañgimegõra bõrõjine alõk. Mewõ.

*Jisõs maripomnõj qeget.*

*Mat 27.32-44; Mak 15.21-32; Jon 19.17-27*

<sup>26</sup> Pailõtnõj Jisõs bõrõjine aliga wañgita kõna namñe anda Afrika siti qetñi Sairini miangõ azi kun qetñi Saimon miwikñaiget. Yañõn nupnõhõk kañgoriga jim kutum wañgiba Jisõsgõ maripomñi wañgita yañgõ awõtñe algetka añguba wuatañgõba anõk.

<sup>27</sup> Mewõ aniga ambazip kambu ketañi yejõn lulunãda andõñe wuatañgõba anget. Yeñgõ sutñine ambi tosatñan mewõyõk jingey kõla sahõta anget.

<sup>28</sup> Sahõta angetka Jisõsnõj lilingõba engeka kewõ jiyõk, “O Jerusalem ambi, inini mõnõ nõngõra kude sahõtket. Nõngõra qahõpmõ, nanñini aka nahõnbõraturupñini miengõra mõnõ sahõtme. <sup>29</sup> Mõtket! Kõnañgep nalõ kun kai miangõreñ kewõ jime, ‘Ambi kõpin mi simbawõj. Gõlõm qahõ ala morõ kude megeri, mi simbawõj akze.

Nahönbörat juzu engiba qahö dohongögeri, mi simbawoŋ.’ <sup>30</sup> \*Nalö mianğöreŋ ambazipnöŋ könahiba kundunŋi Toŋi yeŋğöra kewö uletme, ‘Inini mönö kundunŋi mi jigetka teköba qaknine öŋğöme.’ Aka sem siago Toŋi mi kewö ulet engime, ‘Inini mönö baŋeŋine asamböt neŋgime.’

<sup>31</sup> “Nöŋön Anutugöreŋ ip gwölögwölö akzal aka nöŋğöra töndup kewö ak niŋgize. Inini ip köhömuŋi siŋgisöndokŋinambuk könöŋ sihit qeba kinje. Mianğöra Anutunöŋ likeŋi melen engiiga könöŋ amqeŋanök engohotiriiga sihimbölo öŋğöŋöŋi mötme.”

<sup>32</sup> Bölöŋi meme yahöt mi mewöyök Jisösbuk mohotŋe etkubingöra etkuangita anget. <sup>33</sup> Anda gölme qetŋi Nöröpsihit qetzei, mianğöreŋ aŋgota Jisös maripomnöŋ qeget. Qeba bölöŋi meme yahöt mi mohotŋe kun öŋe kun qaniŋe likeplikep mewö etkuget. <sup>34</sup> \*Mewö aketmö, Jisösnöŋ jiyök, “Iwini, yeŋön yuai akzei, mianğö könaŋi qahö möt kutuzeaŋğöra siŋgisöndokŋini mönö mosöt engiman.”

Qeget kiniga Jisösgö sile esuŋaŋğöra kiawen megetka qötöŋi ahui mianğö dop mendeŋda meget.

<sup>35</sup> \*Mewö aketka ambazip kambu yeŋön kinda mi uba eket. Eketmö, Juda jitŋememe yeŋön mewöyök mepaqepaik mem waŋgiba kewö jiget, “Anutunöŋ möwölöhöm waŋgii Amötqeŋe Toŋi Kraist akza ewö, tosatŋi bauköm engiba malöhaŋön mönö nanŋi bauköm aŋguma.”

---

\* **23:30:** Hos 10.8; Ind 6.16      \* **23:34:** Sum 22.18      \* **23:35:** Sum 22.7

<sup>36</sup> \*Yarö azi yeñön mewöyök keu gönahit jiba ilita kösutne anda wain o asölñambuk kusahöla memba öngöba wañgiba <sup>37</sup> kewö jiget, “Gi Juda yengören kin kembuya akzan ewö, mönö ölop nangi bauköm anñuman.”

<sup>38</sup> Nöröpne eu kulem kun kewö ohoget kinök, “Juda yengö kin kembuñina ki.”

<sup>39</sup> Kegwek-kahasililin azi yahöt mohotne möndögetka kingeri, yetkörenök kunñan uruqege keu töhören Jisös jim wañgiba kewö jiyök, “Gi Amötqege Tonj Kraist akzan ewö, mönö nangi bauköba niri mewöyök bauköm netkinöñ.”

<sup>40</sup> Mewö jiyökmö, alañan jim wañgiba kewö jiyök, “Gi gödaqeqegi qahö. Gi Anutugöra mewöyök kenñötki qahö mötzan me? Yeñön jim teköba sihimbölö öröröñ nenñigetka bisizin. <sup>41</sup> Niri ölna pinjit ahirañgöra likepñi dopne melenña ak netkigetka sihimbölö mötzit. Mi mötzitmö, azi kianñon bölöñi kun qahö aiga ia töndup ayuhuze.” <sup>42</sup> Mewö jiba jiyök, “Jisös, gi bemtohoñgahö uruñe anñotmani, miangören mönö ni mötmörim niñgiman.”

<sup>43</sup> Jiiga kewö jiyök, “Nöñön keu ölna jibi mötnöñ: Göñön mönö merak nömbuk oyaenñkoyaen mire öngöba malman.” Mewö.

*Jisösnöñ kömuyök.*

*Mat 27.45-56; Mak 15.33-41; Jon 19.28-30*

<sup>44</sup> Silim bibiñi 12 kilok aiga wehön jeñi böuleiiga söñaupnöñ eta gölme pakpak dop köla ahöiga anda aua karöbutkö dop ahök. <sup>45</sup> \*Nalö miangören jöwöwöl jike uruñe opo kinöhi, miañön mönö

\* **23:36:** Sum 69.21      \* **23:45:** Eks 26.31-33

euyök bibine jurata eta yahöt ahök. <sup>46</sup> \*Jisösnöñ nalö miangöreñ köhöikñanök qeta kewö jiyök, “Iwini, nöñön uñani göhö böröge aljal.” Mewö jiba söngörö ösum kondikñi öröba kömuyök.

<sup>47</sup> Kömuiga yuai asuhuyöhi, suahö galömnöñ mi eka Anutu möpöseiba kewö jiyök, “Yañön mönö ölna azi solanña akza.”

<sup>48</sup> Ambazip kambu pampak mi ekingö kaba tokogeri, yeñön yuai mi asuhui eka wösöñini juliga nörop gila mohot mohot miriñine anget.

<sup>49</sup> \*Angetmö, ambazip pampak Jisös möt wangigeri, yeñön sikep kinda i uba eket. Ambi tosatñan Jisös wuatangöba Galiliyök kageri, yeñön mewöyök kinda mi eket. Mewö.

*Jisösgö qamötñi löm kölget.*

*Mat 27.57-61; Mak 15.42-47; Jon 19.38-42*

<sup>50-51</sup> Juda yeñgöreñ taon qetñi Arimatia miangöreñök azi ölopñi qetbuñanambuk qetñi Josef yañön mewöyök kayök. Yañön Anutu bemtohoñangö ölni asuhumapköra mamböta malök. Yañön Juda yeñgö jike kaunsöl kambugö jitnememe mala Jisösgö keu jim jöhöba akeri, miangö urumohok qahö ahök.

<sup>52</sup> Yañön Pailötköreñ anda Jisösgö qamötñi memangö qesiyök. <sup>53</sup> Qesiba öngöba qamötñi maripomnöñök qeköba memba eta opo tuatñan esuhuyök. Esuhuba memba qaksirinöñ anda köt köteñ kun urorohoba qamöt kun miangöreñ qahö algeri, Jisösgö qamötñi mi miangöreñ alök.

<sup>54</sup> Sabat kendon tatatkö yuaini mözözömgögeri, miangö wehön jeñi gemangö ahök.

\* **23:46:** Sum 31.5      \* **23:49:** Luk 8.2-3

<sup>55</sup> Gemamgö aiga ambi Jisösbuk Galiliyök kageri, yeñön Josefgo könaje qaksirinöñ anda yañön Jisösgö qamötñi memba köt köteññöñ alöhi, mi eket. <sup>56</sup> \*Miañgöreñök lilingöba mire anda jiniñ suamburup umköhōwakñambuk aka kelök qösösökñambuk Jisösgö qamötñe miribingö mözözömgöget. Mözözömgögetmö, Mosesnöñ Köna keunöñ Sabat kendongöra jim kutui ahöyöhi, mi wuatangöba luhut memba ösöñ tatket. Mewö.

## 24

*Jisösnöñ kömupñöhök wahörök.*

*Mat 28.1-10; Mak 16.1-8; Jon 20.1-10*

<sup>1</sup> Sabat kendon tatket teköiga Sonda söñanök miri gianjiiga ambi yeñön wahöta jiniñ jimoron umköhōwakñambuk mözözömgögeri, mi memba qaksirinöñ anget. <sup>2</sup> Anda kunñan qaksirigö numbune köt ketañi qetali ani eket. <sup>3</sup> Mi eka köt köteñ uruñe öngögetmö, Kembu Jisösgö qamötñi qahö miwikñaget. <sup>4</sup> Miañgöra mötkurumkurum möta kingetka azi yahöt malukunñi tuatñi kölköl-bilibilikñambuk yetköñ wösöñine kinohotka etkeket.

<sup>5</sup> Mi etkeka awöwöliba gölmenöñ geba dapkögetka kewö jiyohot mötket, “Jebuk mal köhöizawi, i mönö denöwögöra kömukömuñi yeñgö sutñine jaruze? <sup>6</sup> \*Yañön ki qahö ahözapmö, mönö guliba wahötza. Galili prowinsnöñ mala keu jii mötkeri, mi mönö mötmörime: <sup>7</sup> Yañön kewö jiyök, ‘Kunöñ Suep gölmegö azi ölni mamalolo mem wañjiiga bölöñi

---

\* **23:56:** Eks 20.10; Dut 5.14    \* **24:6:** Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

meme yengö böröjine geiga maripomnöŋ qeget kömumba wehön karöbut aiga guliba wahötma.’ ”

<sup>8</sup> Mewö jiyohotka keuŋi mi mötmötŋine angoriga mötmöriget. <sup>9</sup> Mewö mötmöriba qaksirinöhök lilingöba kaba yuai pakpak asuhuyöhi, miangö buzup keuŋi mi gwarek 11 aka tosatŋi pakpak yengöra jiget mötket. <sup>10</sup> Keu mi jigeri, mi Magdalagöra Maria, Joana aka Maria Jeimsgö namŋi aka ambi tosatŋi yembuk malgeri, yeŋön mi kaba aposol yengöra jiget mötket.

<sup>11</sup> Buzup keu mi jiget mötketmö, keu jigeri, mi keu omaŋi tandök ahöhi, mewö mötmöriba mi qahö möt nariget. <sup>12</sup> Qahö möt narigetmö, Pitönöŋ wahöta ösumŋan qaksirinöŋ anda köt köteŋ uruŋe ui aniga opo esu miyök miangörenŋ tari ehök. Mi eka yuai asuhuyöhi, mi nanŋök mötmöriba welipköba mire lilingöyök. Mewö.

*Gwarek yahötŋan Emeus könanöŋ anohot.*

*Mak 16.12-13*

<sup>13</sup> Wehön miangörenök Jisösgö gwarekurupŋi yengörenök yahötŋan Jerusalem siti mosöta miri qetŋi Emeus sewen mail miangörenŋ anbitkö anohot. <sup>14</sup> Könanöŋ anda yuai asuhuyöhi, mi pakpak nanŋirök eraum mörohot. <sup>15</sup> Mi eraum möta könaŋi jim lömböriba anohotka Jisösnöŋ nanŋak kösutŋire angota mohotŋe anget. <sup>16</sup> Angetmö, jeŋiri közamböri i qahö ek kutuyohot. <sup>17</sup> Qahö ek kutuyohotka kewö jiyök, “Injiri nanŋirök wani keuya könanöŋ eraum möta kazahot?” Mewö jiiga dörok mitiba wösöbirik jeje uba eka kinohot.

<sup>18</sup> Eka kinda yetkörenök kun qetŋi Kliopas yaŋön kewö qesim waŋgiyök, “Pasowa kendonöŋ yuai



asuhuyöhi, mi Jerusalem ambazip körekñan mötze. Gi mohotñan kiana aka mi qahö mötzan me?”

<sup>19</sup> Qesim wañgiiga “Mi wania?” jiiga möta kewö jiyohot mörök, “Nazaret azi Jisösgöra yuai asuhuyök mi. Yañön kezapqetok azia mala Anutu aka ambazip pakpak yengö jeñine ahakmeme kukösumñambuk aka keu köhöikñi jiba malök.

<sup>20</sup> Mewö maliga neñgö jike nup galömnini aka galömkölköl aziurupninan i wañgita premiögö böröñe algetka kömumapkö jim teköi maripomnöñ qeget kömuyök. <sup>21</sup> Yañön Israel könagesönini kösönöhök pösata sohohnini memapköra al mamböta jörömqöröm aka malinmö, Yei! i mönö qeget kömuyök. Yuai mi asuhuiga mala koringa merak sömañi karöbut lök akza.

<sup>22</sup> “Mi qahö dop köliga merak neñgöreñök ambi tosatñan keunöñ kuñguba welipköm neñgiget maljin. Yeñön söñan amandine qaksirinöñ anda,

<sup>23</sup> qamöñi qahö miwikñaiba lilingöba kewö jize, “Nini Suep garata yahötkö jemelenj imut ehinga yetköñ ‘Jisösnöñ guliba malja,’ ” jiyohotka mötzin.

<sup>24</sup> Keu mi möta azi nembuk maljei, yengöreñök tosatñan qaksirinöñ anda ambi yeñön keu jizei, miañgö dop ahöiga ekze. Löm gwamönñi ekzemö, nanñi qahö ekze.”

<sup>25</sup> Keu mi möta kewö jii mörohot, “Yei! Inini kezapqetok yeñön keu jigeri, mi pakpak mönö wuanöngöra ölanbölan aka ajojohoba gawönjeje mala qahö möt narize? <sup>26</sup> Amötqege Tonj

Kraistnöñ sihibölö mewöñi mötagun nanñi asakmararanj uruñe öngöma. Miañgö dop ohoget ahöza me qahö?” <sup>27</sup> Mewö jii mörohotka Moses aka

kezapqetok ambazip pakpak yejön keu jigeri, miangöreñök könahiba nanñangöra keunji pakpak ohoget ahözawi, miangö könanji jim asarim etkiyök.

<sup>28</sup> Jim asarim etkiba anda miri anbitkö jiba anohori, mi dopdowiba miangören toroqeba an-mangö mörök. <sup>29</sup> Mewö mörökmö, yetkôn kapan köl wangiba kewö jiyohot, “Miri mare aiga wehön jejan lök gemangö akza. Miangöra ölop netpuk tata ahöman.” Mewö jiyohotka yetpuk mire öngöba tatket. <sup>30</sup> Tata yetpuk nene nemingö aka beret memba kötuatköba mindipköba etkimangö aiga yuai kewö asuhuyök:

<sup>31</sup> Miangöreñök jeniran tohoiga ek kutuyohotka atatop (jیاتون) köliga kunbuk qahö ehot.

<sup>32</sup> Mewö aiga nanñirök kewö eraum mörohot, “Köna namñe Buña Kimbigö keu jiba könanji jim asarim netkizawi, nalö miangöreñök mönö urunire könöp jezawangö dop mötzit.”

<sup>33</sup> Mewö jiba miangöreñök wahöta Jerusalem sitinöñ lilingöba anggota gwarekurupñi 11 aka alaurup yembuk tokoba tatkeri, mi miwikñaim engiyohot.

<sup>34</sup> Miwikñaim engiyohotka kewö jiget mörohot, “Kembunöñ mönö ölña wahöta Saimongören asuhum wangiza.”

<sup>35</sup> Mewö jigetka nanñirak könanöñ yuai asuhuyök aka beret mindipköyöhi, nalö miangören uruniri tohoiga möt kutuyohot, miangö kösohotñi mem engiyohot. Mewö.

*Jisösnöñ gwarek kambunji asuhum engiyök.*

*Mat 28.16-20; Mak 16.14-18; Jon 20.19-23; Apo 1.6-8*

<sup>36</sup> Gwarekurupni yejön keu mi eraum möta tatketka miangörenök Jisösnöñ nanñak sutñine asuhuba kinda kewö jiyök, “Alaurupni, luainöñ embuk ahöma!”

<sup>37</sup> Mewö jiiga kenjötporiñ aka jönömñini undui “Öme imura ekzin,” mewö mötmöriget. <sup>38</sup> Mewö mötmörigetmö, kewö jii mötket, “Inini denöwögöra auruba mötmöt mewöñi uruñine ahuza? <sup>39</sup> Ni nanak ki maljal. Mi nanñinak köna böröni uba eka mötme. Öme imut mi bususihitñini qahö. Ni bususihitnambuk kinbi nekze. Mönö nömisiriba nek kömume.”

<sup>40</sup> Mewö jiba köna böröñi kondel enjiyök. <sup>41</sup> Kondel enjiyökmö, mi sösongaiñinañgöra töndup qahö möt nariba welipköba tatketka kewö qesiba jiyök, “Neneñamñini kun ki tatza me qahö?” <sup>42</sup> Mewö jiiga söra jejeñi miangö kitipñi kun wanñiget. <sup>43</sup> Wanñigetka memba neiga eket.

<sup>44</sup> Neiga eketka kewö jii mötket, “Ni embuk mala nalö miangören keu jibi mötkeri, miangö ölni nalö kiangören asuhui ekze. Nöñön kewö jiba malal: Nöngö keu mi Mosesgö Köna keu aka kezapqetok azi yeñgö Buzup Kimbi aka Sumbara (Buña liñet) bukñöñ ohoget ahözawi, mi pakpak mönö ölnambuk ak teköma.”

<sup>45</sup> Mewö jii mötketka miangörenök Buña Kimbigö könañi möt kutumegöra uruñini metohoyök. <sup>46</sup> Metohoba kewö jii mötket, “Keu kewö ohoget ahöza: Kraistnöñ sihimbölö möta kömumba sömañi karöbut aiga kömupñöhök wahötma. <sup>47</sup> Miangöra eñön mönö Jerusalem sitinöñ könahiba Buña keu nöngö qetne jim asariba kantri pakpak dop köla anda uru kuñgum enjimakñe. Denike

yeñön uruñini melenmei, Anutunöñ mönö yeñgö sinjisöndokñini mosöta sañgoñma.

<sup>48</sup> “Keu mi ölnambuk ahök aka akñawi, inini mi asuhui eka nañgöba jiba dangunu ewö kinme.

<sup>49</sup> \*Mötket! Iwinan kalem engimapkö keu jöhöyöhi, nöñön i melaibiga uruñine gema. Euyañgöreñök kukösum albi qakñine öngöma. Inini siti kiangöreñ miangöra mamböta tata malme.” Mewö.

*Jisösnöñ Suep mire öngöyök.*

*Mat 16.19-20; Apo 1.9-11*

<sup>50</sup> \*Jisösnöñ keuñi jim teköba gwarekurupñi enğuañgita anda Betani miri kösutñe angota miangöreñ böröñi mem wahöta kötuetköm enğiyök. <sup>51</sup> Kötuetköm enğiiga miangöreñök

Anutunöñ wañgiriga enğömosöta Suepnöñ öngöyök.

<sup>52</sup> Öngöiga sösongai ketañi möta sipköba waikñi memba möpöseim wañgiba Jerusalem lilingöget.

<sup>53</sup> Lilingöba sundan dop jöwöwöl jikenöñ mala Anutu möpöseim wañgiba malget. Mewö.

---

\* 24:49: Apo 1.4      \* 24:50: Apo 1.9-11

**Burum-Mindik Bible**  
**The New Testament and portions of the Old Testament**  
**in the Somba-Siawari language of Papua New Guinea,**  
**also called the Burum Mindik language.**  
**Sampela hap Buk Baibel long tokples Burum Mindik**  
**long Niugini**

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

---

PDF generated using Haiola and XeLaTeX on 21 Feb 2024 from source files dated 31 Aug 2023

c0871260-68cc-5a50-953f-52200e105d1e